

WANTOK

NIUSPEPA BILONG OL PAPUA NIUGINI STRET

40 pes

Mosbi 25 toea

Namba 726

2 - 8 Jun, 1988

Arapela Provins 30toea

Nupela Gavman bilong Wingti na Mel

HENRY MORABANG i raitim

Pangu aut Nesenel Pati kisim ples



• Paias Wingti

NESENEL pati na Pipel Demokretik Muvmen (PDM) nau i kamapim nupela gavman. Pangu pati husat i namba wan pati long kamapim gavman wantaim PDM i bin brukim marit bilong em tupela.

Nesenel husat i gat 8-pela memba na nau i apim namba bilong nupela gavman i go long 72 olgeta. Oli gat i kisim tupela nupela minista. Lida bilong pati, Michael Mel i bosim Treseri. Dispela

em nupela wok minista em Wingti i kamapim. Na arapela strongpela sapota bilong pati Ben Sabumei i lukautim Helt.

Olgeta arapela wok minista i stap yet olsem bipo. Tasol i gat sampela senis tasol i bin kamap.

Olpela minista bilong Pablik Sevis, Utula Samana nau i kisim ples bilong Gai Duawabane long lukautim wok Egrikalsa. Allan Ebu i lusim Fiseris na go kisim ples bilong Tom

Amiau long lukautim Korektiv Institusen. Kala Swokin na Albert Kipalan i senisim ol wok minista. Kipalan nau i lukautim Lens na Swokin i go kisim ples bilong em long Jastis.

Tupela nupela man i kisim wok minista em Michael Ogio bilong Not Solomons i kisim ples bilong Utula Samana long lukautim pablik Sevans. Thomas Negints i lukautim Fiseris. Na Wiwa Korowi i kisim ples bilong John Kaputin na lukautim Mineral na Eneji.

Ol arapela minista i stap yet i stap olsem;

Long dispela wik yet, Nesenel pati husat i joinim PDM na ol arapela pait long g a v m a n long kamapim nupela gren kolisen i bin mekim planti paul toktok tru.

Mande, pati lida Michael Mel i tok ol bai stap yet long Oposisen. Na long Tunde ol i tok ol bai kamap olsem Indipenden pati. Ol bai i no inap joinim wanpela pati. Na long aste, Trinde ol i kalap kwik na askim gavman bilong Wingti long kisim ples bilong Pangu.

Pangu em i namba wan pati long kamapim tingting bilong gren kolisen. Olgeta toktok i bin kamap orait taim tupela lida Rabbie Namaliu bilong Pangu na Paias Wingti bilong PDM i bin sainim wanpela tok orait las wik.



• Michael Mel

Long Trinde taim Wingti i laik tokaut long nupela gavman bilong em Pangu i bin askim long wanpela minista moa. Tasol PDM i no amamas tumas. Olsem na ol i no larim Pangu.

Mista Wingti i tok dua i op yet long Pangu sapos em i gat tingting long joinim gavman.

Em i tok olsem em i gat bikpela rispek o luksave long Mista Michael Somare na ol lain bilong Pangu. Tasol em i laik bilong ol yet na ol i lusim dispela tingting bilong kamapim gavman.

Praim Minista i tok em bai amamas tru long kisim Michael Somare. Bikos Somare i gat nem. Na Wingti bai amamas tru long Somare i kisim ol lain Pangu

na joinim dispela gavman.

Wingti i tok nau yet em i no save long wanem as tru na Pangu pati i bruk lusim marit bilong em wantaim PDM pati.

Wantok i no inap toktok wantaim ol lain Pangu taim em i raitim dispela stori.

Dispela nupela gavman nau i kamapim wanpela nupela minista. Na dispela minista em Treseri. Dispela em nupela minista taim Praim Minista i brukim Fainens long tupela hap. Na dispela nupela minista tu i kisim ples bilong Internal Afeas.

Ol minista i lusim wok minista em Gai Duwambane - Egrik-lasa, Tim Ward - Helt, Tom Amiau - CIS, Internal Afeas - Ted Diro.

Wok Minista	Memba	Pati
Praim Minista/Foren Afeas	Paias Wingti	PDM
Namba tu Praim Minista na Tred na Industri	Sir Julius Chan	PPP
Treseri	Michael Mel	NP
Trenspot	Roy Yaki	PDM
Egrikalsa	Utula Samana	MUF
Fainens	Galeva Kwarara	PP
Forest	Tom Horik	MUF
Lens	Albert Kipalan	PPP
Pablik Sevis	Michael Ogio	PDM
Leba na Emploimen	Masket Iangalio	UP
Difens	James Pokasui	MUF
Plis	Peter Kuman	PDM
Edukesen	Joseph Acae	PP
Kalsa na Turis	Albert Karo	PAP
Envaremen na Konservesen	Perry Zeipi	PAP
Edministretiv Sevis	Johnson Maladina	PDM
Hausing	Bill Ninkama	PDM
Fiseris	Thomas Negints	PDM
Provinsal Afeas	Jacob Lemeki	PDM
Woks	Aita Ivarato	PDM
Minerals na Eneji	Wiwa Korowi	PDM
Jastis	Kala Swokin	Indipendent
Komyunikesen	Gabriel Ramoi	PDM
Helt	Ben Sabumei	NP
Sivel Aviesen	Hugo Berghuser	Indipendent
Hom Afeas	Eserom Burege	PPP
Korektiv Sevis (CIS)	Allan Ebu	Indipendent


CRUNCH

PINEAPPLE · CHOCOLATE · COCONUT

**SWIT BISKET
BILONG
OLGETA FAMILI**

Paradise

COLOR USED



MT HAGEN: Plis long Mt Hagen i bin painim pinis wanpela sotgan em ol i bilip olsem ol i bin wokim long Lae yet.

Provinsal Plis Komanda, Sief Suprintenden Giossio Labi i tok olsem ol lain husat i bin wokim dispela sotgan i bin mekim gut tru dispela gan na i wankain olsem ol sotgan em mipela i save kisim long arapela kantri.

Plis i bin kisim dispela sotgan long wanpela rotblok long Korn fam long las wik Fraide. Plis long dispela taim i bin lukim wanpela man i holim wanpela samting em i karamapim long ol hap laplap na pepa na i bin traim long stapim em taim dispela man i bin tromoi dispela karamap na ranawe.

MOSBI: Wanpela man, Erick Lakamai bilong ples Sali long Kavieng i bin kamap pinis long Boroko Distrik kot long Tunde, 31 Me. Plis i bin sasim Mista Lakamai long wanem em i bin gat sampela ol smok nogut wantaim em.

Plis i bin holim Erick na wanpela poro bilong em long taim ol i painim long poket bilong tupela wanpela redpela plastik i gat ol sampela samting olsem lip bilong diwai em ol i bilip i bin dispela smok nogut.

Plis i tok olsem Erick i bin tokim ol olsem em i bin kisim ol dispela samting long wanpela hotel taim em i bin dring long dispela hap. Kot i bin surikim taim bilong harim kot bilong Erick i go long 6 Julai.

VANIMO: Plis long Vanimo i bin sasim pinis wanpela meri long Tunde 31 Me long traim kilim em yet.

Dispela meri, Jenny Savemea Kabe bilong Vanimo viles long Wes Sepik Provins i bin traim long kilim em yet long taim em i bin dringim 6-pela marasin. Ol lain wanpisin bilong em i bin hariap long bringim em long bikpela haus sik bilong Vanimo na nau em i stap orait.

MT HAGEN: Long Mt Hagen, plis i bin sasim pinis wanpela meri, Lucy Soso bilong ples Yangoru long Is Sepik Provins long senisim ol mak bilong mani long wanpela sek na kisim mani long em.

Plis ripot i tok Lucy i bin senisim ol mak bilong mani long dispela sek na i yusim mani i kam long dispela sek long baim tiket bilong balus bilong em na mama bilong em. Lucy i save wok wantaim Sullivans Pty Ltd.

Kot i bin surikim sas bilong em i go long arapela taim gen long harim.

MT HAGEN: Plis long Mt Hagen i bin holim na sasim pinis tripela man long wanpela samting em ol i bin mekim long holim na bagarapim tupela liklik meri krismas bilong tupela inap long 13 yia.

Dispela tripela man John Kevin, Albert Yule na Lucas Tungula i bilong ples Pindua long Sauten Hailens Provins.

Plis i tok dispela tripela man i bin go insait long wanpela haus long Korn fam long taim tupela meri ya i bin slip na pulim tupela i go ausait na mekim dispela pasin.

Plis i bilip olsem ol dispela tripela man i bin yusim wanpela ka long ranawe. Plis i bin holim ol taim ol i bin kamap long haus sik long kisim helpim long ol bagarap ol i bin painim long ka eksiden.

MT HAGEN: Long Fraide nait, 10-pela man i bin holim na bagarapim wanpela meri krismas bilong em inap long 24 yia. Plis ripot i tok olsem dispela meri i bin wokabaut wantaim wanpela poroman bilong em i go long haus taim dispela birua i bin kamap.

Dispela meri i stap nau long bikpela haus sik long Mt Hagen. Plis i wok long painimaut yet long dispela birua.

Lo komiti wokim video piksa bilong givim skul

WOK bilong wokim wanpela video piksa bilong ol hevi em pasin bilong paitim meri i save kamapim long bagarapim famili bai i stat long Goroka long dispela wik.

Bai ol i wokim dispela video piksa long ples Kefamo na Goroka taun. Na ol pipel bilong ples yet bai kamap long dispela piksa. Ol plisman bilong Goroka, mejstret, probesen sevis na Isten Hailans Rehabilitesen Sevis, Luteran Sios na ol

tisa bilong tupela komyuniti skul i tok ol bai givim han long wokim dispela video.

Wimen na Lo Komiti i go pas long dispela bikpela progrem bilong toksave long ol birua na hevi em pasin bilong paitim meri i save kamapim long famili laip. Na dispela video piksa em i wanpela rot bilong toksave long ol pablik long stapim dispela pasin bilong paitim meri.

Siaman bilong komiti, Misis Josepha Kanawi i tok em i amamas long ol pipel i

helpim gut komiti long wokim dispela video piksa. Em i tok, ol pipel i luksave nau long dispela hevi bilong pasin bilong paitim meri. Na ol i laik stap insait tu long ol rot bilong pinisim dispela pasin nogut.

Bai ol i wokim dispela piksa inap long 10-pela de olgeta. Piksa bai kamap long Tok Pisin na i gat ol hap toktok ol bai raitim long Inglis. Longpela bilong piksa ya em 25 mita. Piksa bai soim wanpela famili bilong ples na narapela bilong taun husat i bungim dispela hevi. Na bihain

ol i painim rot bilong stretim.

Frank Mills na Rabura Aiga tupela wokman bilong NTN TV bai wokim dispela piksa. Na mani bilong wokim piksa i kam long opis bilong CUSO na Kanada Hai Komisin.

Misis Kanawi i tok as bilong wokim dispela video piksa em long mekim ol pipel i luksave olsem famili laip em i bikpela samting. Na sapos i gat hevi i kamap namel long tupela marit, orait mobeta ol i sindaun toktok na painim ol stretpela rot bilong daunim hevi. Na maski long mekim

dispela pasin bilong pait. Dispela video piksa i soim tu ol rot em lo i ken helpim ol manmeri husat i gat dispela kain hevi.

Long taim dispela piksa i redi bai ol i salim long ol komyuniti skul, haiskul, yut grup, wimens grup, ol sios na husat manmeri i gat laik long lukim dispela piksa.

Sapos yu laik kisim wanpela video ya orait yu ken ringim Dokta Christine Bradley long telepon namba 25 8755 o salim pas i go long P.O. Box 3439, Boroko.

CMB amamas long K4 milien

..... tasol siaman i tok em i no inap

SIAMAN bilong Kopra Maketing Bot (CMB) Sir John Guise i tok em i kisim pinis K4 milien bilong helpim kopra fan. John Guise i kism dispela mani long Deputi Praim Minista Sir Julius Chan long 13 Me.

Dispela mani em long helpim ol kopra growa long taim pe bilong kopra logng wol maket i pundaun. Planti bilong ol dispela growa em ol viles pipel long rurel eria husat i wokim 60 pesen kopra insait long kantri.

Sir John Guise i tok em i amamas long dispela mani. Tasol em i tok tu olsem pe bilong

kopra long wol maket i stap daunbilo longpela taim.

CMB bai yusim dispela K4 milien long helpim ol pe bilong kopra bilong mun Jun. Olsem na pe bilong wanpela ton kopra bai i go antap nau long K21. Dispela bai i go long olgeta gred bilong Jun.

Pe bilong ol eria olsem Mosbi, Alotau, Lae, Madang, Wewak, Kavieng, Rabaul/Tobo, Kimbe na Kieta em.

Smok - K224 Long Wanpela Ton
FMS - K226 Long Wanpela Ton
H/Air - K229 Long Wanpela Ton

Sir John guise i tok olsem long dispela K4 milien em gavman i givim, CMB i baim K29 long wan wan ton i go long ol growa.

Pe bilong ol eria we i gat ol liklik bris em:

Samarai
Smok - K192 Long Wanpela Ton
FMS - K194 Long Wanpela Ton

Hot Air - K197 Long Wanpela Ton

Namatanaina Kendrien
Smok - K189 Long Wan-

pela Ton
FMS - K191 Long Wanpela Ton

Hot Air - K194 Long Wanpela Ton

Buka
Smok - K188 Long Wanpela Ton

FMS - K190 Long Wanpela Ton

Hot Air - K193 Long Wanpela Ton

Finsafen
Smok - K184 Long Wanpela Ton

FMS - K186 Long Wanpela Ton

Hot Air - K189 Long Wan-

pela Ton

Lorengau
Smok - K179 Long Wanpela Ton

FMS - K181 Long Wanpela Ton


Hot Air - K184 Long Wanpela Ton

Kopra Maketing Bot i sot long mani. Olsem na Siaman bilong Bot i laikim olgeta kopra growa insait long kantri imas wokim kopra yet. Bikos ol i ken helpim CMB long pinisim agrimen bilong en wantaim ol lain husat i save baim kopra bilong PNG Em ol lain kampani long Yurop, Japan, Singapo na Taiwan.

Ol skul pikinini kisim presen

OL pikinini long Kieta komyuniti skul long Not Solomons i ken save gut long stori bilong Australia nau. Skul bilong ol kisim ol rekot, tep na ol buk long wanpela karamap ol i kolim "I am Australian."

Sandy Logan man i mekim wok long Sekreteri (Infomesen) long opis bilong Australia Hai Komisin i bin go long Kieta komyuniti skul na toktok long ol gret 6 sumatin. Ol skul sumatin i wok long lainim moa long ol kantri na pipel i stap klostu long PNG. Na Mista Logan i bin stori long ol long kantri bilong em



• Poto i soim Mista Logan i sanap toktok wantaim ol studen. Het tisa bilong Kieta komyuniti skul Joseph Kasta namel na gret 6 tisa Anton Dalet i sanap wantaim em.

Australia na bihain karamap we i gat ol long skul. skul nau long Kieta em i givim dispela buk, rekot na tep i go I gat 250 pikinini i komyuniti skul.

Plis Komisina bekim toktok bilong straik

BIKPELA toktok i bin kamap olsem olgeta plisman na meri long kantri bai i lusim wok bilong ol sapos ol toktok namel long Plis Asosiesen wantaim plis Minista Peter Kuman na Plis Dipatmen i no stret.

Plis Asosiesen i bin tok olsem Plis dipatmen na Mista Kuman i mas apim pe na alauwens bilong ol plisman na stretim ol haus bilong ol.

Long nau yet, ol plisman na meri yet i wok long baim pawa, wara, rausim ol pipia na ol kain samting olsem. Bipo Plis Dipatmen yet i save go pas long stretim ol dispela samting.

Presiden bilong Plis Asosiesen, Aloysius Evisaia i tok olsem sapos dipatmen na Mista Kuman i no mekim olsem em bai asosiesen i askim olgeta plisman na meri long straik.

Insait long wanpela ripot i bin kam long Plis Minista, Peter Kuman na Plis Komisina Paul Tohian long Trinde 1 Jun, tupela wantaim i bin tok olsem tupela i wari long wanem hevi em ol lain memba bilong plis fos i wok long bungim nau.

Ripot i tok tu olsem tupela wantaim bai i lukluk gut tru long ripot bilong ol plisman na meri long wokim wanpela bikpela straik insait long olgeta hap bilong kantri.

Long taim tupela i bin kisim opis, tupela i bin mekim pinis ol sampela askim i go long Nesenel gavman long ol hevi bilong plisman na meri.

Sampela bilong ol dispela samting em long:-

1. Mani i kam long ol sas bilong haus na ol arapela sevis bai i go long wok bilong helpim na stretim ol hevi insait long ol haus na ol arapela hevi i kamap long ol

haus bilong ol plisman.

2. Wanpela askim long kisim K2 milien long stretim ol lain long fos husat i bin mekim wok bilong plis bihain long taim em ol i mas wok long en. Dispela i stap nau wantaim Risos Menesmen Komiti bilong lukluk long en.

3. Askim bilong Nesenel Eksekutyutiv Kaunsil (NEC) long karamapim olgeta mani bilong Plis Fos long yusim long 1988 i stap pinis. Insait long dispela askim tu i gat askim bilong K4 milien long lukluk long baim ol wokman na meri bilong fos husat i wok bihain long taim em ol i mas wok long en. Na tu long ol arapela bikpela operesen we ol i no redi long en olsem bai Plis Fos i no inap long painim hevi long ol alauwens na ol arapela samting we ol plisman na meri i mas kisim long en.

Mista Kuman i bin tok tu olsem em i no amamas long wanem ol samting em Presiden bilong Plis Asosiesen i laik mekim long en.

Em i tok; " Mi na Plis Komisina i amamas long toksave long ol samting em mipela i mekim long ol dispela hevi. Em i mas amamas long wanem samting mitupela i bin mekim na i mas toksave stret long ol plisman na meri long kantri long dispela. Em i no gutpela long em long traime na mekim nem bilong em long kirapim bel bilong ol lain bilong Fos long kantri."

Insait long wanpela

arapela ripot, mani bilong baim kos bilong ol haus i no go antap long yia 1982 i kam inap long las yia. Mani bilong baim kos bilong haus long dispela taim i bin stap long mak bilong K2.30 i go inap long mak bilong K5 long wanpela fotnait.

Nupela mak bilong baim kos bilong ol haus long dispela yia i bin stap long K5.50 i go inap long mak bilong K11.50 long wanpela fotnait.

Ripot i kam long opis bilong Komisina i tok tu olsem olgeta dispela mani em Dipatmen i kisim long baim kos bilong ol haus bai i stap long stretim ol dispela haus bilong taim ol i bagarap.

Ripot i tok tu olsem as bilong dipatmen i no save stretim ol

haus bilong ol plisman em bikos mani dipatmen i save kisim long kos bilong ol haus i liklik tumas. Wantaim dispela nupela mak bilong mani, bai i gat inap mani long lukluk long ol dispela hevi taim ol i kamap long ol haus.

Na long arapela komplemen bilong ol plisman na meri yet i wok long baim ol sas bilong wara, pawa, pipia na ol arapela wankain samting, ripot i bin tok olsem long dispela yia ol plisman husat i stap long haus bilong dipatmen i save givim K2 tasol long wanpela fotnait i go long baim bikpela sas bilong ol dispela samting.

Insait long wanpela wok painimaut, ol i bin painim olsem dipatmen i save baim

K30 long pawa long nem bilong ol plisman long wanpela mun. Sampela bilong ol dispela mak bilong mani i save go antap long mak bilong K60 o K80 long wanpela mun.

Ol i bin kamap wantaim tingting long bipo olsem wan wan plisman bai i baim K11.50 long wanpela fotnait long go long sas bilong ol dispela samting. Tasol long taim dispela i bin kamap long olpela Plis Komisina em i bin amamas long rausim dispela K2.50 sas long ol plisman na meri na i tok olsem dipatmen bai i stretim dispela mani.

Olsem na long nau ol lain plisman na meri husat i stap long haus bilong dipatmen bai i baim K9 long wanpela fotnait.

Timba Kampani i no bihainim tok orait

WANPELA tokorait namel long Rabaul Katolik asdaioes na wanpela kampani bilong Japan Bismarck Industri i katim pinis 55 tausen mita timba long Freehold na Senbam eria bilong Is Nu Briten provins.

Painimaut wok long Fores Indastri i harim olsem ol dispela samting i bin kamap namel long 1984 na 1987 na ol diwai i bin kostim inap long K2.75 milien long wan yia.

Tasol loya i helpim jas long dispela painimaut wok John Reeves i no inap long kisim ol bekim long askim bilong em i go long mausman bilong kampani, Kasuyoshi Nishiwaki.

Long tokorait namel long sios na kampani ol i bin pasim toktok olsem kampani i mas wokim ol nupela rot, ol i mas planim ol kakao na kokonas na tu ol i mas planim ol nupela diwai. Tasol long taim wok i bin stat long 1980 i kam

inap dispela yia kampani i no bihainim ol dispela tokorait ol i bin mekim wantaim sios.

Sios na kampani i bin pasim tok olsem Sios bai kisim 5% na kampani bai kisim 95% bilong ol mani i kamap long dispela wok bilong katim timba.

Tasol painimaut wok i harim olsem i luk olsem sios i bin kisim moa long 5% ol i tok ol bai kisim.

Tude bai ol i harim sampela moa toktok bilong Nishiwaki.

Laki mama!

MIS Papua Niugini, Erue Taunao i givim Dorcas Puipui televisen bilong em. Dorcas i winim dispela televisen long wanpela resis bilong Shell kampani long Mosbi, na Lae.

Long stap insait long dispela resis ol man i mas baim bensin inap long K5 o moa long ol sevis stesin bilong Shell.

Long dispela taim tu wanpela man Boia Wia i bin winim narapela televisen tu.

Dispela resis i stap inap long 4-pela wik nau na bai pinis long 3 Jun. Ol prais i stap insait long dispela resis em 48 telivisen na 112 arapela samting.



• Mis PNG Erue Taunao i givim televisen i go long Dorcas Puipui.

Toro
TORO I HARIM PAIRAP AUSAIT LONG DUA NA EM OPIM DUA...

EM SUBIM HET BILONG EM I GO AUT...
1
EM HUSATI PAIRAP?

EM LUKLUKI I STAP NA WANPELA GRIN FROG I KALAP LONG EM...
WANEM?

MAN, GRIN FROG I PAS LONG PES BILONG EM...

TARANGU TORO I BIKMAUS NOGAT TRU NA SIKSTI I GO INSAIT LONG HAUS...
KOLE!!!
YAAAA!!!



Inap nau

NUPELA gavman i kamap nau we Nesenel Pati i bung wantaim Paia Wingti na ol i lain PDM na kamapim gavman.

Mi mekim wanpela toktok tasol long dispela gavman. Inap nau na yupela i tingting tasol long mekim wok bilong gavman. Inap 4-pela wik nau ol pipel bilong PNG i wok long harim nius bilong nupela gavman. I go i go na mipela i les pinis. Mipela i laik lukim gavman i wok nau.

Oposisen tu i gat wankain tok tasol i go long ol. Stretim gut tok na yupela i sanap strong na mekim wok bilong yupela. Was long gavman na opim maus long taim gavman i abrus liklik.

Planti hevi i stap yet na nau i no gat man i opim manus bikos toktok pait long kamapim gavman i bosim olgeta samting. Yupela ol lida mas pinisim amamas bilong yupela o sem bilong yupela na tingting long ol pipel bilong kantri.

Vanimo kot kalabusim 5-pela Wes Irian pipel

DISTRİK KOT long Vanimo i bin sasim na kalabusim pinis 5-pela pipel bilong Wes Irian long 23 na 24 Me.

Mejistret bilong kot, John Gankaoh i bin salim ol tripela singel man na arapela man na meri bilong em i go long kalabus bihain long em i bin painim olsem ol dispela lain i no gat tok orait pepa long kam insait long Papua Niugini. Dispela tupela marit tu i no gat pikinini.

Dispela ol 5-pela pipel em Michael Kalapo husat i gat 25 krismas, Malio Alberto 25 krismas na Yonus Walilo husat i gat 16 krismas. Dispela ol tripela man i bilong ples Ileka long Wamena distrik. Kot i salim ol inap 93 de olgeta.

Tupela marit ya, Yunus Hilapo husat i gat 34 krismas na namba tu meri bilong em Minche Hilapo i bilong ples Wamena. Na tupela bai stap long kalabus inap long 10-pela de olgeta bikos tupela i no bin inap baim kot long K40.

Kot i bin rausim sas bilong tupela arapela man. Dispela tupela man em Elias Wenda bilong ples Piritim na Ous Togoli bilong ples Kelela insait long Wamena distrik.

Tupela tu i bin kamap long kot long wankain sas tasol Mejistret Gankaoh i bin skelim ol toktok bilong tupela na em i bin rausim ol sas bilong tupela.

Long taim ol dispela 6-pela man na wanpela meri i bin sanap long ai bilong kot, olgeta i bin tokaut olsem ol i no bin gat ol pepa bilong kam insait long PNG.

Long taim bilong harim kot long 23 Me, Michael Kalapo i bin askim Mejistret Gankaoh long toksave long em na tupela arapela poro bilong em long wanem hap lida bilong ol, Charles Doga (Charles

Lawrence Mark Doga), i stap long en.

Mista Kalapo i bin laikim kot long tokaut long wanem hap Mista Doga i stap long en long wanem em i tok, ol i no bin inap long kisim ol hap tok orait pepa long kam insait long Papua Niugini. Dispela ol askim bilong em i bin mekim Mejistret Gankaoh i no amamas na em i bin tokim Mista Kalapo long no ken bringim politiks i kam insait long kot.

Mista Gankaoh i tok; "Sapos yu laik toktok long politiks yu ken go na toktok wantaim ol gavman opisa bai ol i ken tokim yu long wanem hap em lida

bilang yu i stap long en. Haus kot i no ples bilong politiks."

Bihain em i bin skruim kot i go long neks de, 24 Me.

Kot i bin harim tu olsem Mista Kalapo i bin wanpela refuji long blakwara refuji kem. Tasol em i bin ranawe i go long bus long taim gavman i bin salim ol refuji i go long nupela kem long Is Awin. Bihain em i bin kam bek wantaim Malio Alberto na Yunus Walilo long kisim ol samting em i bin lusim long Blakwara kem.

Long 24 Me, Yunus Hilapo na namba tu meri bilong em Minche Hilapo i bin

kamap long ai bilong kot. Kot i bin harim olsem Hilipo i bin kam insait long Papua Niugini wantaim namba tu meri bilong em bihain long em i bin harim olsem ol refuji long Blakwara kem i wok long muv i go long nupela kem long Is Awin. Ol i kam long lukim namba wan meri husat stap long blakwara kem.

Wok panimaut i bin soim olsem dispela stori bilong Hilipo na namba tu meri bilong mei tru. Namba wan meri bin stap long Blakwara kem tasol em i go pinis long Is Awin wantaim ol arapela refuji.

Wes Sepik redi tasol long vot

BIKPELA wok bilong kempen i wok long go het yet insait long Wes Sepik provins.

Long Wes Sepik yet i gat 197 pipel olgeta i resis long ol 25 konstituensi. Namel long ol dispela lain i gat tupela meri Mary Bell na Anastasia Robert.

Misis Bell bai resis long sia bilong Aitape Sentrel na Misis Robert bai resis long sia bilong Makru Klapei.

Aitape konstituensi i gat 13 kandidate olgeta husat i resis long en.

Dispela namba i winim tru ol arapela konstituensi insait long provins. Yapsei konstituensi i no gat planti kandidate i resis long en. Tripela kandidate tasol i resis long dispela konstituensi.

Olgeta 24 memba long provinsal gavman i resis gen long dispela ileksen. Wanpela bilong ol em Yusino Wario. Tasol Mista Wario i no givim nem bilong em hariap long taim bilong nominesen olsem na em bai i no inap sanap insait long dispela ileksen.

Plis insait long Wes Sepik bai i wok ful-taim long taim bilong dispela ileksen. I gat 68 poling tim olgeta, husat bai raun long ol 25 konstituensi na kisim vot. Na wan wan plisman bai i was long wanpela poling tim. Olsem na 68 plisman insait long provins bai i go aut wantaim wan wan poling tim.

Tupela plis skwat bai patrol insait long taun. Wanpela skwat bai i stap long Aitape taun na narapela bai i stap long Vanimo. Ol kandidate i kempen

nabaut long ol konstituensi bilong ol, tasol i no gat ripot bilong pait o kros i kamap. Ol samting i stap isi tasol na i wok long ran gut tru.

Ol pepa bilong vot bai i go long Sande bilong dispela wik. Na long Mande bai provinsal ilektoral opis i salim ol i go aut long ol wan wan konstituensi. Ilekse bai stat long Sarere 18 Jun i go inap long Sarere 9 Julai. Long 6 klok apinun long 9 Julai, bai ol i stat long kauntim ol vot.

Wantok

P.O. Box 1982, Boroko
Telepon: 25 2500
Teleks: NE 22213
Faks 252579

PE BILONG WANPELA YIA, 52
NIUSPEPA

Ples	Air	Surface
Port Moresby	K20	K20
PNG	K29	K29
Australia	K60	K39
New Zealand & Pacific	K78	K46
America & Europe	K118	K60

Printed and published by Anna Bernadette Solomon, of Bittern Place, Gordons, at Allotment 2, Section 209, Hohola.



Projek bilong saplaim mit na kiau long BCL

PROVINSAL Minista i bosim wok bilong Pramereri Industry long Not Solomons Provins, Aloysius Nake i bin opim wanpela kakaruk na pik projek long las wik long ples Mananau.

Dispela tupela projek bai i lukluk long bikpela wok bilong givim mit na kiau i go long ol lain wokman na meri long Bougainville Kopa Limited.

Not Solomons Egrikalsa Faundesen, wanpela ekstensen sevis bilong BCL i bin go pas long sanapim dispela tupela projek.

Mista Nake i tok long taim em i opim dispela tupela projek olsem bikpela wok bung i mas stap namel long ol bisnis bilong pik na kakaruk olsem ples i ken salim ol samting bilong ol.

Em i tok wanpela tingting bilong gavman em long mekim ol fama i kirapim ol liklik bisnis bilong kakaruk na pik. Ol pipel bilong Papua Niugini i bin mekim dispela kain wok bilong fama long bipo yet

i kam inap nau.

Mista Nake i bin tok olsem em i no laik long lukim ol kakaruk na pik projek bilong BCL long resis long mekim wok bisnis wantaim ol fama long ples.

Wok bilong kamapim kiau i bin stat long 1986 na i save kamapim moa long 350,000 kiau long wanpela yia. Na ol i kisim samting olsem 1,000 kiau long wanpela de. Dispela projek yet i gat 14 haus bilong lukautim samting olsem em 23,000 kakaruk. Na i gat 15 man husat lukautim dispela projek.

Arapela projek bilong lukautim pik long mit bilong em bai i kamap long mun Oktoba bilong dispela yia. Na taim bilong kisim mit bilong pik bai stat long mun Februeri na Epril long arapela yia. Dispela pik projek bai i kosim klostu long K1 milien long ranim. Bai i gat 8-pela man i lukautim wok bilong dispela projek. Tupela bilong ol dispela lain i stap nau long Australia long kisim sampela moa trening long we bilong lukautim na ranim dispela pik projek.

Grasopa surik i go long Wantoat eria

NAU i gat nupela ripot bilong ol grasopa i wol long kamap long Wantaot na Umi riva eria insait long Morobe provins.

Man i go pas long dispela wok bilong kilim ol grasopa, Marcus Arura i tokim Wantok olsem dispela em i nupela ripot bilong ol grasopa long Wantoat.

Em i tok olsem ol pipel i bin ripot long em olsem i gat ol mama grasopa i wok long sindaun nau na redi long putim kiau. Opis bilong bosim wok bilong kilim indai

grasopa, Nesenel Disasta i tok olsem gavman i tromoi moa long K500,00 long mekim wok bilong kilim ol grasopa. Man i go pas long dispela opis, Leith

Anderson i tok em i namba wan taim PNG gavman i helpim long kilim indai ol dispela binatang.

Mista Leith Anderson na Arura i tok

olsem dispela wok bilong ol bai pinis tupela mun bihain. Tupela i tok olsem samting olsem 21 solida bilong Difens Fos i helpim long pamim marasin. Tasol nau ol

i go bek long Lae na 6-pela tasol i stap. Na tu i gat 8-pela opisa bilong didman na 8-pela wokman bilong Ramu Suga.



• Dispela poto i soim ol kon em dispela ol grasopa bagarapim long hap bilong Makham, Morobe provins.

• Man ya i wok long pamim marasin long kilim ol grasopa.

RAUSIM DISPELA PEN ...HARIAP!


Long taim yu pilim pen bai yu laik em i pinis hariap!

Nogat narapela marasin i wok haripa olsem ol Disprin teblet i putim long wara.

Bilong stopim het pen, tit pen, ol narapela liklik pen...Disprin em inap tru!

Tingim, sapos pen i stap yet, go lukim dokta o go long edpos.

Dringim DISPRIN



I gat long ol paket we i gat 3, 24, 50 na 100.



NOUMEA - Nu Kaledonia Hia em grup gavman bilong Frans i salim i go long Nu Kaledonia long go toktok na painim aut hevi bilong ol Kanak (askples pipel) long toktok bilong independens. Long dispela piksa em ol i sanap arere long matmat bilong ol lain Kanak husat i bin dai long Ailan Ouvea

Beirut Trabel

LONG Tunde 31 Me wangepa ka i gat bom insait long en long Beirut, Lebanon i pairap na kilim 20 pipel. Na 78 arapela man i kisim bagarap tu long dispela taim.

Plis i tok olsem ka ya i gat 100 kilogrem TNT na i pairap long Asranfiyeh we i gat planti pipel i stap long en.

Lebanis fos, wangepa ami grup bilong rait-wing Kristen i putim tok i tok long Siria olsem Siria ol i save long pairap bilong dispela bom. Tasol nogat wangepa grup tokaut yet.

Wangepa bom tu i pairap 11 aua bihain long Moslem Wes Beirut klostu long Shite Moslem long Nabih Berri.



HONOLULU - Hawaii Olpela presiden bilong Filipins Ferdinand Marcos i gat 70 krsmas nau. Helpman bilong em Arturo Aruiza i tok olsem Marcos nau i stap long haus sik bikos em i save pilim pen long bros bilong em.

Ol mausman raun long Nu Kaledonia

NUMEA. Nu Kaledonia gavman bilong Frans i salim pinis wangepa lain i go long mekim sampela wok paimaut long ol trabel i bin kamap namel long ol Kanaks na ol soldia bilong Frans.

Wangepa grup husat i makim ol pipel bilong Melanesian (FLNKS) i bin givim sampela askim go long dispela grup husat i makim gavman bilong Frans. FLNKS i askim gavman bilong Frans long wokim sampela samt-ing nau long soim

olsem Frans bai givim independens long Nu Kaledonia.

Wangepa memba bilong Kanak Sosolis Liberesen Fran (FLNKS) Raphael Mapou i tok ol i bin kibung wantaim dispela grup i makim gavman bilong Frans. Dispela kibung i stap samtung olsem tupela aua olgeta.

Mista Mapou i tokim dispela grup olsem Frans i mas tok yes long ol agrimen bilong ol Kanak pipel em FLNKS i makim.

Christian Blanc i go pas long dispela grup i mekim gavman bilong

Frans. Nupela Prais Minista bilong Frans Michael Rocard i salim dispela grup long kisim tingting bilong ol Kanak na painim ol rot em inap stretim ol hevi stap nau namel long ol Kanak na ol pipel bilong Frans husat i stap nau long Nu Kaledonia.

Dispela grup wantaim FLNKS i no holim namba wan kibung bilong ol long Tude 31 Me bikos wangepa soldia bilong Frans i sutim wangepa Kanak long sot gan.

FLNKS i askim tu

gavman bilong Frans long wokim wangepa wok painimaut long indai bilong 19 Kanak long mun Me. Dispela 19 Kanak i bin kalabusim 24 bikman bilong Frans long wangepa hul bilong ston long Ouvea Ailan. Dispela taim Frans Sekuriti Fos i go long dispela ailan long kisim ol na ol soldia sutim dispela 19 Kanak.

FLNKS i tok tu olsem ol i laik ol soldia bilong Frans i mas go bek long bareks. Na tu ol plisman i mas pinis nau long wok painimaut



MANILA - Filipins Ol meri Filipins i protes. Planti bilong ol dispea lain em ol singa na densa bilong ol nait klap. Ol i protes long gavman bilong Japan i kamapim moa takis long ol nait klap we ol lain Filipin i save putim kamap dens bilong ol.

Pe em liklik tru...Teis gut tru!

WINIM BIKPELA BABELS

WRIGLEY'S 10t **P.K.** CHEWING GUM **10t**

WRIGLEY'S 10t **JUICY FRUIT** CHEWING GUM **10t**

WRIGLEY'S 10t **ARROWMINT** CHEWING GUM **10t**

hubba bubba 8t **hubba bubba** **8t**

NAU 8t

NUPELA PRAIS LONG OLGETA STOA

HRD 8838



MOSCOW - Rasia Dispela yangpela manki ya i karim tos long makim gutpela taim. Dispela tos em mak bilong toktok bai kamap namel long Soviet Pis Komiti. Na dispela tos i bin raun long olgeta hap bilong Japan na wol tu. Dispela tos bai go tu long Yunaitet Nesen Jenerei Miting long Nu York, Amerika. Nem bilong manki ya em Hagai Hiroyuki.

Tret Yunian i strongim gavman

PRAIM MINISTA David Lange i tok bilong Nu Silan long Tunde bilong

dispela wik olsem gavman bilong Bob Hawke long Australia em wanpela

gutpela gavman long ol yia i kamap inap nau.

Em i wokim dispela toktok long wanpela kibung bilong Leba Pati. Dispela kibung i kamap long wanem i hat ol sampela samt- ing em i bin kamap long Alken Sentrel ilektoret we memba na Senia Minista Richard Prebble i laik go long kot long skelim pawa bilong yunian wantaim pati.

Planti memba insait long Kabinet i stap bihain na sapotim Mista Prebble Tasol industrial wing bilong pati i no amamas long wanem samt- ing em i laik wokim.

Mista Prebble em Minista bilong Stet- State-Owned Enterprises. Em i tok olsem ol yunian i bin tokim em olsem ol laik tek ova long ilektoret bilong em. Sapos ol i win bai ol i yusim wankain stail o we long kisim olgeta leba sit insait long kantri.

Long wanpela nius konprens ol i askim wanpela kwesten olsem dispela bung wantaim bilong Tred Yunian na Leba Pati bai stap wantaim.

Long wanem Tred Yunian em wanpela bikpela samting tru long laip bilong ol pipel long Nu Silan.

Em i tok tu olsem wanpela gutpela gavman long ol yia i kam inap nau em gavman bilong Bob Hawke long Australia. Em long wanem ol em i wok bung wantaim ol Tred Yunian na i no traime long lusim ol.



LONDON - Ingran Kwin Elizabeth i toktok wantaim wanpela man husat i putim kamap so bilong ol plawa. Long baksait em sekyuriti plisman i was i stap. Kwin i bin go raun long Royal Horticultural So taim ol i kisim dispela piksa.

Kastams painim samt- ing bilong pait

OL kastam opisa long Daling Haba long Sidni i holim pas sampela samt- ing bilong pait em wanpela sip i laik kisim i go long Fiji. Ol i painim ol masin-gan, sot-gan, bom na ol sampela kain samt- ing olsem.

Ol i opim wanpela 12,000 kilogrem kontena na painim ol dispela samt- ing bilong pait. Ol i painim dispela long taim ol i sekim ol pepa bilong ol sip husat i kam sua

long bris. Pablik afes opisa bilong kastam. Mista Alistair Wilson i tok olsem taim ol opisa i painimaut olsem sampela pepa wok bilong dispela kontena i no stret, ol i sekap long dispela 6 mita kontena. Taim ol i opim dispela kontena, ol i lukim ol dispela samt- ing bilong pait i stap insait long en.

Long wanpela konprens wantaim ol nius ripota, Mista Wilson i tok olsem dispela ol samt- ing bilong pait

em ol kastam opisa i painim inap long statim wanpela liklik woa. Em i tok tu olsem ol plis i no holim pasim yet ol man husat i papa long ol dispela samt- ing.

Dispela kontena i gat 6 kret i stap insait long en. Sampela lain i rausim dispela kontena long Pot Botani long Saut Sidni na kisim i go long wanpela tak long Daling Haba. Na bai i go long wanpela sip ol i kolim Kepten Cook II.

Ol bikpela hap sis bilong mekim sanwis!



Teis gut tru, na em isi tru long mekim bikpela sanwis!



Gutpela teis... em gutpela long yu!

Rausim tasol ol haphap sis ol i katim pinis.

Memba yet i laikim pati

Dia Edita, Mi laik bekim pas bilong Ben Agonki bilong Vanimo (*Wantok* namba 713 Fonde 3 Mas-10 Mas 1988). Pas bilong em i bin toktok long "Pangu i strong yet."

Toktok bilong brata ya long lidasip bilong Somare i strong yet em i tru. Tasol taim mi bin lukluk long wanem samting i stap long pas, mi painim olsem brata ya i no gat wanpela liklik save long wok bilong politiks. Na tu sapos yu wanpela man husat i save vot insait long Wosera-Gawi na yu mekim ol dispela toktok, em i orait liklik.

Mipela long Is Sepik i save olsem na mipela i no mekim wanpela toktok. Yu no bin tingting liklik long taim yu raitim dispela pas bilong yu. Dispela

pas i bin semim nating ol arapela lain pipel long Wes Sepik.

Olsem na mi yet i laik mekim sampela toktok long wanem samting yu bin raitim. Mi bilip olsem dispela bai i helpim yu long tingting gut pastaim bipo long yu raitim ol kain toktok olsem.

1. Ol pipel bilong Wosera-Gawi i bin makim Paul Wanjik long makim maus bilong ol long Nesenel Palamen. Ol i no bin makim Mista Somare.

2. Mista Wanjik yet i lukim wanem rot em bai bihainim long helpim ol pipel bilong em. Pawa bilong larim em i stap long Nesenel Palamen o rausim em i stap long ol pipel. Na dispela pawa i no stap long wanpela pati.

3. Mipela ol pipel long Wosera-Gawi i no ol longlong man.



Mipela i no skelim pati politiks na makim man. Mipela i lukluk long gutpela man husat bai i sanap

olsem maus bilong mipela long gavman.

4. Long Wes Sepik i orait, kolta i go pinis olsem long Aitape

taun. Tasol mipela ol lain bilong Wosera-Gawi i no yet. Olsem na mipela bai sapot tasol long memba long go i kam na painim gutpela rot bilong helpim mipela ol pipel.

5. Yu mas save tu olsem namba bilong ol pipel long Wosera i antap moa long namba bilong ol lain long Gawi. Wosera i gat 20,000 pipel na Gawi i gat 13,000 pipel tasol. Na tu, no gat man i bosim laik bilong ol pipel bilong Wosera-Gawi long makim man em ol i laikim. Na tu, i no gat wanpela politisen i gat rait long rausim memba bilong Wosera-Gawi long Nesenel Palamen.

JACOB MINDUG-WA,
Presiden, Gaui Kaunsil, PO Box 106, Maprik, ESP.

Sevis stesin boi laikim moa

Dia Edita, Mi wanpela yangpela manki husat i stap wok nau long Karina Sevis stesin long Mosbi. Mi laik autim liklik wari bilong mi i go long wanem samting i save kamap long mipela ol wokman em mi no save pilim gutpela long en.

Mi save stat wok long 6 klok long moning i go inap long 9 klok long nait. Tasol taim mi save pinis wok, Saina bos bilong mi i no save bringim mi na ol arapela wokman i go long ol haus bilong mipela. Ol i save mekim ol dispela kain pasin na i no save hapim pe bilong mipela i go antap liklik. Olgeta taim, pe bilong mipela i save stap wankain tasol.

Dispela i save mekim na mi no amamas liklik. Klostu bai sampela samting i kamap. Ol dispela man husat i save bosim mi na ol arapela poro i save yusim mipela olsem ol samting bilong ol long wok tasol. Na i no olsem ol man bilong dispela kantri.

Mi laik askim tu ol lain bilong Leba na Emploimen dipatmen long lukluk long ol dispela kain samting em ol lain long arapela kantri i save mekim long ol wokman bilong ol long asples Papua Nuigini. Na mekim sampela samting long dispela.

Dispela kain samting ol bisnisman bilong arapela kantri i save mekim na daunim olgeta mipela ol pipel bilong dispela kantri yet. I no longtaim bai mi kapsaitim petrol antap long wanpela na lukim em bai mekim wanem.

Sapos yu husat ilaik sapotim o egensim ol toktok bilong mi, rait tasol long *Wantok* niuspepa na bai mi ken lukim.

Romex Tuvia Osan,
P O Box 5168,
Boroko, NCD.

Lukaut long Sik Aids

Dia Edita, Mi wanpela manki bilong Laiagam insait long Enga provins. Mi laik autim wari na tingting bilong mi long wanpela sik nogut i wok long kamap bikpela tru insait long kantri, Sik Aids.

Nau yet mi save olsem dispela sik em i wanpela sik nogut tru. Na em i ken kamap insait. Mi save tu olsem dispela sik i no gat marasin long daunim o pinisim.

Bipō PNG i no gat dispela kain sik. Ol waitman i karim dispela kain sik i kam insait long kantri. Dispela sik nogut i stap pinis long kantri na mipela ol pipel i mas was gut long dispela sik.

Olsem na olgeta yangpela na papa na mama i mas was aut. Nogut yupela i tingting long amamas bilong nau tasol na yu kisim taim bihain. **Samson Kissa,**
Pot Mosbi.

Hailans i stap na NSP kamap

Dia Edita, Mi laik autim sampela wari bilong mi i go long wanpela toktok em i bin kamap long gavman. Dispela ol toktok i bin sut i go long ol lain pipel bilong Hailans husat i wok nau long Not Solomons provins.

Mi harim sampela toktok tu olsem NSP provins gavman na Nesenel gavman i bin tok bai ol i rausim ol pipel bilong Hailans husat i wok long ol plantesen long dispela hap. Mi no amamas long dispela tingting.

Long han bilong husat tru na ol ples

bilong yupela long Not Solomons i lukim pes bilong developmen? Mipela ol pipel bilong Hailans i taitim bun na ples yupela i bilong kamap. Sapos mipela ol pipel bilong Hailans i lusim ol plantesen na go bek long ol ples bilong mipela, husat bai i wok long ol dispela bikpela plantesen? Ol dispela gutpela bikpela bisnis bai i stap nating na kisim taim stret.

I gutpela olsem yu husat i laik go pas long mekim ol dispela samting long mipela ol pipel bilong Hailans i mas tingting gut pastaim na toktok. Nogut bai yu bagarapim tasol gutpela wok

developmen insait long provins.

Long olgeta taim, tok i save sut i kam long mipela ol pipel bilong Hailans i statim ol trabel insait long provins. Tasol dispela i no tru, i gat planti ol arapela lain husat i no gat wok na i wok long mekim dispela.

Mi yet i bilong Hemdol viles long Saten Hailans provins. Sapos yu gusat i laik mekim hap toktok bilong yu yet, rait tasol long *Wantok* niuspepa bai mi ken lukim.

Ronny Mas Poku,
Numanuma
Plantesen,
Wakunai, NSP.

Hailens meri dia tumas

Dia Edita, Mi bilong Nipa distrik na mi laik sapotim tru hap toktok em i bin kamap long *Wantok* niuspepa bilong 14 Epril, 1988.

Mi yet i bin amamas tru long dispela kos em i bin kamap long Mendi long 24 Mas. Dispela kos i bin gutpela tru na ol toktok bilong Pater Ennio Mantovani i bin gutpela tru.

Ol toktok na wanem samting ol i bin toktok long dispela taim i bin gutpela na mi laik askim ol pipel long lukluk na skelim ol dispela toktok namel long ol yet.

Pe bilong ol meri long ol provins long Hailans nau i go antap olgeta. Sampela

i save sasim mani i go antap long mak bilong K100,00 o K200,00. Man, dispela kain pe i antap moa.

Mi no save long ol arapela provins, tasol ating planti i wankain. Olsem na yupela i mas traim na putim mak bilong mani i kam daun liklik. Dispela kain mani inap long go insait long ol sampela gutpela wok bilong helpim kantri bilong yumi.

Yu husat i laik sapotim o egensim mi, rait tasol long *Wantok* bai mi amamas tasol long lukim tu pas bilong yu.

Stanley Pu Sep,
Numa RDP,
NSP.

Koya pipel mas kisim mani

Dia Edita,

Mi no amamas long pasin em memba bilong Bulolo, Mathew Bendum wantaim ADC kiap bilong Wau i wokim nau.

Tupela i bungim ol 16 ples insait long Wau, Mumeng na Watut long kotim Nesenel Gavman long dispela graun em Bulolo taun i stap long en.

I no gat wanpela i stap long wokman bilong gavman na memba long wokim dispela kain pasin long helpim ol pipel long kotim gavman.

Wok bilong yupela em long lukautim ples na holim wari bilong ol pipel tasol.

Ol dispela 16 ples i no bilong Bulolo taun stret. Ol dispela ples, Biagai na Wandumi i stap long Wau, Katumani-Mumeng i stap long Mumeng na Watut-Maki i stap long Watut.

Ol dispela ples bilong Wau, Mumeng na Watut i save baim PMV long K1.40 na kam long Bulolo taun. Yupela ol dispela 16 ples bilong dispela ol eria i no stap

klostu long Bulolo taun.

Olsem na yupela i no ken aigris nating long graun na mani bilong narapela ples.

Bipo ol tumbuna bilong yupela i save stap wantaim o? Mi yet mi save olsem ol tumbuna bilong yupela i save stap wan wan. Na i no save bung wantaim.

Mi laik tokim yupela ol dispela ples olsem Bulolo taun i stap klostu long ples Patep Dingahu tasol. Mi no save long yupela ol arapela ples.

Bipo long taim bilong ol tumbuna, ol pipel bilong Patep Dingahu i no save bung wantaim ol arapela ples.

Olsem na ol pipel bilong Patep i laik stap olsem ol tumbuna bilong ol long bipo i kam inap nau.

Na dispela kompesesen mani bilong Bulolo taun i mas go long ol pipel bilong Koya tasol. Na i no long ol arapela ples. Long wanem Koya i ken helpim yu long wari bilong yu.

Ona Yakam,
Bulolo.

Provinsal Gavman i no bringim gutpela sevis

Dia Edita,

Mi makim maus bilong ol pipel bilong Nembi Pleto, insait long Saten Hailans provins.

Namel long 1982 na 1983, Saten Hailans provinsal gavman na Nipa Lokal gavman kaunsil i tok orait long wokim wanpela plis stesin long Tegibo. Ol wokman bilong makim graun i makim pinis na mipela i amamas tru. Bikos mipela i ting olsem dispela plis stesin bai i lukautim sindaun bilong mipela.

Tasol dispela wok i

no karim kaikai. Provinsal gavman bilong mipela tu i no lukluk long dispela.

Provinsal gavman i mas save nau long hamas pipel i stap long Nembi Pleto. Ol pipel long dispela eria i no save kisim tu ol arapela gavman sevis.

Bipo yet ol lida long ples i save pait strong tru long kisim dispela plis stesin. Tasol provinsal gavman i no save lukluk long dispela na traim helpim mipela. Ol i save kolim mipela ol wel pik na wel dok.

Plantu taim bai ol i

tok i no gat mani. Mipela i save olsem Saten Hailans provinsal gavman i kisim bikpela mani long nesenel baset bilong las yia na dispela yia.

Sapos provinsal gavman i tok em i nogat mani, ating yumi mas tingting long rausim ol.

Nesenel gavman i save givim bikpela mani long Saten Hailans provins. Na dispela pablik mani i save pinis nating long han bilong provinsal gavman. Long lukluk bilong mi, ating dispela mani i mas go

long lokal gavman kaunsil na ol i ken bringim gut sevis i go long ol pipel.

Sapos wanpela bikpela trabel pait i kamap long Nembi Pleto na plis i no inap long stapim, provinsal gavman bai kisim asua.

Mipela i les long trabel. Mipela laik toktok long developmen olsem na provinsal gavman i mas helpim na wokim dispela ples stesin hariap tru.

Patrick Esupnais,
Montenda Viles,
Nembi Pleto-SHP.

Asples pipel les long ol raskol

Dia Edita,

Mi laik tok, olsem ating Not Solomons provins em i ples bilong haitim ol raskol man bilong ol arapela hap long kantri. Mi yet i bilong Not Solomons provins na mi save les tru long lukim ol lain bilong Sepik, Hagen na Sauten Hailans provins i kam pulap long hia.

Sampela bilong ol dispela lain i save mekim trabel long hap long ol na bihain i save ranawe i kam hait long Not Solomons provins. Yupela i ting dispela provins em i hap bilong haitim ol raskol man o olsem wanem? Traim tingting gut na mekim samt- ing.

Na tu long taim yupela i save kam stap hia, yupela i save mekim yet ol hap wok bilong yupela long stilim mani long ol lapun man taim ol go long stua long baim samting. Dispela pasin i kamap bikpela stret long hia.

Mipela i les pinis long ol dispela kain pasin bilong yupela. Yupela kam hia na mekim yet ol dispela kain pasin em yupela i save mekim long ol provins bilong yupela.

Yupela i save sem liklik long ol samting yupela i mekim o nogat?

Bilong wanem tru na yupela i lusim ples na kam long hia? Ating ples bilong yupela stret i bagarap pinis na yupela i save kam long Not Solomons. Mipela ol lain long asples i save sem nogut tru long lukim yupela i mekim olsem long olgeta taim. Traim na senisim liklik ol dispela kain raskol pasin bilong yupela.

Yupela i save kam na wokim ol haus long yupela antap long graun bilong arapela man. Dispela pasin i no gutpela liklik. Yupela i tingting liklik tu long ol arapela man i tok baksait long yupela o? Ating olgeta tingting bilong yupela i paul pinis.

Mi save olsem ol pipel bilong Not Solomons i no save go long ol hap bilong yupela long Sepik, Lae, Madang na arapela hap na mekim olsem long ples bilong yupela. No gat wanpela bilong mipela i save go long ol ples bilong yupela na sanapim ol haus bilong mipela antap long graun bilong arapela man. Yupela i no inap long harim planti nem bilong ol boi Not Solomons i mekim ol raskol pasin nabaut.

Mi no save amamas tu long lukim olsem ol lapun tru bilong ol ples i wok long kapsait i kam insait long Not Solomons provins. Plis traime na stap long provins bilong yupela yet

Ol Enga MP stap we?

Dia Edita,

Mi wanpela liklik man ki bilong Laiagam long Enga provins. Tasol nau mi stap long Mosbi. Mi laik autim wari bilong mi i go long memba bilong Laiagam eria na tu long ol arapela memba bilong Enga.

Mi harim olsem ol memba bilong mipela i no mekim sampela samting long bringim developmen i go long Enga. Mi laik save sapos ol i slip nating long Palamen o ol i mekim wanem nau?

Mipela ol pipel bilong Enga i givim vot long yupela go stap nating long Palamen o bilong wanem? Yupela i stap we nau? Sapos yupela i no

mekim wanpela samting long bringim sampela developmen i go insait long Enga, bai mipela i no inap votim yupela long narapela ileksen.

Dispela toktok bilong mi go long ol pipel bilong Laiagam eria. Yupela i no ken givim vot long ol dispela kain memba long narapela ileksen.

Simisen Kisakali, Kolai Patage, Hohola NO. 3, NCD.



Planti saveman i stap

Dia Edita,

Mi laik bekim pas bilong brata Bayum Bandi. Pas bilong em i kamap long *Wantok Niuspepa* bilong 28 Januari, 1988. Wari bilong mi i go olsem.

Planti raskol pasin i wok long kamap bikpela insait long kantri bilong yumi PNG. Mi laik save long wanem as tru na raskol pasin i wok long kamap bikpela nau. Dispela askim bilong mi i go long Praim Minista Paias Wingti.

Ol dispela raskol pasin i kamap bikos wok i sot. Planti ol yangpela man husat i pinisim skul i no gat wok. Ol i save painim wok. Tasol ol man long opis bai tok i no gat wok. Planti bilong ol dispela lain em ol man husat i pinisim Gret 10 na Yunivesiti na i save stap nating. Olsem na planti bilong ol dispela lain i save wokim pasin raskol. Na raskol pasin i kamap bikpela insait

long kantri.

I gat planti wok. Tasol ol man long arapela kantri i banisim spes. Olsem na wok i sot.

Mi laik save bilong wanem na Praim Minista i laik kisim ol saveman bilong ol arapela kantri long kam wok insait long PNG. Mipela i gat planti saveman insait long kantri. Ol man long narapela kantri i gat wanem kain save na yupela kisim ol i kam banisim spes bilong mipela.

Sapos yu laik kisim ol man long arapela kantri, yu mas kisim long ol gutpela kantri tasol. Na i no long ol komyunis kantri. Nogut PNG bai kisim taim long bihain.

Em tasol toktok bilong mi. Yu husat i laik sapot o egensim mi, rait tasol long *Wantok Niuspepa* bai mi lukim.

Jerris Jai

LAES, Kerevat, Rabaul, ENBP.

Nau i sans bilong yu long baim sea long wanpela bikpela kampani long Papua New Guinea!



ANGCO 5 MILION K1.00 SEA I GO AUT

Yu mas aplai long baim 500 na moa sea. Taim bilong baim sea i op nau, na bai pas long Jun 22, 1988.

Long 1964 i kamap nau, ANGCO em wanpela bikpela Kopi Kampani long Papua New Guinea i wok yet long baim na mekim kopi na salim ol kopi tu i go aut long ol wol maket.

ANGCO i gat gutpela nem long wol maket bilong wanem em save salim gutpela na top kwaliti kopi tasol i go long wol maket.

Taim yu baim sea long ANGCO, yu putim moni i go long gutpela sidaun bilong yu na kantri tu long bihain taim.

Kisim wanpela prospektus buk i gat ol tok klia na aplikesen fom long olgeta brans bilong PNGBC na ANGCO opis...

PLIS KLIA GUT: BAI ISU LONG BAIM SEA BAI PAS LONG 22 JUN, 1988.

"Wantok Warrior" i kamap

MOA long 100 soldia bilong Australia i kamap pinis long PNG long trening wantaim ami bilong PNG. Na ol i kolim dispela trening program "Wantok Warrior".

Dispela kain trening i save kamap long olgeta yia na i stat long 1980. Dispela trening i bihainim wok bung bilong Royal Australia Difens Fos wantaim Papua Niugini Difens Fos (PNGDF). Long 1987-1988 Australia i givim K15 milion long dispela program.

Ol soldia husat bai i kam long dispela trening i bilong 2/4 Betelian bilong Royal Australia Regimen (2/4 BRAR) long Taunsvil. Ol i makim Operesenel Diloimen Fos bilong Australia.

Kepten Paul Gilmour-Waish husat

i makim ami bilong Australia long PNG i tok long olgeta yia wanpela kampani bilong PNGDF i save trening wantaim ol ami bilong Australia. Na dispela yia em taim bilong 1RPIR long PNG long holim dispela trening.

Ol dispela lain (2/4 BRAR) wantaim sampela ami bilong PNG (1RPIR) bai stat trening long Goldie Riva. Bihain bai ol i wokim 4 de trening gen long bus.

Long senis bilong ami bilong Australia husat stap nau long PNG, wanpela kampani bilong 1RPIR husat bai i go trening long Taunsvil. Ol bai go trening long sut long gan. Na tu bai ol i lainim ol samting bilong helikopta na ol arapela samting olsem.



So bilong Tailan

SAMTING olsem 12-pela kampani bilong Tailan i kam wokim liklik so long ol kainkain ol bis na ol samting bilong haus. Dispela so bilong ol i stap nau long Travelodge, Pot Moresby.

Man i go pas long so, Udom Komarakul Nanakorn i tok PNG em memba bilong ASEAN olsem na ol i kam wok bisnis wantaim PNG.

Em i tok Tailan em i wanpela kantri i wok long go yet wankain olsem PNG. Na dispela kain So i ken helpim ol pipel long lukim ol kain kain samting ol pipel bilong Tailan i save wokim.

Nanakorn i tok ol i bin opim wanpela maket long Midel Is. Na PNG em i namba wan kantri long Saut Pasifik we ol i kam soim ol dispela samting.

Em i tok sapos ol man i gat laik long lukim dispela kain so bai ol i amamas tru long kam hia olgeta yia na soim ol samting bilong Tailan.

Dispela so i bin stat long 31 Me na bai pinis long 5 Jun.

Ol plisman painim ol refuji

OL PLISMAN long Vanimo i wok long painim yet 5-pela refuji husat i bin kamap long Wutung gavman stesin na ranawe gen.

Provinsal plis komanda Nelson Kase i tok em i bilip olsem i gat planti moa refuji i wok long hait nabaut long Vanimo taun na tu long ol arapela distrik long Wes Sepik. Ripot i kam long Vanimo tu i tok olsem 7-pela refuji i bin kam insait long PNG long Sande long painim ol famili bilong ol.

Ripot ya i tok olsem i gat tupela i ranawe bikos ol Indonesia ami i raunim ol. Dispela tupela man i bin kamap long Vanimo Distrik kot olsem na ol i no gat taim long stretim ol tokorait pepa long kam insait long PNG.

Ol plisman i sasim 3-pela bilong ol dispela man i kam insait. Ol dispela tripela man i bin stap refuji bipo long PNG. Arapela tupela em kot i sasim ol long baim kot long K40 na stap kalabus inap 10-pela de tasol.

Ripot ya i tok strong

gen olsem dispela tupela husat i ranawe bikos ol Indonesia i bagarapim gaden, na kilim pik bilong ol.

Kase i tok olsem em i kisim ripot olsem dispela ol refuji nau i lusim Bewani stesin na i wok long soim pes long Wutung gavman stesin.


Mausman bilong Bewani i tokim Wantok long dispela wik tu olsem nau yet i no gat ripot bilong ol refuji i kamap. Olgeta samting i kamap long Wutung tasol.

Wantok i no kisim toktok bilong OIC Bruno Kanfe bilong Wutung stesin.

Long ol arapela stori, ol plisman i sasim wanpela meri husat i laik kilim em yet. Nem bilong dispela meri em Jenny Babe.

Ripot i kam long plis long vanimo i tokaut olsem dispela meri ya i no laik harim skul bilong mama bilong em na em i belhat na go dring 6-pela penadol marasin.

Tasol mama bilong em i lukim em na askim em kwik long go long haus sik.



OLGETA PIPEL I LAIKIM NIUGINI TABLE BIRDS

Yu laikim famili bilong yu i kaikaim nambawan kwaliti kakaruk tasol? Maski yu praim, kukim long aven, o yu kukim long paia o yu miksim wantaim arapela kaikai --- Niugini Table Birds em nambawan kakaruk stret.



I'M KAIKAI KAKARUK FRESH FROM
Niugini Table Birds

UDS&A 2652

Wes Nu Briten ileksen stat nau

PROVINS Ilektoral Opisa Cyrillus Norman i tokaut olsem 156 kendidet i givim nem bilong ol pinis long sanap long namba 3 provinsal ileksen bilong Wes Nu Briten provins.

Namel long ol dispela lain i gat tupela meri em Philomena Yalvil na Lucy Babo.

Philomena Yalvil bai resis wantaim Minista bilong DPI Robert Lawrence na long 9 arapela man long sia bilong Kandrian Kostal.

Lucy Babo bai i resis long sia bilong Wes Nakanai na bai resis wantaim 11 arapela man.

Ripot i kam long Kimbe i tok em i namba wan taim tru tupela meri i resis long provinsal ileksen.

Talasea konstituensi i winim tru ol arapela konstituensi. Long wanem em i gat 15 kendidet olgeta. Wes Arawe konstituensi i no gat planti kendidet. Tripela man tasol i givim

nem long dispela sia.

Planti ol memba bilong provinsal gavman i sanap long dispela ileksen. Tupela memba tasol i no sanap gen long ileksen. Tupela ya em Samson Patiliu na Morris Ling. Samson Patiliu i bin makim konstituensi bilong Kimbe taun na Morris Ling i bin makim konstituensi bilong Wes Nakanai.

I gat planti saveman i resis tu long ileksen. Sampela bilong ol dispela lain em Gabriel Bakani hsuat i bin wanpela nesenel memba bipo. Em i sanap long sia bilong Kimbe taun.

Herman Talingapua husat i bin sekreteri bilong Dipatmen bilong Wes Nu Briten i resis long sia bilong Bali Ailan. Na presiden bilong Kimbe Taun Kaunsil John Lidan tu i sanap tu long dispela ileksen.

Tok orait long de ileksen i go pinis long 13 Me. Ol vot pepa tu i kamap pinis long Fraide 21 Me na ileksen bai stat long 4 Jun i go inap long 25 Jun.

pes 11

GIVIM MI RICE, GIVIM MI STRONG, trukai RICE..



Bilong gutpela
helt na strong
yu mas baim
Trukai Rice!

**Em i
TRU!**



• Hai Komisina bilong Australia, Lance Joseph i givim jenereta i go long Baimuru Helt Senta. Et post supavaisa Tom Tiki i sekhan long Mista Joseph na Primia bilong Galp provins Tom Koraea i sanap long raithan.

Australia helpim projek

TRIPELA viles projek long Sentral na Galp i kisim helpim inap long mak bilong K15,000 long gavman bilong Australia. Hia Komisina bilong Australia long PNG, Lance Joseph i bin raun i go long Baimuru long Galp provins na Erume na Waitape long Sentral provins we em yet i bin givim ol dispela samting na sekmani na long ol projek ya.

Long Baimuru, Mista Joseph i givim wanpela jenereta bilong givim pawa saplai i go long Helt Senta. Na long Erume long Gailala distrik, em i givim mani bilong baim ol paip bilong wara saplai. Ol lain yut bilong Naire-Giguava na Gigita i bin askim long helpim

mani bilong baim paip.

Mista Joseph i givim mani i go long skruim wok bilong stroberi fam. Ol i nidim sampela masin olsem roteri hou long mekim dispela wok.

Memba bilong Sentral Rijinal long Palamen, Ted Diro i bin toksave long Australia Hia Komisina long ol dispela viles projek.

Mista Joseph i amamas long helpim ol dispela projek bilong ol pipel long ples. Em i tok, "Ol dispela projek bai helpim ples bilong ol."

"Ol dispela tripela ples i no gat planti divelopmen i kamap. Olsem na mi amamas tasol long givim mani long helpim projek bilong ol pipel bilong tripela ples ya."

Dring i pinisim olgeta mani bilong mi


DIA LAIPLAIN,
Mi gat bikpela hevi nau bikos mi save dring tumas. Mi save dring tumas inap 5-pela yia olgeta nau na mi no putim Liklik wanpela mani long beng.

Olgeta taim mi kisim mani long potnait, mi save pinisim olgeta long bia. Na tu long sampela taim mi save kisim bikpela sik bihain long mi dring tumas.

Planti taim mi save tingting long stapim dispela pasin bilong dring tasol mi painim olsem mi no inap ya.

Nau mi marit pinis na mi save olsem i no gutpela long mi long tasol olgeta mani long dring tasol. Sapos mi stap yet long dispela rot bilong dring bai mi no gat wanpela liklik mani i stap long kaikai, klos na ol arapela samting bilong haus.

Plis, mi laikim yupela helpim mi long painim gutpela rot long stretim dispela hevi bilong mi.
SPAKMAN.



LAIP LAIN

olsem yu bai pinis long pasin bilong dring. Yu mas askim ol tu long no ken pulim yu i go insait gen long dispela pasin bilong painim bia.

Sapos wanpela mani strong na tok "no tenkyu" long dring planti poro bai i luksave long dispela na i rispektim em. Tasol ol lain husat i no save gut long kain pasin bai i tok baksait long yu long wanem ol i jeles long dispela strongpela tingting yu gat long stapim olpela pasin bilong dring.

Tasol bihain bai ol yet tingting long wanem samting yu bin mekim.

Yu tok yu marit pinis. Pasin bilong marit bai givim yu gutpela sans long skelim laip bilong yu wantaim famili bilong yu. Long taim man i marit, meri bilong em i gutpela pren bilong em. Na meri i ken helpim man long taim bilong hevi. Traim sindaun toktok na skelim dispela hevi bilong yu isi wantaim meri bilong yu. Tokim em olsem yu sori long dispela kain pasin bilong yu na askim em long helpim yu long pinis long pasin bilong dring. Sapos yu wok long

raun yet wantaim ol dispela spak poro bilong yu olgeta taim, yu mas tingting long lusim ol na painim ol nupela poro. Ating yu na meri bilong yu i mas mekim dispela samting wantaim. Askim ol sampela gutpela pren long kam long haus bilong yutupela. Yu na meri bilong yu i ken joinim wanpela sios grup o joinim spot tim na pilai.

Narapela gutpela samting yu ken mekim em long mekim wanpela plen wantaim meri bilong yu long ol samting em yutupela i laik baim. Sapos meri bilong yu tu i wok, skelim hamas mani yu na em i save kisim long potnait na ol samting em yutupela i laik baim. Dispela plen i mas karamapim kaikai, klos na ol gutpela samting bilong haus. Orait yutupela i ken save hamas mani i go long ol dispela samting na hamas bai go long beng.

Traim ol dispela rot na ating bai yu amamas long lukim olsem botol bia bai i no moa pas oltaimlong han bilong yu. Mipela i laik tok gutlak long yu long strongpela bilip bilong yu long traime stretim dispela hevi. **MI LAIPLAIN.**

DIA PREN,

Em i gutpela yu yet i luksave olsem dispela pasin bilong dring oltaim em i wanpela bikpela hevi bilong yu. Na i gutpela tu olsem yu laik painim long sampela rot bilong abrusim dispela hevi. Dispela em i namba wan rot bilong stapim pasin bilong holim botol gen.

Yu no tok klia sapos yu yet i save dring o yu save go raun dring na wantaim ol poro bilong yu. Sapos yu save dring wantaim ol gutpela poro bilong yu, orait mobeta yu strong na tokim ol

Sapos yu wok long

Kibung bilong stiaim ol yut

OL YUT long Hohola Yunaitet Sios nau i wok long askim ol narapela Yut grup long kamap long wanpela bung bilong ol yut long Hohola Yunaitet Sios.

Siaman bilong Hohola

la Yut grup Barry Sasae i tokaut olsem dispela bung bai stat long 7 Jun na pinis long 11 Jun. Taim long stat em 7 klok long nait na pinis long 9 klok long nait.

Pasta Emmanuel Fave bai toktok long

Nambawan Marimari Bilong God.

Pasta Waii Makai husat i lukautim Hohola Yunaitet Sios i tokaut tu olsem dispela em wanpela gutpela rot long lainim ol yangpela long kamap gutpela wok man na meri bilong God.

NEW NISSAN PATROL

The biggest Horse Power in its class

TB42 Gasoline Engine Max. Power 125kw/4,200rpm (DIN) Max. Torque 325Nm/2,800rpm (DIN)		TD42 Diesel Engine Max. Power 85kw/4,000rpm (DIN) Max. Torque 264Nm/2,000rpm (DIN)	
--	--	---	--

GO SEE THE GOOD GUYS

BOROKO MOTORS NISSAN

• PORT MORESBY - PH. 25 5255 • LAE - PH. 42 1144 • RABAUL - PH. 92 2777
• MT HAGEN - PH. 52 1433 • MADANG - PH. 82 2433 • TABUBIL - PH. 58 3311
• ARAWA MOTORS - PH. 95 1566 • HIGATURU MOTORS - PH. 29 7175

AD / JNY1156

pes 13

YU MALOLO AH?
Kirap wok
gen...
wantaim
wanpela kap
kopi tru!



- ★ Kopi tru i gat swit bilong en yet.
- ★ Em bai opim ai bilong yu wantu!
- ★ Kopi tru bilong PNG em i no dia tumas, 200 gram em kostim yu klostu K1 tasol.
- ★ Kopi tru bilong PNG i gro hia na ol i rostim hia tu, olsem na em i fres na i swit moa.
- ★ Kopi tru bilong PNG i isi long wokim!



ROT BILONG WOKIM KOPI!

1. Skelim wara inap long hamas kap kopi yu laik wokim.
2. Skelim wanpela bikpela spun kopi bilong wanwan kap i go insait long sospan wara.
3. Putim sospen long stov na larim i stap inap kopi i boil. Rausim long stov na lusim kopi bai anka long as bilong pot. Em nau kopi tru i redi.

KOPI TRU
Swit bilong em i nambawan!
BILONG PNG

- ★ Yu ken larim sospen i hat i stap na swit bilong kopi bai i no inap lus. Maski westim taim na wetim ketel long boil.



PAINIM NAU LONG OL STUA!

Wantok ripota raun long Fiji

LONG mun Me, mi wantaim tupela arapela ripota Wally Hiambon (Niugini Nius) na Sophie Ramram (Arawa Bulletin) i bin go long biksiti bilong Fiji, Suva.

Mipela i bin go stap insait long wanpela kos 'Pictures in Print'. Dispela kos em Yunivesiti bilong Saut Pasifik, Suva na Saut Pasifik Komisnin na Stifeten Faundesin bilong Jemani i bin lukautim.

Dispela kos i ran inap wanpela wik olgeta. Olsem na mi bin lusim PNG long 13 Me na go daun long Fiji.

Mi save harim nem Fiji long taim mi skul long komyuniti skul. Tisa bilong mi i tokim mi, olsem Fiji em i wanpela kantri long Pasifik i save groim planti suga tru.

Na tu tisa ya i tok planti ol lain India i lusim ples bilong ol na go long Fiji long wok long ol suga plantesin.

Nem Fiji i no kamap ples klia tumas inap long Me 1987 long taim ami i kisim gavman. Na em nau olgeta

HENRY MORABANG i raitim

kantri long Saut Pasifik na long planti long wol nau i luk save long nem Fiji.

Dispela em namba tu raun bilong mi long Saut Pasifik. Namba wan taim mi go raun wantaim PNG tim long Saut Pasifik Gems long Nu Kaledonia las yia. Na dispela wokabaut i go long Fiji i namba tu.

Mi lainim planti ol samting tru long dispela wan wik skul bilong mi. Tasol antap long dispela, olgeta pipel i amamas tru long bungim ol PNG poroman.

Planti bilong ol Fiji i no klia tumas long mi wantaim brata Wally. Ol i ting mitupela bilong Fiji. Olsem na ol i tok bula long tokples, i m i n olsem Halo. Mitupela i tok, "Sori, PNG". Na namba wan tingting bilong ol i go long Vanuatu. Tasol nogat ya. Em ol samting nogut bilong PNG tasol.

Planti turis tru i wok long go gen long Fiji. Bikos i no gat trabel. I tru planti

pret i stap namel long ol asples Fiji na India. Tasol yu ausait man i go, ol bai lukautim na helpim yu gut tru.


Mi harim planti stori tu taim mi raun long Suva siti. Bipo, planti India tru i wok long bos. Tasol long taim Jenerel Sitiveni Rabuka i tekova long gavman, planti ol India i lusim kantri. Na ol asples man i kisim ples bilong ol.

Wanpela nait, mi yet i bin traim. Bikos stat long moning olsem long 8 klok i go long 4 klok, mipela i stap long skul. Tasol bihain long dispela mipela i fri. Na ol stua i save op i go inap long 5 klok tasol olsem na i no gat bikpela taim long raun na lukim stua. Olsem na mi belhat, na wanpela taim mi raun long strit bilong Fiji stat long 7 klok, na pinis long 2 klok moning. Na mi slip 4 aua tasol na skul i stat gen.

Olgeta samting, long stua i no dia. Pe bilong ol i daunbilo tru. Sapos yu laik kamap turis na raun long Saut Pasifik rijon, ating, Fiji em gutpela ples yu ken raun wantaim famili bilong yu.



• Sophie Ramram i holim kakaruk em ol i karamapim long lip kokonas na redi long mumu.



• Bikpela strit long Suva biksiti bilong Fiji, i drai stret ya long Sande, bikos lo bilong ol i tok Sande em i de bilong malolo na i tambu long wok o pilai.

Sande em de bilong malolo

WANPELA gutpela de mi ken tingim yet long Fiji em Sande. Long taim lain ami bilong Rabuka i tekova long gavman ol kamapim wanpela lo, olsem Sande i de bilong malolo. I tambu tru long wok

o pilai spot o ol kain samting olsem.

Mi yet i no bilip tumas. Bikos long PNG Sande em i taim bilong amamas, pilai spot na raun lukim ol wantok, bihain long lotu.

Orait long Sande 15 Me, mi wantaim tupela wantok ya Wally na Sophie i bihainim bikrot na lukluk raun long Suva. Taim mipela i wokabaut, mi lukim bikrot i save pas long ol ka na ol manmeri taim bilong wok i no gat wanpela man stret. No gat baik, ka o man i wokabaut.

Mi luk na mi tingting planti tru. Watpo na ol i mekim olsem? Mipela wokabaut inap long 3 kilomita bihainim bikpela haiwe insait long siti. Ples i dai, i no gat stua o opis i op bikos em i de bilong malolo na i tambu tru long wok.

Mipela i tanim na go sindaun long wanpela hotel. Na wanpela woka bilong hotel Tikchu i wok long

mekim mumu bilong Fiji, lobo. Mumu ya wankain olsem mumu bilong PNG.

Em i kukim ston pinis, orait em i rausim ol bikpela na putim long sait. Orait em i rausim sin bilong pangal bilong kokonas na putim antap long ston ya. Em nau, em i kirap i kisim ol kaikai olsem taro, kaukau na putim antap. Em i karamapim ol kaikai long lip tasol na kukim wantaim gris kokonas.

Bipo, em i laik putim ol dispela kaikai, em i ptuim kakaruk em i bin karapim long lip kokonas. Man em i wokim gut stret, na olgeta gris bilong kakaruk i no lus. Ol i pas long lip basket ya.

Taim em i wokim dispela kaikai i stap, mipela tripela wantok long PNG ya i go helpim em. Man dispela i nupela samting tasol i nupela stail kuk tru long Fiji ya.

Sophie i tok dispela kaikai i swit tru. Na arapela wantok Wally tu i tok em bai givim

baksait long tambu ya. Bikos kaikai i swit tru.

Dispela wok long wokim mumu i helpim long pinisim taim bilong stap nating. Sapos yu husat i brukim lo, bai yu kamap long kot.

Long dispela taim tu, wanpela liklik boi i kalap na kikim bal. Na bihain ol plisman i painim em na sasim em long kot.

Tasol loiya bilong em i askim kot long mari-mari bikos dispela manki i gat 6-pela krismas tasol na em i no klia gut yet long lo.

Olsem na sapos yu go long Fiji yu mas lukaut long Sande. No ken bikhet, yu no ken ting ol plisman bai holimpas yu, ol soldia stret ya.

I gat wanpela liklik buk bilong ol turis i stap. Sapos yu ritim bai yu lap. Het tok i rit olsem "How i to get lost and found in Fiji". Olsem long Tok Pisin bai yu tok "Rot bilong yu lus na ol painim yu gen long Fiji."



• Tupela wantok Sophie Ramram (Arawa Bulletin), na Wally Hiambon (Niugini Nius) i helpim wokman bilong hotel long redim kaikai bilong apinun.

Ebu paia long ol fiseris opisa

MINISTA bilong Fiseris, Alan Ebu i paia long ol fiseris opisa long ol provins na tokim ol olsem ol i slek tumas long wok gut wantaim ol pipel olsem na ol pipel i no gat bilip long ol.

Mista Ebu i mekim dispela toktok long taim em i opim bikpela kibung bilong ol fiseris opisa long ol provin. Dispela kibung i bin kamap long Madang long Mande 30 Me na pinis long Trinde 1 Jun.

Mista Ebu i tokim ol dispela opisa olsem insait long dispela tripela de kibung, em i laik lukim ol i kamapim sampela gutpela aidia bilong wok gut wantaim ol pipel bilong ples.

Mista Ebu i sutim tok i go tu long ol provin-sal gavman insait long kantri. Em i tok plan-ti bilong ol i wok long mauswara tasol na i no kirapim tru wok bilong fiseris insait long provins. Em i tok planti bilong ol i wok long mauswara tasol na i no kirapim tru wok bilong fiseris insait long provins. Em i tok ol i wok long toktok long kirapim ol fis faktori

tasol i no gat wanpela helpim i go long pipel bilong ples husat i laik kirapim pis bisnis long ples.

Mista Ebu i tokim ol dispela opisa olsem wanem plen ol i kirapim long helpim ol pipel i mas sut stret long ol samting ol pipel i ken mekim. Na i no ken mekim drapela plen em ol i no inap long bihainim long wan wan provins.

Insait long dispela kibung tu, Mista Ebu i tokim ol opisa olsem em i tingting long kirapim kibung bilong Nesanel Fiseris Kaun-sil long olgeta yia. na ol manmeri husat i kamap long dispela kibung i ken pasim tok long wanem rot program bilong ol bai bihain-im.

Mista Ebu i tok tu olsem nesanel gavman bai helpim ol provins long ol projek bilong kirapim ol bisnis bilong pis.



Ol Hanahan bungim mani bilong stretim lapun lotu

BIKPELA wok bilong bungim mani bilong stretim lapun haus lotu tru long Buka Ailan i stat nau long Kieta na Arawa.

Ol man i go pas long dispela wok, Romeo Tohiana na Lino Kits i askim ol lain bilong Hanahan peris husat i wok long Kieta, Toni-va na Arawa long givim K20 long dispela wok. Program bilong bungim mani i stat long 1 Jun na bai pinis long 31 Ogas, 1988.

Mista Tohiana i tok dispela apil bilong Katolik peris bilong Hanahan i laik bungim olsem K1,000.

Katolik haus lotu long Hanahan em i wanpela lapun haus lotu tru. Ol i bin sanapim dispela haus

lotu long 1922. Tasol long taim bilong namba Tu Wol Woa, ol Japan i bin bomim long 1948. Namba wan Katolik misin stesin i bin kirap long Burunotoui long Wes kos bilong Buka ailan long 1910. Na misin stesin i bin kirapim long Halela long 1932 na Gogohe stesin i kamap long 1962.

Dispela stori bilong ol Katolik misin stesin long Buka i soim olsem ol haus lotu i lapun tru nau. Long dispela as na ol lain pipel bilong Hanahan peris i wok long bungim mani nau long stretim gen haus lotu bilong ol. Namba wan kibung bilong painim ol rot bilong bungim mani, i kamap long Yunivesiti Senta long dispela wik.

Man lus long bus

WANPELA wok-man bilong Santos Oil Exploresen kampani long West-en Provins i wok long amamas na tok pilai gen wantaim ol lain wanwok bilong em. Dispela man, Kut Kawun husat i gat 25 kris-mas i bin lus na raun longlong insait long bikpela bus bilong Elevala Riva inap long 5-pela de olgeta.

Menesa bilong Santos Exploresen kampani, Ian Thompson i bin tokim Wantok olsem Kawun i bin lus long taim em i bin lusim ol wanwok bilong long go painim abus long bus. Dispela bus i pulap long muruk na guria.

Mista Thompson i bin tok taim Kawun i bin go stap long bus, helikopta i bin kamap na kisim ol wanwok bilong em i go long narapela hap gen long painim wel.

GIVIM FAMILI BILONG YU Teis bilong Sunshine NA YU INAP LONG

WIN

WANPELA LONG

150

SUNSHINE PRAIS!

Wantaim BMX Bikes, Redio Kaset, Bikpela Eski Kula na Liklik Hetpone Redio.



I NO HAT WOK...

...rausim labol long SUNSHINE tin. Long baksait bilong pepa, raitim nem na adres na liklik lain tasol, tokim mipela bilong wanem **yu** save SUNSHINE Milk! Salim i go long Nestles SUNSHINE, P.O. Box 1660, Pot Mosbi.

Salim planti labol long laik bilong yu! Bai yu ken gat moa sans long win!

Kipim **SUNSHINE Instant Milk Powder** long kabot na bai i gat milk bilong ol famili. Tanim tasol wantaim wara...na yu gat gutpela nais milk!



BAIBEL KOMIK

Ol wok bilong ol Aposel

Planti ol lain husat i save bihainim Jisas i bin ranawe lusim Jerusalem. Namel long ol dispela lain i bin gat wanpela dikon bilong Jerusalem tu i stap wantaim ol, Philip.



Dispela ol lain i save belhat long ol Jew. Tasol ol tu i wok long painim sevia. Olsem na mi mas tokim ol olsem em i kam pinis.

Philip i kirap nogut long lukim olsem ol Samaria i amamas long harim ol toktok bilong em. Ol i kalap nogut tu long pawa em i gat long nem bilong Jisas long oraitim ol sik man.

Long nem bilong Jisas Kraus, yu sanap na wokabaut!



Mi ken sanap nau. Tokim mi moa long dispela Jisas olsem bai mi tu i ken bihainim em.

Olgeta pipel bilong Samaria i harim stori na i wok long toktok long Philip.

Simon, dispela man Philip i winim yu tru. Em i ken oraitim ol sik pipel, mekim ol lek, han na ai nogut i orait gem na...

Tru ah? Bai mi painim em we?



Em i painim Philip na em i kirap nogut long lukim Philip i oraitim ol sikman. Em i sanap na harim gut tru ol toktok bilong Philip. Na bihain nau...

Mi tu mi bilip long Jisas. Baptaisim mi na larim mi kam wantaim yu na lainim moa samting olsem yu yet.



Mi ting mi tasol i save long ol kain trik.



Tupela meri makim ol Melanesian yut

Poto na stori Pater Roger White

TUPELA yangpela meri Hailans i lusim PNG long Sande 30 Me long go stap insait long wanpela bikpela bung bilong ol yangpela manmeri long Amerika. Tupela meri ya em Cecilia

Asi bilong Ialibu, Saten Hailans na Veronica Mone bilong Hagen.

Veronica na Cecilia bai stap insait long wanpela bikpela bung bilong yangpela manmeri bilong Amerika, Australia, Wes Gemani, Japan, Polan na Rasia. Na bai ol i kamapim wanpela pilai ol i kolim "The Peace Child".

Dispela pilai "The Peace Child" i gat bikpela toktok i go long ol manmeri long wol tude.

Toksave bilong ol em, "Dispela graun i bilong mipela ol yangpela, na ol papama, ol wantok na ol arapela manmeri i mas was long ol samt-ing long dispela graun.

"Mipela i askim ol, plis no ken bagarapim ol wara, bus na ol enimal. Sindaun gut na stap bel isi wantaim ol arapela manmeri na maski long resis long wokim ol samt-ing nogut bilong bagarapim dispela graun."

Planti manmeri bai putim ai long lukim tupela meri ya bilong PNG. Bikos dispela stori bilong Peace Child i sut stret long wanpela kastam bilong sampela ples long hap bilong Wes Irian. Long taim bilong tumbuna, sapos wanpela ples i laik pinisim pasin birua wantaim narapela ples, orait, bai ol i salim wanpela pikinini i go stap wantaim birua. Na ol lain birua i mas was gut tru long dispela pikinini bikos sapos em i dia, bai pait i kirap. Na long taim pikinini ya i stap long

ples, bai i no gat pait i kamap namel long tupela birua ples ya.

Ol yangpela husat i stap insait long dispela bikpela bung bai raun long ol bikpela siti long Amerika, Rasia, Ingran na Australia na wokim dispela pilai "The Peace Child." Ol bai raun inap long tupela mun olgeta long wokim dispela pilai.

Veronica na Cecilia bai singsing ol singsing bilong ples bilong tupela. Na bai tupela i stori long pasin bilong yumi ol Melanesia pipel long was gut long ol pikinini na ol arapela pasin bilong yumi.

Veronica na Cecilia bai kam bek gen long PNG long mu Ogas. Na Veronica bai go bek skul gen long Mendi Haikul we em i wanpela gret 9 studen na Cecilia i wok long wanpela stua long Ialibu nau. Em i bin pinisim haikul las ya.

Continental Airlines i givim bikpela helpim tru long raun bilong dispela tupela yangpela meri bilong Papua Niugini. Bikos ol i raun fri long ol balus bilong Continental Airlines long PNG i go long Amerika na long ol bikpela siti insait long Amerika tu.



Cecilia Asi bilong Ialibu i bilas gut tru na singsing wantaim ol lain bilong em.

Tu minit tingting

FRANK MIHALIC i raitim

LONG namba wan pes bilong Baibel, long buk Jenesis, ol i stori long tripela pipel: Adam Iv na Seten. Seten em i ensel nogut. Em i trikim namba wan man na meri na em i win. Bilong mekim dispela, em i bin hait insait long wanpela snek.

Snek em i gutpela piksa bilong Seten. Yumi no laikim snek. Yumi pilim, olgeta snek i samt-ing nogut. Sapos yumi lukim wanpela snek, kwiktai yumi laik kilim em i dai.

Snek em i narakain eminal. I no gat han ol lek bilong em; i no gat win ol pul bilong em. Em i wokabaut long bel tasol. Em i no gat krai bilong em ol singsing. Nogut. Em i man bilong sarap na surik i go i kam; na em i no mekim liklik nois. Planti snek tu i gat marasin nogut inap long mekim yumi i dai. Snek i save kamap wantu, na i ranawe wantu. Ai biong snek i op oltaim; em i no inap long pasim long wanem, i no gat skin ol karamap bilong ai.

Ol dispela samt-ing i gutpela piksa bilong Seten, em man bilong wokabaut long san na long nait, na mekim ol wok nogut bilong em.

Seten i no laik bai yumi stori long em, o yumi wari long em. Em i laikim tumas bai yumi no tingting long em olgeta. Em i laik bai yumi lap long em na i tok fani long em, olsem long Fantom bilong komik buk.

Tasol Seten em i no samt-ing nating. Insait long Nupela Testamen dispela tok Seten i kamap 69 taim. Na yumi lukim: Seten i no sem, em i bin traime Jisas yet. Yumi ritim stori long Matyu 4,1. Na Jisas tu i tok olsem, "Seten i laik wilwilim yumi. Lukim Luk 22,3.

Wanpela man i ritim wanpela fani buk i stori long Seten tasol. Long wanpela stori Seten i bungim ol sumatin na wokman bilong

em, na em i skulim ol long pasin bilong trikim ol manmeri long mekim rong.

Em i tokim ol olsem: "Yupela i mas tokim ol manmeri olsem: 'God yet i bin wokim olgeta hap bilong bodi bilong yupela. Em i laik bai yupela i yusim. Yupela mas pinisim laik bilong ol. Em i lo bilong bodi. Yupela no ken hatwok oltaim oltaim. Yupela mas malolo na kisim win na amamas na pinisim laik. Sapos yupela i wok, wok tasol, yupela i longlong. Bai yupela i bruk daun. Goan yupela go na spak na pilai. Em i pasin bilong planti. Goan, yupela go joinim ol."

Em i namba wan tok gris ol sumatin i mas lainim.

Nau Seten i skurim skul i go, na i tok: "Narapela we bilong pulim yangpela pipel em long pulim apim het bilong ol wantaim olkain nois na musik na disko. Mekim ol i wok na pilai na taitim bun long spot. Yu ken givim liklik spes bilong tingting long ol.

Na las skul bilong Seten long ol wokboi bilong em i go olsem: "Yupela i no ken kros long ol manmeri. Yupela i no ken semim ol. Na maski long pretim ol. Givim patpela tok gris long ol tasol, kain tok i wit long yau bilong ol. Na namba wan samt-ing: yupela i mas mekim ol manmeri i ting, yupela i no stap olgeta. Olsem tasol na yupela i ken hait na mekim wok nogut bilong yupela."

Pasin bilong Seten em i pasin bilong lusman. Em yet i lusim heven pinis na haus bilong em i stap long hel.


Sapos Seten i wok long traime yu olgeta de, em i gutpela man no waris. Dispela i min em i no bin winim yu. Sapos em i winim yu pinis, em i no wari moa long traime yu. Yu stap insait long poket bilong em pinis.

2517

Mobil

WIN! WIN! WIN!

In conjunction
with
QANTAS



3 TRIPS TO

World Expo 88 BRISBANE AUSTRALIA.

PLUS MORE BIG PRIZES TV • VIDEO CASSETTE • STEREO



FREE ENTRY
To contest when you spend a
minimum of K5 on Mobil products
in Port Moresby or Lae



MITSUBISHI CANTER TILT CAB



**DESIGNED
TO MAKE
MAINTENANCE
& INSPECTION
EASY AND
QUICK**

← **SUPER WIDECAB** →


**DIRECT
INJECTION
DIESEL ENGINE
WITH ALTITUDE
COMPENSATOR
AND EXHAUST
BRAKE**

3.5
TONNE CAPACITY




40%
GRADEABILITY

VACUUM SERVO
BOOSTER &
BRAKING SYSTEM




5.1m
SMALL TURNING RADIUS



HEAVY DUTY SUSPENSION

CANTER



- DEEP CUT SAFETY DOOR WINDOWS
- HIGH PERFORMANCE VENTILATION
- TILT AND TELESCOPIC STEERING COLUMN
- EASY VIEW INSTRUMENTS
- CANTER'S INTERIOR IS SIMPLE YET DESIGNED FOR RUGGED USE WITH HIGH DURABILITY.

Engineered For Performance. 20 Years With Mitsubishi In PNG



TOBA PTY. LTD.
Port Moresby - 21 7874
TOBA PTY. LTD.
Lae - 42 2611
WAMP NGA MOTORS
Mt. Hagen & Goroka
52 1855


MICHAEL WING YOU
Manus - 40 9112
KAMSCO
Kavieng - 94 2079
RABAUL GARAGE
Rabaul - 92 2311

WONG KUI
Buka - 96 6028
KIMBE KAR SALES
Kimbe - 93 5035
KIETA MOTORS
Kieta - 95 6382

STEAMSHIPS
MACHINERY
Madang - 82 3021
LUS DEVELOPMENT
Wewak - 86 2331

Kus man maritim naispela meri

WHICH SHADOW BELONGS TO BEN?



SEE HOW QUICKLY YOU CAN SPOT WHICH PORTRAITS ARE THE SAME.



WRITE YOUR ANSWER here

i go moa long pes 25

BIPO bipo tru i gat wanpela man i stap, long wanpela ples ol i kolim Bibine klostu long Maunten Giluwe. Dispela em long hap bilong Ialibu insait long Saten Hailans provins. Nem bilong dispela man em Welali Repe.

Klostu long Bibine i gat tu wanpela ples em i stap. Nem bilong dispela ples em Kongibul. Long dispela ples i gat wanpela kum katim meri i stap. Planti yangpela man i save traim long autim tiket bilong dispela meri, tasol no gat wanpela i save win.

Long dispela meri tasol na planti taim ol yangpela man bilong Bibine i save limlimbur i go long Kongibul. Olsem bilong giaman long lukim dispela meri na askim laik na sasaitim em.

Olgeta nait ol yangpela man long ples Bibine i save go long ples Kongibul. Na tanim het o kukim nus wantaim ol yangpela meri bilong dispela ples.

Dispela em wanpela kain singsing we ol yangpela manmeri i save sindaun na singsing long nait.

Rebe em yet i no wanpela gutpela man. Kus i pulap nogut tru long nus bilong em. Olsem na planti meri i save les long em. Tasol em save prenim ol arapela yangpela man long ples na go wantaim ol.

Dispela meri i save tanim het wantaim ol arapela man. Tasol taim Rebe i laik tanim het wantaim em, meri ya i save les. Tarangu Rebe bai sindaun nating klostu long meri ya.

Na meri ya save spetim em na tok, "Husat i laik tanim het na kukim nus wantaim yu. Nus bilong yu i pulap long kus".

Olgeta taim dispela meri save tok bilas long Rebe. Na tarangu Rebe i save pilim sem nogut tru. Em i bel kaskas nogut tru na tingting long wokim wanpela trik.

Orait wanpela taim ol yangpela i laik go tanim het gen wantaim dispela meri na Rebe i bihainim ol i go. Long rot ol yangpela i tokim Rebe, "Meri ya i no save



laikim yu. Olsem na bilong wanem yu hatwok long kam nating wantaim mipela. Yu mas go bek long ples na lukautim ol meri pikinini bilong mipela".

Tasol Rebe i no wari long dispela tok bilong ol. Em bihainim ol i go na ol i kamap long ples bilong meri ya.

Ol arapela man i tanim het pinis wantaim dispela meri na taim bilong Rebe nau. Rebe i stap las man tru. Taim em i laik tanim het wantaim dispela meri, meri ya i wokim wankain tok tok long em. Olsem na tarangu Rebe i sem na i no tanim het wantaim dispela meri.

Taim ol i laik kam bek long ples, meri ya i tokim ol, "Tumora bai mi wantaim papa i go painim talinga klostu long Maunten Giluwe. Olsem na yupela mas stap malolo na kam bek long narapela de."

Rebe i harim dispela hap tok na em putim gut long het bilong em.

Long bikmoning tru Rebe i kirap isi tasol na go long dispela hap we meri wantaim papa bilong em bai go painim talinga. Em i go kamap na wet i stap. Em i wet i stap na lukim papa na pikinini i go kamap. Tupela i kisim planti talinga tru na pulimapim long beg bilong tupela. Klostu apinun nau na tupela i laik go bek long ples.

Tasol man nogut Rebe i wokim puripuri pinis na bikpela ren wantaim win i kam. Ol wara i tait na karim olgeta bris i go. Olsem na papa na pikinini ya i no gat rot long go bek long ples. Orait tupela i slip long wanpela haus long bus. Rebe i save pinis na asde yet em i go wet klostu long dispela haus i stap.

I gat wanpela

bikpela ston i stap baksait long haus na Rebe i go na hait bihain long dispela ston.

Em i subim wanpela longpela mambu i go klostu long haus na wet isi tasol i stap. Kum katim meri ya wantaim papa bilong em i kam kamap na go insait long dispela haus. Tupela i wokim paia na sindain drain skin i stap. Klostu tudak na tupela i redi long slip.

Em nau, Rebe i putim maus bilong em long dispela mambu na tok, "Mi masalai bilong dispela hap. Nau bai mi kaikaim yutupela. Sapos yupela i no laik long mi kaikaim yutupela orait yutupela i mas slip wantaim".

Kum katim meri i harim olsem na kirap tokim papa bilong em. Rebe i toktok i go bek gen long dispela mambu. "Nau tasol bai mi kamaulim ai bilong yutupela na kaikaim yutupela. Olsem na hariap na yutupela i slip wantaim".

Tupela i harim olsem na pret nogut tru.

Papa i pret olgeta na tokim pikinini long tupela i slip wantaim, "Yu laikim dispela masalai long kaikai mitupela o yu ting wanem".

Na pikinini i tok, "Papa no gat man bai save olsem yumi slip wantaim. Em i orait yumi mekim olsem masalai i tok. Nogut bai em i kaikaim mitupela".

Man nogut ya Rebe i harim olsem na kaikaim tit stret. Dispela nait papa na pikinini i holim pas i go inap tulait.

Rebe i no man nating. Em wokim puripuri gen na ren i stap. Orait long moning papa na pikinini i go bek long ples. Rebe painim ol bilas long bus na bihain em i go long ples long apinun.

Long nait nau ol arapela man i go bek gen long ples Kongibul long tanim het wantaim dispela meri kum katim meri. Kus nogut Rebe i bilas nogut tru na go wantaim ol.

Ol arapela man tanim het wantaim dispela meri pinis na taim bilong Rebe gen. Rebe i bin sanap las man tru. Em i go sindaun klostu long meri

ya na meri i laik ranawe. Hariap tru Rebe tokim meri ya olsem em lukim meri ya wantaim papa bilong em i wokim sem pasin long bus. Meri ya i sem nogut tru tasol bai mekim wanem nau. Em sindaun tasol na tanim het wantaim Rebe.

Ol arapela man i lukim olsem na ol i bel kaskas tru long Rebe. Ol lusim Rebe tasol i stap wantaim dispela meri na ol i go bek pas long ples.

Em nau Rebe i stori gut tru long dispela meri long wanem samting em wantaim papa bilong em i wokim long bus. Meri i sem pipia olgeta na tokim Rebe long no ken tokim ol arapela man long ples. Dispela nait Rebe wantaim dispela kum katim meri i holim pas i go inap tulait.

Long moning meri ya i go na tokim papa bilong em olsem Rebe i lukim tupela long bus. Na em i tokim papa long wanem samting Rebe i tokim em. Papa i harim na em tu i pilim sem nogut tru.

Dispela de yet papa i kilim wanpela pik na wokim bikpela pati tru long ples. Em i rapim gris bilong pik long pikinini bilong em na tokim em long maritim Rebe. Em i wokim dispela long pasim maus bilong Rebe long noken tokim olgeta man.

Bagaros nogut ya Rebe i amamas nogut tru na maritim dispela kum katim meri.

Taim tupela go long ples bilong Rebe, ol man i no inap bilip long lukim tupela. Ai bilong ol i laik kamaul stret. Planti yangpela man long ples i bel kaskas long Rebe. Tasol bai ol i mekim wanem. Rebe i win pinis.

Bipo dispela kum katim meri i save spetim Rebe long kus bilong em. Tasol nau em i save klinim kus bilong Rebe. Tupela i stap wantaim i go inap tupela i lapun na dai.

Dispela stori em wanpela tru stori na i kam long hap bilong Bibine. Em tasol stori bilong mi.

Potter Mc King,
Bibine Viles,
Ialibu-SHP.

Sans ya!

HUSAT man, meri o pikinini i laki bai i kisim gutpela sans tru long go raun long Brisben long lukim Wol Expo '88. Na tupela kampani, Mobil Oil Niugini Limited na Qantas i bin mekim dispela samting i kamap tru.

Bai i gat tripela sans long winim tiket bilong tupela man long go raun long Brisbane, Australia na lukim Wol Expo '88.

Na 6-pela laki pipel gat sans bilong go lukim Expo '88 na bai gat sans tu long raun long bikpela balus bilong Qantas. Prais bilong dispela samting bai i karamapim tu ples bilong stap na tu bai ol i raun i go long Gol Kos long Australia.

Jenerel Menesa bilong Mobil kampani insait long Papua Niugini, Peter Lyons i



• Piksa i soim Siaman bilong PNG Expo komiti, Chris Musgrave na nupela Miss Papua Niugini, Erue Taunao long taim ol i bin tokaut long dispela gutpela sans long raun long Expo '88.

tok; "Mipela i bin tingting olsem gutpela prais tru bilong dispela resis bilong mipela em long salim

ol lain husat i winim i go long Brisbane long lukim Expo '88. Dispela bai i wanpela gutpela sans tru na

bai i gat gutpela stori long bihain taim long wanem Papua Niugini tu i stap insait long Wol Expo '88."

Wewak painim rot bilong pinis-im raskol pasin

PLIS FOS long Wewak i senisim wok bilong ol long patrol long taun eria. Stat long las wik, ol plisman na ol risev plisman tu i wok long wokabaut na patrol raun long taun.

Long mun Februari i kam inap nau raskol pasin bilong brukim ol stua na go insait stilim ol samting i bin kamap bikpela long Wewak. Na pasin bilong hensapim man na stilim ol samting i kamap bikpela tu.

Ol bisnisman long Wewak i bin tokaut long pasim ol stua bilong ol sapos dispela kain pasin i no pinis.

Ol papa bilong ol bikpela bisnis long Wewak olsem Tang Mow na Wewak Intanesenel Bis Risot i bin mekim ol dispela toktok bihain long ol raskol i bin brukim bikpela stua bilong Burns Philp long Wewak. Na long dispela wik yet ol raskol i bin wokabaut long bikpela san i go insait long stua bilong Mark Treding long Dagua maket rot na stilim mani.

Menesa bilong Intanesenel Bis Risot na man husat i makim Semba ov Komes long Wewak, Keith Thomas i bin tokim Wantok olsem em na ol arapela memba bilong Wewak Semba ov Komes i pasim tok bihain long dispela tupela trabel. Ol i tok sapos gavman o plis fos long Wewak i no mekim sampela samting long stapim ol dispela pasin insait long tupela o tripela wik, ol bai pasim ol bisnis bilong ol.

Primia bilong Is Sepik na Siaman bilong Pis na gut Oda Komiti long Wewak, Bruce Samban i bin kibung wantaim ol lain bilong Semba ov Komes long Fraide, 20 Me.

Insait long dispela bung, Mista Samban i bin askim ol papa bilong ol bisnis haus long Wewak long givim sampela taim long gavman bilong em i painim rot bilong stretim ol hevi.

Insait long dispela kibung ol i pasim tok long 5-pela rot bilong daunim dispela hevi long Wewak taun.

1. Ol plisman long Wewak i mas wokabaut raun long ol strit na no ken raun tumas long ka. Ol risev plisman bai helpim plis fos long mekim dispela wok.

2. Askim Provinsal Plis Komanda long yusim Mobail Skwat plis long helpim ol plisman bilong Wewak.

3. Askim Plis Komisina long yusim fos 10 bilong Mosbi long Wewak inap wanpela o tupela mun.

4. Provinsal sekreteri bilong Is Sepik, Camillus Narakobi i bin salim tu wanpela pas i go long komanda bilong Difens long askim ol soldia long helpim wok bilong plis sapos ol trabel i kamap yet bihain long tupela o tripela wik.

5. Sapos ol dispela 4-pela rot i no inap bai i gat kefiu. Em bai tambu tru long ol man i raun long nait.

Mista Samban i bin kibung gen wantaim ol pipel bilong Wewak taun eria long kisim tingting bilong ol. Insait long dispela miting long Fonde 26 Me, olgeta pipel husat i bin stap insait dispela kibung long Kaunsil ov Semba i tok ol i amamas long dispela 5-pela rot bilong traim stapim ol trabel long taun.

Ol komyuniti lida, ol man bilong ples, ol sios lida, provinsal plis komanda, ol sampela lain bilong Katolik Komisen bilong Pis na

Jastis na ol sampela wimens lida tu i bin stap insait long dispela bung.

Ol plisman long Wewak i was long ol lain em ol i bilip i save go pas long kamapim ol dispela raskol pasin long taun. Planti bilong ol dispela lain i hait yet na sampela i bin ranawe i go long ol arapela provins.

Mista Samban i tokim Wantok olsem em i bilip ol dispela lain raskol bin kam long Madang o Lae.

Plis fos long Wewak i wok long mekim bikpela wok nau long sekap long ol setelmen na kem. Long Niugo dispela kain operesen i kamap long Fonde 26 Me, na ol plisman i bin painim sampela samting em ol raskol i bin stilim.

Long dispela wik tu long Fraide 3 Jun, wanpela opisa long plis hetkwata long Mosbi, John Maru bai go long Wewak long glasim dispela hevi.

Mista Maru i bin tokim Wantok olsem em bai bungim provinsal plis komanda long Wewak na ol sampela sinia opisa bilong em long toktok long ol dispela hevi. Na bai em i toktok tu wantaim Wewak Semba ov Komes na sampela bikman bilong provinsal gavman. Mista Maru bai stap inap 2 wik olgeta.

Tasol Wantok i bin painimaut tu olsem Msta Samban bai i no inap stap taim Mista Maru i raun i go long Wewak long dispela wik Fraide. Mista Samban i lusim Wewak long go long Australia.

Mista Keith Thomas i bin tokim Wantok olsem em yet i no amamas long Nesenel Gavman na Plis Dipatmen.

Em i tok i gat wanpela plis dok yunit i stap long Wewak tasol ol i no save mekim tumas wok bilong ol. Long wanem i no ka bilong plis dok yunit.

Mista Thomas i tok i bin gat askim i go pinis long hetkwata long dispela hevi tasol i no gat gutpela bekim i kamap.

Plis fos long Wewak i gat 4-pela dok nau.

Mista Thomas i tok tu olsem raskol pasin long Wewak i wok long kamap isi nau bihain long ol plis raun lek na i no yusim tumas ka long patrol long taun.

Keith Thomas i tokim Wantok olsem bikpela hevi insait long plis fos em long ol no gat inap mani na man long mekim ol wok.


Em i tok mobeta nesenel gavman i mas lusim tingting long salim ol plisman i go long Vanuatu long stapim ol trabel. Na givim mani na moa plisman long ol sampela eria bilong kantri we raskol pasin i wok kamap bikpela nau.

Mista Thomas i tok em yet i lukim olsem nau plani bilong ol yangpela husat i save raun ol liklik grup i no gat rispek moa long lo na oda. Ol dispela lain i no save soim rispek tu long ol arapela manmeri na pikinini insait Wewak.

Narapela kibung bai kamap gen 15 Jun. Insait dispela kibung bai ol i lukluk long wanem samting i bin kamap pinis na wanem rot em plis na olgeta komyuniti i bin yusim wantaim long pait egensim ol kain raskol pasin.

Em i tok ol bai i lukluk tu long wanem ol gutpela samting i bin kamap na mekim sampela senis ol dispela 5-pela rot sapos ol i lukim olsem ol dispela samting i no wok gut.

KOLIM HAMAS MANI - NO. 1



Glasim gut poto na kolim hamas mani i stap long poto.

NUPELA RESIS - WINIM MANI

WANTOK i kirapim wanpela nupela kain resis long winim mani. Resis i go olsem: Yu mas glasim gut piksa antap ya. Traim kaunim ol mani i stap long piksa. Taim yu kaunim pinis, orait, raitim namba bilong mani long fom ya na salim i kam long Kaunim Mani Box 1982, Boroko.

Long olgeta tupela wik bai mipela sekim ol fom i kamap hia long opis. Sapos man i kolim namba stret, bai em i kisim olgeta mani i stap hia long poto.

Sapos i no gat man i kolim namba stret orait husat i kam klostu tru i kisim K10 na resis i go gen long nara-

pela tupela tupela wik. Olgeta taim mipela statim nupela resis bai mipela putim sampela mani insait long piksa na yu mas traime gen long kolim namba bilong mani. Yu no salim mani i kam taim yu salim fom salim nau tasol.

Nem.....

P.O. Box

Taun


Namba bilong Mani K

BIG ROOSTER NO.4 HAS ARRIVED!


in GEREHU

Watch for the Opening

*...and Coming Soon
to Mt. Hagen!*



GEREHU





LAE



KOKI



4 MILE



DRIVE IN

**FOR FAST, FRIENDLY
EFFICIENT SERVICE...
7 DAYS A WEEK!**

BIG ROOSTER

**...it's nice to have a choice!
the barbecued chicken specialists!**

WANTOK

OKSAVE

BOKIS 252500

pes 22

BILONG SALIM

**MIPELA LAIK SALIM WANPELA
HOLSEL/RETAIL BISNIS I STAP
LONG MOSBI**

I gat wanpela kampani laik salim wanpela hap bisnis bilong ol. Dispela bisnis i save winim K2.5 milien long olgeta yia long wok holsel/retail.

Dispela bisnis i stap longtaim long Mosbi na planti pipel i save long en. Na tu dispela bisnis inap go bikpela moa. Bisnis ya i no gat planti ol masin samting long pinisim mani kwik. Na tu i stap long wanpela his olsem yu no mas waru long papa bilong graun i kam rausim yu. Inap 30 pesen long olgeta mani kampani winim inap long kes stret i no sek o doket

Bisnis ya i gat savemanmeri long stav na manesmer. O bai stap yet. Pe bilong baim kampani em samting olsem 1 milien kina. Dispela mani bai baim ol kago, deta na ol masin samting bilong kampani.

Sapos yu laik save moa long kampani salim pas i kam long

**John Petersen
Touche Ross & Company
P.O. Box 1535
Port Moresby
Ph 21 1655**

Touche Ross

Management Consultants


SAMUELSON TALBOT 1925

new nation

Get a guide tour f Expo '88' PNG Pavillion without leaving your chair and PNG!

ALSO Pull out colourful poster of the Expo '88 site AND all you regular features to keep you entertained for the rest of the month

YOUR JUNE issue



Get a guided tour of the PNG pavilion

ALSO, accompany Bonner on his first visit to the Parliament in

Port Moresby Price — **90t**
Other Provinces — **K1.00**

**IF ONLY
THIS
WAS
YOUR
AD.**

Call

25 2500

FAX

252579

WORD PUBLISHING

call **25 2500**

For all your classified

adverts call: **25 2500**

TOKSAVE

ABC GUIDE



THURSDAY 2 JUNE 1988

3.57	EMTV	STATION OPEN	
4.00	ABC	PLAY SCHOOL	(G)
4.00	EMTV	SESAME STREET	(G)
4.30	ABC	MR. SQUIGGLE AND FRIENDS	(G)
5.00	ABC	BARRIERS	(G)
5.00	EMTV	KIDS KONA	(G)
5.30	ABC	YOU CAN'T DO THAT ON TELEVISION	(G)
6.00	EMTV	GILGIGAN'S ISLAND	(G)
6.00	ABC	GHOSTBUSTERS	(G)
6.00	EMTV	BEWITCHED	(G)
6.30	EMTV	NATIONAL EMTV NEWS	(G)
7.00	ABC	EASTENDERS	(G)
7.00	ABC	ABC NEWS	(G)
7.00	EMTV	HAPPY DAYS	(G)
7.30	ABC	7.30 REPORT	(G)
7.30	EMTV	SIX MILLION DOLLAR MAN	(G)
8.00	ABC	COMEDY CLASSICS	(G)
8.30	ABC	THE DUTY MEN	(G)
8.30	EMTV	SPECIAL SQUAD	(AO)
9.20	ABC	MAELSTROM	(PGR)
9.30	EMTV	PNG TONIGHT	(G)
10.00	EMTV	SYDNEY RUGBY LEAGUE	(G)
10.15	ABC	THE WORLD TONIGHT	(G)
10.45	ABC	JAZZVISIONS	(G)
11.30	EMTV	STATION CLOSE	
11.45	ABC	CLOSE	

FRIDAY 3 JUNE 1988

3.57	EMTV	STATION OPEN	
4.00	ABC	PLAY SCHOOL	(G)
4.00	EMTV	SESAME STREET	(G)
4.30	ABC	MRSQUIGGLE AND FRIENDS	(G)
5.00	EMTV	KIDS KONA	(G)
5.30	ABC	YOU CAN'T DO THAT ON TELEVISION	(G)
6.00	EMTV	TOM & JERRY	(G)
6.00	ABC	GHOSTBUSTERS	(G)
6.00	EMTV	BEWITCHED	(G)
6.30	EMTV	NATIONAL EMTV NEWS	(G)
7.00	ABC	EASTENDERS	(G)
7.00	ABC	ABC NEWS	(G)
7.00	EMTV	EM REPORT	(G)
7.30	ABC	7.30 REPORT	(G)
7.30	EMTV	FAME	(G)
8.00	ABC	CHANCE IN A MILLION	(G)
8.30	ABC	RUMPOLE OF THE BAILEY	(G)
8.30	EMTV	FRIDAY NIGHT MOVIE: 'War and peace'	(PGR)
9.25	ABC	ASPEL AND CO	(G)
10.05	ABC	BACK CHAT	(G)
10.15	ABC	THE WORLD TONIGHT	(G)
10.30	EMTV	VFL HIGHLIGHTS	(G)
10.45	ABC	MOVIE 'Underwater'	(G)
12.00	EMTV	STATION CLOSE	
12.20	ABC	RAGE	(G)

SATURDAY 4 JUNE 1988

12.00	ABC	ROCK ARENA	(G)
1.15	ABC	T.B.A.	(G)
2.57	EMTV	STATION OPEN	
3.00	EMTV	BISNIS	(G)
4.00	ABC	RUGBY LEAGUE	(G)
4.00	EMTV	BATMAN	(G)
4.30	EMTV	BIG LEAGUE SOCCER	(G)
4.45	ABC	SATURDAY SPORTS ARENA	(G)
5.30	EMTV	DANIEL BOONE	(G)
6.00	ABC	ABC NEWS	(G)
6.30	EMTV	NATIONAL EMTV NEWS	(G)
7.00	ABC	COUNTRYWIDE	(G)
7.00	EMTV	INCREDIBLE HULK	(G)
7.30	ABC	THAT'S AUSTRALIA	(G)
7.30	ABC	UPSTAIRS, DOWNSTAIRS	(PGR)
8.00	EMTV	ROCKFORD FILES	(PGR)
8.20	ABC	ABC NEWS	(G)
8.30	ABC	MOVIE 'Scoop'	(G)
9.00	EMTV	STATE ORIGIN RUGBY LEAGUE	(G)
10.30	ABC	AFTER THE MOVIE	(G)
10.50	ABC	THE UNTOUCHABLES	(PGR)
11.00	EMTV	STATION CLOSE	
11.40	ABC	RAGE	(G)

SUNDAY 5 JUNE 1988

12.00	ABC	COMPASS	(G)
1.00	ABC	FOUR CORNERS	(G)
1.45	ABC	SUNDAY AFTERNOON WITH PETER ROSS	(G)
2.57	EMTV	STATION OPEN	
3.00	EMTV	K.T.V.	(G)
3.30	EMTV	BONANZA	(G)
4.30	EMTV	SPORTS WORLD	(G)
5.30	EMTV	LITTLE HOUSE ON THE PRAIRIE	(G)
6.00	ABC	ABC NEWS	(G)
6.25	EMTV	COLGATE TOOTHBRUSH FAMILY	(G)
6.30	EMTV	NATIONAL EMTV NEWS	(G)
7.00	EMTV	I CAN JUMP PUDDLES	(G)
7.00	EMTV	WEBSTER	(G)
7.20	ABC	BACK CHAT	(G)
7.30	EMTV	SUNDAY NIGHT MOVIE 'Darling Lil'	(PGR)
8.25	ABC	NATURE OF AUSTRALIA	(G)
8.25	ABC	ABC NEWS	(G)

8.30	ABC	MOVIE 'Inappropriate behaviour'	(AO)
9.30	EMTV	BISNIS	(G)
9.50	ABC	SUNDAY NIGHT RUGBY	(G)
10.30	EMTV	EM REPORT	(G)
10.50	ABC	MUSIC GALLERY	(G)
11.00	EMTV	STATION CLOSE	
11.45	ABC	CLOSE	

MONDAY 6 JUNE 1988

3.57	EMTV	STATION OPEN	(G)
4.00	ABC	PLAY SCHOOL	(G)
4.00	EMTV	SESAME STREET	(G)
4.30	ABC	MR SQUIGGLE AND FRIENDS	(G)
5.00	EMTV	KIDS KONA	(G)
5.00	ABC	BARRIERS	(G)
5.30	EMTV	SKIPPY	(G)
5.30	ABC	YOU CAN'T DO THAT ON TELEVISION	(G)
6.00	EMTV	BEWITCHED	(G)
6.00	ABC	GHOSTBUSTERS	(G)
6.30	EMTV	NATIONAL EMTV NEWS	(G)
7.00	ABC	EASTENDERS	(G)
7.00	EMTV	HAPPY DAYS	(G)
7.00	ABC	ABC NEWS	(G)
7.30	EMTV	FLYING DOCTORS	(PGR)
7.30	ABC	7.30 REPORT	(G)
8.00	ABC	NEVER THE TWAIN	(G)
8.30	ABC	YES PRIME MINISTER	(G)
8.30	EMTV	A TOWN LIKE ALICE	(PGR)
9.00	ABC	FOUR CORNERS	(G)
9.45	ABC	THE TRACEY ULLMAN SHOW	(G)
10.15	ABC	THE WORLD TONIGHT	(G)
10.30	EMTV	STATION CLOSE	(G)
10.45	ABC	THE HORSE IN SPORT	(G)
11.40	ABC	DREAM STUFFING	(PGR)
12.05	ABC	CLOSE	

TUESDAY 7 JUNE 1988

3.57	EMTV	STATION OPEN	(G)
4.00	ABC	PLAY SCHOOL	(G)
4.00	EMTV	SESAME STREET	(G)
4.30	ABC	MR SQUIGGLE AND FRIENDS	(G)
5.00	ABC	BARRIERS	(G)
5.00	EMTV	KIDS KONA	(G)
5.30	ABC	YOU CAN'T DO THAT ON TELEVISION	(G)
6.00	EMTV	FLINTSTONES	(G)
6.00	ABC	GHOSTBUSTERS	(G)
6.00	EMTV	BEWITCHED	(G)
6.30	EMTV	NATIONAL EMTV NEWS	(G)
7.00	ABC	EASTENDERS	(G)
7.00	ABC	ABC NEWS	(G)
7.00	EMTV	HAPPY DAYS	(G)
7.30	ABC	7.30 REPORT	(G)
7.30	EMTV	SPIDER MAN	(G)
8.00	ABC	THE INVESTIGATORS	(G)
8.30	ABC	STRINGER	(G)
8.30	EMTV	HART TO HART	(PGR)
9.20	ABC	ONE PEOPLE SING FREEDOM	(G)
9.30	EMTV	EMTV SPORTS SCENE PLUS POT BLACK	(G)
10.15	ABC	THE WORLD TONIGHT	(G)
10.30	EMTV	BUSINESS WEEK	(G)
10.45	ABC	ROCK ARENA	(G)
11.30	EMTV	STATION CLOSE	
12.01	ABC	CLOSE	

WEDNESDAY 8 JUNE 1988

3.27	EMTV	STATION OPEN	(G)
3.30	EMTV	JAZZERCISE	(G)
4.00	ABC	PLAY SCHOOL	(G)
4.00	EMTV	SESAME STREET	(G)
4.30	ABC	MR. SQUIGGLE AND FRIENDS	(G)
5.00	ABC	BARRIERS	(G)
5.00	EMTV	KIDS KONA	(G)
5.30	ABC	YOU CAN'T DO THAT ON TELEVISION	(G)
6.00	EMTV	FLIPPER	(G)
6.00	EMTV	BEWITCHED	(G)
6.00	ABC	GHOSTBUSTERS	(G)
6.30	EMTV	NATIONAL EMTV NEWS	(G)
7.00	ABC	EASTENDERS	(G)
7.00	EMTV	HAPPY DAYS	(G)
7.00	ABC	ABC NEWS	(G)
7.30	ABC	7.30 REPORT	(G)
7.30	EMTV	HARDCASTLE AND McCORMICK	(PGR)
8.00	ABC	QUANTUM	(G)
8.30	ABC	THE LAST RESORT	(AO)
8.30	EMTV	MOVIE 'The bliss of Mrs Blossom'	(G)
9.20	ABC	FOR LOVE OR MONEY	(G)
9.50	ABC	ALIAS SMITH AND JONES	(PGR)
10.15	ABC	THE WORLD TONIGHT	(G)
10.30	EMTV	STATION CLOSE	
10.45	ABC	TALKING SHOP	(G)
11.15	ABC	T.B.A.	(G)
11.45	ABC	CLOSE	

G GENERAL EXHIBITION
PGR PARENTS GUIDANCE REQUIRED
AO ADULTS ONLY

G - General Exhibition
PGR - Parents Guidance Required
AO - Adults Only

PABLIK NOTIS



LANGUAGE/CROSS CULTURAL TRAINER (OL PNG SITISEN TASOL)

Mipela lukautim wanpela man o meri long helpim mipela skulim ol nupela lain bilong Ameriken Peace Corp long Tok Pisin. Kos ya i stat long 18 Julai na pinis long 14 Septemba. Kos bai kamap long Mosbi na Goroka.

Man o meri ya i mas i gat tisa setifiket na holim wok tisa long sampela yia. Sapos yu laik aplai long kisim dispela wok orait salim pas i kam long

Peace Corps
P.O. Box 1790
Boroko, NCD
Attention: Training Officer

Yu mas salim pas bipo long 24 June, 1988



The National Capital District Interim Commission in conjunction with the PNG Netball Federation will be conducting two netball courses in June at Rita Flynn Netball Court, Bisini Parade.

Basic Coaching Course will be conducted by Ms Veitu Diro from 13 -17 June and provincial Umpiring Course by Mrs Alu Kali from 20-24 June. Both women are highly qualified and identified by the PNG Netball Federation to conduct the courses.

People wishing to attend Basic Coaching Course must have either completed a preliminary coaching course or be a representative player.

Application forms are available from the NCDIC Sports Office, Taurama Leisure Centre. A number of participants is limited, so those interested should contact the sports officer on 24 4831/254711 or POM Netball Association as soon as possible.



IT'S ON AGAIN

ROTARY RODEO

SUNDAY JUNE 5th 'PRESENTED BY' SUNDAY JUNE 5th

ROTARY CLUB OF HUON GULF & THE LAE & MARKHAM VALLEY POLOCROSSE CLUBS.

- * STALLS
- * FREE ENTERTAINMENT
- * SKY DIVING
- * BULL RIDING
- * HORSE BUCKING
- * FUN EVENTS
- * LIVE BAND
- * COMPETITIONS
- * PLENTY OF PRIZE MONEY FOR COMPETITORS



YOU COULD WIN K1000.00

IF YOU ATTEND THE ROTARY RODEO FUN DAY.

A FUN DAY FOR ALL THE FAMILY

SUNDAY 5th JUNE AT THE LAE SHOW GROUND

GATES OPEN 9 AM.

ADULTS: K1.00

PIKININI: FREE

PORD PRINTING CO
COMMERCIAL PRINTERS

Specialised in: -

- INVOICE BOOKS • DOCKET BOOKS • ORDER BOOKS
- BROUCHERS • LETTERHEADS • BUSINESS CARDS
- ADVERTISING LAYOUTS • MULTI COLOUR PRINTING

FOR PRINTING REQUIREMENTS
PHONE: 42 3730 - 42 3182

or write to
P.O. BOX 1828, LAE
MOROBE PROVINCE

"B DAY"

HAPPY B/DAY to our loving daughter **LILIAN BRIAN** who will be turning **1 year** old on **04/06/88**. Love and Kisses from Dad and Mum. Love and Greetings from uncles, aunts and cousins of Gordons and 14 Mile. And also from Bubus and relatives of Didigoro, and Dorom.

WANTOK Reporter

Wantok Niuspepa requires the services of a full time Reporter. All applicants in writing to:

The Editor
Wantok Niuspepa
Box 1982
BOROKO

WORD

Word Publishing Company Pty Ltd

BILONG SALIM

Liquid Ark ilek-
trik Welda -
K60.00
tasol

Telepon - 25 2500
Askim long Colin

WORD

Word Publishing Company Pty Ltd

BILONG SALIM

Mipela laik salim Toyota Corolla stesin Wagon Automatic - registration Feb '89

K2,949. ono

Ringim Seamus
long
25 2500.

WORD

Word Publishing Company Pty Ltd

BILONG SALIM



pes 24

PAPUA NEW GUINEA TEACHERS ASSOCIATION

PABLIK NOTIS

NESENEL MENESMEN

KOMITI ILEKSEN, 1988

Nupela program bilong NMC ileksen, 1988

- 10/05/88 -- Nomisen i op long olgeta hap long kantri. Bikos ol bai votim ol Rejinol Rep long og isnait long nupela NMC
- 16/06/88 -- Nominesen i pas Balot Pepa -- bai i go aut wantaim wantaim spesel ielksen suplimen,
- 07/07/88 -- Ol man i stat logn tromwe vot
- 21/08/88 -- Taim bilong vot i pinis
- 27/07/88 -- Stat long kaunim ol vot -- ol bai kaunim long ol rijin tu.
- 01/09/88 -- Tokaut long ol wina. Nupela Nesenel Menesmen Komiti i autim tok promis long mekim gut wok bilong ol long ai bilong wanpela majistret.
- Tok Save -- Sapos i gat hevi long salim l pas insait long rijin bilong yu, yu mas was gut bai namba tu Returning Officer long provins bilong yu i putim nem bilong em long ol nominesen fom yu wokim pinis bipo long 16/06/88. Bihain yu salim i kam long.

The Returning Officer
NMC National Elections, 1988
P.O. Box 6546, Boroko, NCD

Mista Ilikis Puipui
Returning Officer



• Ol boi Sunam i kisim soka yunifom bilong 7 asaid tonamen bilong Mosbi Soka Asosiesen. Sapol ol i laik tu ol i autim PMSA soka prais ya. Hia em menesa bilong Meridien Motos Rick Kelly i givim Yunifom long kepten bilong ol Twain Pom-buai.



KIKBEK

wantaim
RAINSAU

HUSAT tru bai kamap sempion soka klab bilong dispela kantri? Papua Niugini Futbol (Soka) Asosiesen i no givim nem yet long wanpela long ol klap i kik insait long bikpela Benson na Hedges Kap long Lae.

Ol i no givim nem bikos asua i bin kamap. Ol kain kain toktok i pulim tu dispela stori i go i go na nau... bai yumi i ken lukim tru tru.

Mi save olsem planti manmeri long planti hap bilong kantri i laik harim husat tru bai sempion klap. Olsem na em bai gutpela tru sapos PNGFA na NBC i putimaut laip brodkas.

Na long olgeta manmeri long Mosbi .. maski yu soka man o nogat, ating yu harim planti toktok long dispela bikpela kik pinis. I mobeta yu long Bisini ples pilai na lukim husat tru bai winim biknem - Guria o Westpac.

Long dispela wiken, dispela bikpela kik bai kamap. Na long neks wiken tasol, narapela bikpela kik bai kamap long Lae. Dispela em i gutpela samting bilong Mosbi soka o nogat?

Long wanpela we em inap nogut em sapos ol Mosbi tim memba insait long Guria tim o Westpac tim i kisim bagarap. Dispela bai min olsem sampela gutpela pilai bilong Mosbi i no inap go makim Mosbi. Olsem na tim bilong Mosbi bai i no inap strong tumas.

Long narapela sait bilong stori, olgeta soka manmeri long Mosbi i mas givim amamas tru long ol bikman bilong PNGFA, Mosbi soka, Guria na Westpac.

Givim amamas bikos planti gutpela samting bai kamap biha'in long dispela bikpela

kik. Namba wan, em bai givim gutpela 'match fitness' o asasait long ol Mosbi sait memba insait long tupela klap.

Namba tu, em bai givim gutpela sans long kosa bilong Mosbi sait na olgeta manmeri tu, long sekap sapos ol tim memba insait long dispela tupela tim i gutpela long stap insait long Mosbi tim o nogat.

Semtaim tu, yumi olgeta i ken was na sekap sapos i gat sampela moa pilai bilong dispela tupela tim husat i ken go insait long Mosbi tim.

Narapela samting tu, em kosa bilong Mosbi tim i ken sekap olsem wanem ol Mosbi tim memba i save kik gut wantaim insait long tim. O olsem wanem ol i save banisim gut ol strongpela pilai bilong narapela tim.

Las long en tu, em bai gutpela bikos i no gat ol bikpela samting i kamap long Mosbi long dispela wiken. Olsem na planti manmeri bilong Mosbi i ken tromei liklik mani bilong kam lukim dispela kik.

Olgeta dispela as i mekim dispela kik i helpim tru Mosbi tim bai go long Lae long kik insait long rijinol Sempionsip.

Mosbi tim yet i olsem wanem? Sampela pilai i pulaut long tim. Ol pilai husat i pulaut em ol i gat as long mekim olsem.

Dispela i no ken pasim ol sapota bilong Mosbi. Yumi olgeta i mas givim aidia i go long kosa o menesa. Tupela i ken skelim ol aidia bilong yumi na tupela yet i ken kisim o tok maski long ol tok bilong yumi.

Namba wan samting tupela i mekim pinis em long kisim ol nupela pilai bilong kisim ples bilong ol pilai i pulaut. Narapela samting tupela i mas mekim nau em long opim ai bilong tupela long ol toktok o tokwin i flai raun.

Kisim olgeta dispela toktok o tokwin na skelim. Sapos sampela ol dispela tok win i gutpela, orait, tupela i mas kisim long helpim Mosbi tim.

Las tru gutlak long Guria na Westpac tim long bikpela kik. Ol seven-a-sait tu gutpela kik long yupela olgeta.

PORT MORESBY

SOCCER ASSOCIATION

7 - ASIDE TOURNAMENT

SATURDAY 4TH JUNE 1988

TIMES	GROUND	GAME	TEAMS
10.00	BISINI 1	A	WANZESI VS B KUMUL (W)
10.00	BISINI 2	B	UNI VS SUNAM (W)
10.30	BISINI 1	C	GURIA 1 VS SOBOU 2 (W)
10.30	BISINI 2	D	SUNAM VS T DEFENCE 2 (M)
11.00	BISINI 1	E	MOROBE VS T DEFENCE (W)
11.00	BISINI 2	F	GURIA VS GFC (W)
11.30	BISINI 1	G	GURIA 2 VS GFC (M)
11.30	BISINI 2	H	B KUMUL VS SOBOU (M)
12.00	BISINI 1	I	WINNER A VS WINNER B (W)
12.00	BISINI 2	J	WINNER E VS WINNER F (W)
12.30	BISINI 1	K	WINNER C VS WINNER D (M)
12.30	BISINI 2	L	WINNER E VS WINNER F (M)
1.00	BISINI 2	3RD/4TH	LOSER I VS LOSER J (W)
2.10	BISINI 2	3RD/4TH	LOSER K VS LOSER L (M)
2.50	BISINI 2	1ST/RU	WINNER I VS WINNER J (W)
3.30	BISINI 2	1ST/RU	WINNER K VS WINNER L (M)

SUNDAY 5TH JUNE 1988

TIME	GROUND	TEAMS
10.30	BISINI 2	RAPATONA VS T DEFENCE (W)
12.00	BISINI 2	SUNAM VS WANZESI (W)
1.30	BISINI 2	CENTRAL SQD VS PMSA SQD
3.30	BISINI 2	B&H GURIA VS WESTPAC (Replay)

i kam long pes 19

Ansa Antap - No.3 Daunbilo - 2 - 4 - 6 wankain



• Dispela 7 asaid soka tonamen i no bilong ol yangpela tasol. Hia yu ken lukim kaunsil Bob bilong Wanesi i soim stail bilong em las wik. Tasol em i no was gut na ol Sobou i sutim 3-pela gol long em.



• Felix Nelson bilong Westpac i traिम strong bilong Air Niugini. Westpac i bin nilim stret ol Air Niugini 3-2

Kimbe no inap salim ol tim long sempiansip

KIMBE Soka Asosiesen bai pinisim olgeta kik bilong namba wan raun long dispela wik.

Presiden bilong asosiesen, Kanawi Pouru i tokim Pouru i tokim Wantok olsem

olgeta kik bai pinis long dispela wik.

King bilong Kimbe soka Saut Kos i wok long go pas yet long poin lata wantaim 17 poin. Oli autim tiket bilong ol Vitas 4-2 las wik.

Vitas i no gat sans tru long bekim ol gol

tasol ol i laki taim ol fulbek bilong Saut Kos i paul olsem ol kakaruk na ol i sutim tupela gol ya.

Dispela wik gen, Saut Kos bai winim yet Sunam. Dispela kik namel long tupela tim ya em i namba tu kik bilong Kimbe

Soka Asosiesen long dispela wik.

Sunam i no laki tumas na Laheri i nilim ol 3-1. Na dispela wik ol i mas taitim bun. Sunam i sindaun daunbilo tru long poin lata, olsem na ol i mas taitim bun long surik kam antap.

Saut Kos i gat klinpela rekot tru. Oli no lus liklik i kam inap nau. Olsem na dispela wiken, ol bai taitim bun yet long winim ol boi Sunam.

Tasol ol Saut Kos i mas tingting gut tu. Oli noken daunim

Kimbe ripot

HENRY MORABANG i raitim

tumas Sunam. Sunam i save tanim plet tu na lukaut long taim tupela tim i bung long ples pilai.

Dispela win bilong

Saut Kos nau i surikim poin bilong ol i go antap long 17. Na Wes Yunaitet i wok long raunim ol yet long 13 poin.

Maningulai go pas long Primia Divisen

LAS WIK ol tim insait long Primia Divisen bilong Wewak Soka Asosiesen i pairapim bun stret long las kik bilong namba wan raun. Bilong kik i bin stap namel long ol studen bilong Passam na ol sol bilong Sunam.

Passam husat i stap long namba 4 ples long poin lata i kamap long fil wantaim stail bilong ol yet na bagarapim gut tru sindaun bilong Sunam. Dispela stail bilong ol em stail bilong pilai wan tas futbol.

Junia straika Paul Kusunan husat i go pas long ol fowat bilong Passam i kamap long fil wantaim kain kain stail bilong em. Dispela pasin bilong Paul long stap long olgeta kona bilong fil i wokim bel kaskas stret long ol wantok bilong em. Sunam i putim tupela gol tasol.

Ol fowat bilong Sunam i pait strong tru long putim gol. Tasol hatwok bilong ol i wara nating. Oli inap long brukim banis bilong stail manki Gabriel Nogau. Gabriel husat i was long beklain bilong ol studen, i pilai gut tru long dispela de.

Wantok i bin glasim ol kik bilong tupela tim ya na i tok stret olsem ol studen bai winim dispela kik. Na toktok bilong Wantok i no lus nating.

Long ol arapela kik bilong Primia

Wewak ripot

LEO WAFIWA i raitim

Divisen, ol kas bilong Maningulai i bagarapim gut tru sindaun bilong Blu Kumuls long 6 gol olgeta. Blu kumuls i putim tupela gol tasol. Maningulai husat i go pas long poin lata wantaim 11 poin i wilwilim gut tru ol kandre long blupela yunifom.

Tarangau i nekim gut tru ol gawi bilong Wewak Ice long 4-pela gol olgeta. Tarangau husat i lus long Maningulai long kik bilong las wiken, i kam bek strong wantaim kain kain stail bilong ol yet na wilwilim ol bagaros bilong Wewak Ice i no gat sans tru long putim gol.

Na long kik bilong Twisties Difens wantaim Guria, ol soldia bilong Mofem Bareks i pilai gut tru na winim Guria long tupela gol olgeta. Difens i marimari na larim ol putim wanpela gol tasol.

Dispela em ol las kik bilong Primia Divisen long namba wan raun. Nau bai ol i malolo long tupela wik olgeta na wetim ol arapela divisen long pinisim namba wan raun bilong ol tu. Bihain long Somare Sil Tonamen, bai olgeta divisen i stat kik gen long namba tu


raun.

Long bikpela kik bilong Namba Wan Divisen, ol sol bilong Sunam i kisim gutpela skul tru long Wewak Ice. Ol yangpela Wewak Ice i kamap long ful wantaim kain kain stail na trik bilong ol long winim dispela pilai. Wewak Ice i winim dispela kik long 4-pela gol. Sunam i pairapim net bilong Wewak Ice wanpela taim tasol.

Na long ol arapela kik bilong Namba Wan Divisen, Is Wes wantaim Maningulai i kamap long fil wantaim kain kain stail na trik bilong tupela. Tasol tupela wantaim i save long ol stail na trik bilong tupela na no gat wanpela i win. Tupela wantaim i dro long tupela gol.

Long kik bilong Namba Wan Divisen yet, Twisties Difens wantaim Kanai Yunaitet i dro long wan gol. Na ol kas bilong Sul i no marimari liklik long Blu Kumuls na pamim tupela gol olgeta. Blu Kumuls i no inap bekim wanpela gol.

Na long kik bilong dispela wiken long Namba Wan Divisen, Wewak Ice bai mekim save long Sul, Guria bai traim bun wantaim Is Wes, ol kas long Maningulai bai kik wantaim Difens na ol sol bilong Sunam bai kaikaim Nawa Bros na Blu Kumuls bai stretim sapwela bel pen wantaim Kanau Yunaitet.



Michael Somare

Wewak redi tasol long Somare Sil tonamen

LONG KIK bilong Somare Sil, planti tim i redi pinis na wet i stap nau long dispela tonamen. I gat 11-pela tim olgeta i baim pinis K200 afliiesen fi bilong ol.

Siaman bilong Ogenaising Komiti, Francis Bandi i tokim Wantok olsem ol i no makim yet de em olgeta tim i mas baim dispela afliiesen fi. Em i tok ol tim husat i laik kik insait long dispela tonamen i mas baim fi bilong ol bipo long ten klok nait, Fraide 10 Jun.

Komiti bilong dispela tonamen i wokim pinis planti samting long wokim kamap gut dispela tonamen. Komiti i tok save pinis long ol plisman long was long ol trabel samting long taim bilong tonamen.

Ples we ol pilai bai kamap em long Prins Charles oval na narapela klostu long Pora Oval. Dispela tonamen bai i kamap long Kwins Betde wiken em long 11 June i go inap long 13 Jun. Komiti i salim pinis ol program i go long wan wan tim husat bai kik insait long dispela tonamen.

Francis Bandi i tok em i amamas tru long ol samting em komiti bilong em i wokim pinis, long redi long dispela tonamen. Em i gat bilip olsem dispela tonamen bai i kamap gut na planti tim wantaim ol sapota bilong ol bai amamasim.

Ol tim i no kaunim ren

NABASA i soim olsem o i gat wankain pawa olsem Admiralty taim ol i dro 0-0 wantaim ol manki Manus ya long Lawaiden long Madang.

Bikpela ren i bin pundaun long dispela taim tasol tupela tim ya i no wari long wel nabaut long gras. Oli hatim skin long ai bilong samting olsem 200 manmeri.

Tupela tim wantaim i bin soim gutpela stail bilong soka na ol sapota tu i no tingim ren. Oli sanap long ples pilai i go inap ren i pinis.

Tupela tim wantaim i gat pawa long olgeta posisen. Ol fulbek bilong Admiralty, swipa na kepten Bobby Morris yet i go pas long ol na i bin gimiv hat taim tru long ol straika bilong Nabasa.

Plantitaim Bonny Pongo, Polulu Pomat, Danny Negri na Derrick Malagian i strong

long kisim bal i kam long penalti eria bilong Admiralty. Tasol pastaim long ol i kisim gut win, na kikim bal i go long gol mak. Morris na Linus Petalau na lain bilong tupela i autim bal i kambek long namel bilong fil.

Wankain pasin i kamap long ol straika bilong Admiralty. Swipa bilong Nabasa Alfred Gabong na ol arapela fulbek i bin mekim save tru long Jessy Molean, Thomas Arnold, Andre Reilly na ol arapela straika bilong Admiralty.

Gras tu i wel na ol pilaia bilong tupela tim wantaim i wok long pundaun nating tasol. Na ol yunifom i luk olsem ol i waswas long tais.

Long namba tu hap, tupela tim wantaim i traim long senisim ol posisen. Tupela strongpela pilai, Gabog (Nabasa) na Morris (Admiralty) i lusim posisen bilong ol long beklain na i

kam pilai wantaim ol straika. Tasol i no gat senis i kamap. Strong bilong tupela i wankain yet na pilaia i stap wankain tasol olsem namba wan hap.

I luk olsem Admiralty i tingting strong long winim dispela pilai, tasol taim ol i no putim wanpela gol. Oli wok long wari tru. Kepten Morris, husat i wanpela pilaia i bin tingting planti na tromoi lek nating. Em i tromoi lek nating taim em i kam pilai straika. Dispela i soim olsem em i hangre tru long sutim gol.

Long ol arapela bikpela kik, Mimlon i autim Aigob 4-1. Oli manki Bogia ya i no bin pilai gut tumas.

Oli bin lusim pinis stail tru bilong kik na sapos ol i stap namel long ol strongpela tim ol i mas tren hat moa.

Panafun i bin winim Laden 3-2 long wanpela strongpela kik tru. Dispela em i bikpela win tumas.

WEWAK FOOTBALL SOCCER ASSOCIATION INC

PREMIER DIVISION LADDER 30.05.1988

Division	Games				Goals For	Goals Against	Points
	Played	Win	Draw	Lose			
Maningulai	7	5	1	1	22	10	11
Tarangau	7	4	2	1	22	13	10
Wewak Ice	7	5	0	2	19	7	10
Passam	7	3	3	1	18	14	9
T Defence	7	4	0	3	16	12	8
Guria	7	2	1	4	18	15	5
B Kumul	7	0	2	5	6	25	2
Sunam	7	0	1	6	11	33	1

After the first round.



WOMEN DIVISION LADDER 30.05.1988

Division	Games				Goals For	Goals Against	Points
	Played	Win	Draw	Lose			
Guria	7	7	0	0	40	4	14
Tarangau Yth	7	5	1	1	16	4	11
T Defence	7	4	0	3	17	8	8
Passam	7	4	0	3	15	15	8
KTC	7	3	1	3	11	18	7
East-West	7	2	1	4	2	17	5
Kanai Utd	7	1	1	5	1	22	3
Sunam	7	0	2	5	0	18	2

After the first round.



FIRST DIVISION LADDER 30.05.1988

Division	Games				Goals For	Goals Against	Points
	Played	Win	Draw	Lose			
Nawa Bros	7	7	0	0	20	3	14
Maningulai	7	4	1	2	24	13	9
Wewak Ice	6	3	2	1	21	11	8
Sul	6	4	0	2	13	7	8
East-West	6	2	3	1	15	14	7
Kanai Utd	7	2	2	3	12	11	6
Sunam	6	2	0	4	12	22	2
B Kumuls	6	0	2	4	11	28	2
Guria	6	0	1	5	9	21	1

Two more games before round one ends.

U19 DIVISION LADDER 30.05.1988

Division	Games				Goals For	Goals Against	Points
	Played	Win	Draw	Lose			
Nawa Bros	7	6	1	0	16	6	13
KTC	7	5	1	1	31	10	11
Guria Brandi	6	5	0	1	15	8	10
Passam	7	5	0	2	13	11	10
T Defence	6	5	0	1	11	11	10
East-West	6	4	0	2	8	5	8
Wewak Ice	6	3	0	3	17	11	6
Sunam	6	3	0	3	12	14	6
B Kumuls	6	2	1	3	8	11	6
Kanai Utd	6	1	1	4	4	13	3
Sul	6	3	0	3	8	23	2
Tarangau Yth	6	1	0	5	8	11	2



UNDER 16 DIVISION LADDER 30.05.1988

Division	Games				Goals For	Goals Against	Points
	Played	Win	Draw	Lose			
Guria Brandi	6	0	0	0	27	5	12
Wewak Ice	6	5	0	1	12	9	10
Tarangau	6	2	2	2	15	12	6
B Kumuls	6	2	1	3	9	11	5
Sunam	6	1	1	4	6	7	3
Kanai Utd	6	1	1	4	7	10	3
East-West	6	1	1	4	8	19	3

Watabag senisim poin lata

MADANG Soka Asosiesen bai pinisim olgeta kik bilong namba wan raun long dispela wik. Bihain long dispela wik ol bai malolo na kirapim gen raun namba tu.

Las wik bikpela senisim i kamap long poin lata bilong Madang soka. Watabag tim, nau i kalapim tupela top tim olsem Mimlon na Momase na go sindaun antap tru long poin lata wantaim 18

poin. Admiralty husat i wok long go pas long poin lata i sindaun nau long namba tu ples. Na Mimlon husat i bin stap long namba tu ples i kamdaun long namba tri ples.

Momase na Aigob long Sande.

Long Sarere, Mimlon bai winim yet Laden. Tasol... Mimlon i no ken ting ol bai winim dispela gem isi tru. Ol i mas-taitim bun ya.

Stail manki bilong Mimlon, Gasha Elisha na George James bai go pas long ol manki PHD kompau. Gasha bai bosim yet wanpela posisen long beklain na dispela bai givim taim tru long ol boi Nambasa.

Yangpela boi Samarai, George James bai lukautim midfil bilong Mimlon. James Makili, na ol arapela boi bai helpim em.

Ol boi Nambasa bai mas trening tru sapos ol i tingting long autim Mimlon. Ben Vikao bai go pas long helpim ol boi Laden long nilim ol Mimlon.

Na long namba wan gem long Sarere, Gal

bai malolo gut bikos Tiduk i no moa putim tim bilong em. Na Admiralty bai kisim liklik trening moa long Tarangau.

Kepten na pilaia bilong Admiralty, Bobby Maia i tok em wantaim tim bilong em bai traime winim dispela gem. Tarangau em i wanpela kain tim we i save senis long las minit na sutim ol gol ya.

Tarangau ating bai i no inap pilai kaskas moa olsem na ol Admiralty i mas lukaut long ol woda plis.

Tasol sapos ol i bihainim tru rot kik, Admiralty bai winim yet Tarangau.

Long Sande, Momase na Aigob bai bung long brukim bun long Laiwaden Oval. Na dispela kik em i bikpela tru bilong dispela wik.

Madang ripot

HENRY MORABANG i raitim

Andrew Tukiki em straika bilong Momase. Em wantaim Paul Kig na Venantius Kopara bai go pas long ol boi Momase long autim ol Aigob. Tasol ol boi i tok em i liklik samting na ol i bai traime tu long nekim ol Momase.

Las wik, Watabag i daunim pawa bilong Momase 1-0. Na dispela wik Momase i tingting strong long bekim dinau.

Bata ya, Lavot na Alphonse Podarua bai go pas long ol manki Bogia. Na dispela kik bai hat tru. Andy Yeni husat i save stap swipa nau bai mas wokhat moa long autim bal na no ken larim ol Momase i sutim gol.

Long dispela gem, Aigob bai winim Momase. Husat i laik resis orait betim mani bilong yu. Long namba tu gem, Nabasa bai kisim trening gen long ol EPC.

EPC tim i wok long dai nau na i no smat olsem bipo. Bipo EPC na Momase i bin bung long gren fainal.

Nabasa i laik bekim rekot bilong 9-pela gol bilong Mimlon taim em i kik egens long EPC. Na namba wan gem long Sande, Watabag bai nilim ol Morobe Yunaitet.

I gat toksave long Madang Asosiesen olsem bai i no gat ol gem i kamap long Kwins Betde wiken.

Tok save

Wantok i amamas long printim soka nius i kam long olgeta kona bilong PNG. Sapos yupela ol klapo asosiesen i gat sampela nius, orait yupela i welkam long ringim Henry Morabang long telepon namba 25 2500.

Chebu na Mungkas resis yet

CHEBU i wok long paia yet na go pas long poin lata bilong Arawa soka. Ol i sindaun long namba wanples wantaim 11 poin. Ol i winim birua tim Mungkas long wanpela poin. Mungkas i gat 10 poin tasol.

Chebu i soim pawa bilong em las wik taim em i hamaim Morobe Yunaitet long tupela gol. Na Morobe Yunaitet i bekim wanpela gol tasol.

Na long dispela wik Chebu bai bungim Aliai. Dispela em tupela wantok yet bai kaikai wantok. Olsem na em i taim tru bilong lukim ol pawa ya.

Aliai em i wanpela lapun tim na strong bilong em long Arawa soka i wok long pinis nau. Olsem na Chebu i no ken ting Aliai bai pilai kaskas. Chebu i mas redi gut nogut Aliai i kikkik na yupela i kisim taim.

Mungkas bai bungim Lorengau. Lorengau na Mungkas i winim gem bilong ol las wik. Mungkas i winim Sunam 2-0 na Lorengau i autim Guria 1-0.

Lorengau na Guria i no inap pinisim kik bilong ol las wik bikos ples i tudak ya. Olsem na asosiesen bai tokaut long husat tru i winim dispela gem o sapos tupela tim bai pilai gen o nogat.

Long dispela gem, Mungkas i ken winim Lorengau bikos ol i gat eksperiens long kik. Olsem na ol boi Manus i mas lukaut gut.

Long ol arapela kik i kamap, Guria bai traime bun bilong Murat. Guria em wanpela nupela tim long primia kik resis. Tasol pawa bilong ol i strong tru na ol i sindaun namba tri long poin lata wantaim 8 poin. Tasol ol i gat tupela gem moa long kik na i ken kamap wantaim olsem ol arapela tim.

Murat i sindaun daunbilo tru long long poin lata. Na nau yet em i gat tupela poin tasol. Dispela ol poin i kamap long taim em i dro wantaim ol arapela birua tim.

Na long bikpela kik bilong dispela wik, Rapatona na Morobe Yunaitet bai brukim bun. Ol boi Morobe i no strong olsem las yia we ol i autim taitel. Ol i slek na o i gat 6 poin tasol. Morobe Yunaitet i sindaun long namba 6 ples long poin lata ya.

Lorengau bai brukim bun wantaim Mungkas. Mungkas i sindaun namba tu long Chebu. Lorengau nau yet i sindaun long 6 ples long poin lata.

Long ol arapela wok kamap long soka, Arawa i no redi yet long tokaut long skwat bilong em. Nau yet i gat 26 ol pilaia i wok long trening.

Namba tu raun bilong LFA Kap nau

Lae ripot

NAMBA tri raun bilong LFA Kap bai i kamap gen long dispela wiken. Ples bai i paia stret long taim ol tim husat i wok long strong yet long dispela resis i paitim bun. Ol 9-pela strongpela tim bilong lig na namba wan divisen bai mekim save.

Pilai bilong dispela Sande tu bai pinisim olgeta kik bilong ol meri long namba wan raun.

Long dispela wiken, ol lain meri wantok ya long Morobe bai i mekim nais long fil. Sapos wanem tim i laik pilai kaskas liklik long fil, bun bilong em bai surik long wanem olgeta kik bilong dispela wiken bai i strong tru.

Long Sarere, ol yangpela bilong Anda 18 Divisen na ol arapela long Risev Divisen bai kik long stretim ol gem bilong ol.

Bikpela resis long LFA Kap long dispela wiken bai i stap namel long 9-pela tim. Husat ol dispela tim i win bai ol i amamas. Tasol husat i no win, sori tumas bai ol i mas traime gen neks yia. Ol pilaia bilong Kunta bai malolo gut

long dispela wiken na wetim kik bilong namba 4 raun bihain long tripela wik.

Insait long ol resis bilong LFA Kap long Sarere, tupela bikpela tim ya Guria na Tarangau bai i pait long lukim husat bai i win. Dispela kik bilong tupela bai kamap long 4 klok apinun.

Long Sande, Lig divisen bilong Sobou bai traime bun wantaim ol yanpela long Namba Wan Divisen bilong Makamaka. Sapos ol lain kawas ya i no was gut, ol yangpela bilong Makamaka bai i mekim ol i sotwin long fil.

Long arapela kik gen bihain long dispela, ol boi bilong Mopi bai i sutnus wantaim ol kandre ya long Katolik Yut. Mopi i bin soim strongpela pilai taim ol i bin daunim pawa bilong Buresong long namba tu raun bilong LFA Kap resis. Olsem na long dispela wiken, em bai i tingting strong long givim wankain skul i go long ol kas ya long Katolik Yut.

Sapos ol boi bilong Mopi i kranki na i laik pilai tumas long soim stail, plet bilong dispela stori bai tanim. Katolik Yut bai i tanim bek na kaikaim.

Long arapela pilai tu bilong LFA kap resis long Sande, Namba Wan divisen bilong Borabora bai i traime skelim bun wantaim Lig divisen bilong Batisalem. Dispela kik bai i bikpela na gutpela moa long lukim. Long wanem ol kain stail i save kamap long soka i save mekim planti pipel i no save kisim gut win long taim bal i save pas long net.

Kunta bai i no inap long kik long dispela wiken na bai i stap malolo inap long tripela wik bihain.

Long ol las resis bilong ol meri long Sande, Borabora bai i traime bun bilong ol susa ya long Mopi. Bihain long dispela pilai, bai taim bilong ol lain wantok ya bilong Kalibobo i traime bung bilong ol meri Sepik, Guria. Ol meri Difens bai kamap tasol long fil long dispela Sande long sutim nus bilong ol meri Faze. Na Katolik Yut bai taitim bun wantaim ol lain meri long blu yunifom.



LAE SOKA DRAW

Saturday 4th June 1988

Time	Division	Ground	Fixture
10.00	U18	G1	Mopi v Batisalem
10.00	U18	G2	Mitif v Gaziga
11.15	U18	G2	Faze v Guria
12.30	Lge Res	G1	Mopi v Kunta
12.30	U18	G2	Buresong v B Kumuls
2.00	U18	G2	Air Niugini v Sasalu
4.00	Lge Res	G2	Morobe Utd v Faze

Sunday 5th June 1988

9.00	WOM	G2	Borabora v Mopi
10.00	Lge Res	G1	Baya v Batisalem
10.15	WOM	G2	Guria v Kalibobo
11.30	WOM	G2	Faze v Defence
12.45	WOM	G2	Catholic Yth v B Kumul

LFA Kap Soka Draw

Saturday 4th June 1988

Time	Ground	Fixture
4.00	G1	Guria (Igue) vs Tarangau (1st)

Sunday 5th June 1988

12.00	G1	Sobou (Lge) v Makamaka (1st)
2.00	G1	Mopi (Lge) v Catholic Yth (1st)
4.00	G1	Batisalem (Lge) v Borabora (1st)

WANTOK SOKA NIUS




• Straika bilong Wanzesi i putim ai tasol long bai na redi long paia. Em i no strong na Sobou i autim em 3-1



• Straika bilong Sobou i wok long was gut tru long bal. Olsem na ol Wanzesi i painim hat tru long sutim gol.

Insait long soka nius

- Madang ripot - pes 26
- Wewak Soka pes 26 poin lata
- Lae soka dro - pes 27
- Mosbi soka dro - pes 25
- Kimbe soka nius - pes 26
- Kik wantaim Kikbek - pes 25



Guria na Westpac bai pinisim 7 asaid tonamen

HENRY MORABANG
i raitim

BIKPELA kik namel long Guria na Westpac em i bikpela soka gem bilong Mosbi long dispela wik. Na ol bai pinisim olgeta kik bilong Mosbi soka 7 aside tonamen.

Tokorait bilong go het long holim gen dispela bikpela kik resis i bin kamap long wanpela spesel miting. Ol bikman bilong dispela tupela klap i bin kibung long Trinde long wik i go pinis na i wanbel.

Dispela wik, Mosbi soka bai go insait long namba tu raun bilong 7 aside tonamen. Dispela tonamen em bilong givim malolo long ol pilaia.

Long bigin bilong dispela wik, PNGFA i rausim olgeta penalti bilong Westpac. Na tu i rausim dispela mekim save em i givim i go long 20 pilaia husat i bin kik long Lae na dispela trabel i bin kamap.

Hetman bilong PNGFA judiseri komiti, Don Sawong i rausim ol dispela mekim save bihain long Westpac klap i bin apil long em.

PNGFA i autim dispela mekim save long taim judiseri komiti i givim oda long Westpac long kamap long ai bilong ol long Me 10. PNGFA i tokim kot olsem dispela K200

bilong K1,000 penalti fi bai i stap yet. PNGFA i bin tokim Westpac long baim K1,000 penalti fain.

PNGFA seketeri Andrew Waho i tokaut olsem dispela kik bai go het. Na em i laik mekim bikpela tok sori tru long ol sapota bilong soka na tu tupela klap, Westpac na Guria long pulim dispela toktok i go longpela taim tumas.

Mosbi soka i bin oraitim pinis wanpela graun we ol bai kisim long holim dispela kik gen bilong Nesenel Soka klap sempionsip.

Mausman bilong asosiesen, William Vui i tok PNGFA i laki tru long makim dispela taim. Sapos no gat ol bai no gat sans tru long holim dispela bikpela kik.

Insait long dispela kik bai kamap nau planti man i wok long putim mani long husat tru bai win. Westpac o Guria. Na long dispela kik yet Guria i gat bikpela sans tru. Bikos olgeta pilaia bilong Guria i eksperiens na tu ol lapun bilong kik long dispela kain kik.

Westpac tu i gat eksperiens. Tasol long lukluk bilong dispela gem wanem tim i sutim gol pas bai kamap wina bilong dispela bikpela resis.

PNGFA CUP - FINAL DRAW

11-13 June, 1988 - LAE

GROUP ONE

1. ARAWA
2. CENTRAL
3. LAE
4. MT HAGEN

GROUP TWO

5. MOROBE COUNTRY
6. PORT MORESBY
7. KAINANTU
8. RABAUL

SATURDAY 11th June

10.00	G1	CENTRAL V LAE
10.00	G2	MOROBE COUNTRY V RABAUL
12.00	G1	ARAWA V MT. HAGEN
12.00	G2	PORT MORESBY V KAINANTU
4.00	G1	KAINANTU V MOROBE COUNTRY
4.00	G2	MT. HAGEN V CENTRAL

SUNDAY 12th June

10.00	G1	RABAUL V PORT MORESBY
10.00	G2	ARAWA V CENTRAL
12.00	G1	LAE V MT. HAGEN
12.00	G2	KAINANTU V RABAUL
4.00	G1	LAE V ARAWA

MONDAY 13th June

9.00	G1	WINNER GROUP 1 V RUNNER UP GROUP 2
9.00	G2	WINNER GROUP 2 V RUNNER UP GROUP 1
11.00	G1	PLAY OFF FOR 5TH & 6TH PLACE
2.00	G2	PLAY OFF FOR 3RD & 4TH PLACE
4.00	G1	FINALS



Morobeen - Biscuit makers to P.N.G.

Rugbi Lig

NIUS

NO KEN SALIM

Issue No. 17 1 Jun - 8 Jun

Vanimo bai givim taim long ol biknem Lig long Noten Zone

TIM bilong Vanimo bai kamapim wampela strongpela pilai tru long kamap olsem sempion ragbi lig tim bilong Noten Zone.

Presiden bilong Vanimo Lig Daniel Maskim i tok planti sapota bilong ragbi lig bai guria bihain long ol zone resis i kamap long Lae long dispela wiken.

Maskim i tok Vanimo i no gat nem long ragbi lig yet, tasol bihain long resis bilong dispela wiken bai ol man i luksave long Vanimo olsem wampela ples bilong pilai Ragbi tu. Long namba wan resis i bin kamap long Madang, Vanimo i bin memeim Ramu, na Morobe Country. Dispela wiken bai ol i traim ol bikpela nem lig olsem Madang, Lae, Wewak na Kainantu.

Long namba wan resis ol i bin makim tupela man tasol bilong Vanimo long pilai long Noten Zone. Tasol bihain long dispela wik i mas gat moa pilai bilong Vanimo i

stap long Zone tim.

Ol arapela lain husat bai autim gutpela pilai long dispela wiken em ol tim bilong Kainantu, Lae na Madang.

Wewak i makim tu wampela strongpela tim na kosa Alois Jerewai i tok olsem bai ol man i kirap nogut tu long strong bilong ol.

Lae i bin stap longpela taim tru olsem namba wan tim long Noten Zone na i luk olsem long dispela wiken bai sampela senis i kamap. Na Vanimo em wampela tim husat inap tru long mekim ol dispela senis i kamap.

August Tiona husat i makim Noten Zone tasol husat i no bin pilai long namba wan nesenel sempionsip long Lae bai go pas long ol lain bilong Sandaun. Tiona em i wampela pilaia husat i ken brukim banis bilong ol birua na skoim ol trai.

Tupela poroman bilong em Golsie Baki long namba 4 na Chris Robin long namba 6 bai helpim em.

Sapos ol dispela lain i ken bun na salim bal i go long Max Api na Jessy Kairu long wing em bai ol birua bilong ol long ol arapela tim i no inap stapim Vanimo.

Pilai bilong Lae bai stap long han bilong seken rowa Andrew Kuno na hapbek Ngala Lapan. Sapos ol pilai bilong ol arapela tim inap long banisim dispela tupela pilaia bai Lae i kisim taim stret.

Noten Zone i bin gat tupela pilaia tasol insait long Kumul tim i go raun long Yurop las yia. Dispela yia ol i gat tingting long putim moa pilaia i no insait long raun bilong ol Kumul long Nu Silan na Australia.

Toksave

Rugbi Lig Nius i kamap nau long Tok Pisin.

Sapos yu gat ol stori o poto yu laik bai kamap long *Rugbi Lig Nius* salim tasol long:

Edita
Rugbi Lig Nius
P.O. Box 1982,
Boroko

o ringim Joseph
Kau long Telepon
namba 25 2500

Mosbi i bagarapim Sauten Zone

OL LIKLIK lig long Sauten zone i no amas long pasin tupela bikpela lig long Mosbi i mekim long ol. Dispela wiken olgeta tim long bilong ol lig Noten na Sauten zone bai pilai long makim ol pilaia bilong ol.

Long Sauten zone ol tim bilong Nesenel Kepital lig na Mosbi bai pilai. Ol pilaia bilong ol liklik lig olsem Kiunga, Popondetta na Alotau i no inap stap long dispela resis.

Sauten Zone kodineta Tony Huai i tok olsem dispela pasin i kamap bikos ol bikman bilong olgeta lig long Sauten zone i bin tok oraitim.

Tasol wampela mausman bilong Popondetta lig i tok olsem ol dispela toktok bilong Tony Huai i no tru. Long mun Febueri long taim bilong bikpela bung bilong PNGRFL Mosbi na Nesenel Kepitel lig tasol i bin pasim ol dispela toktok.

Alotau na Popondetta i bin kamap memba bihain long dispela bung. Long dispela taim i kam inap nau i no gat wampela gutpela tok-tok i kamap namel long Mista Huai na ol wasman bilong ol arapela lig long Sauten Zone.

Dispela i min olsem ol pilaia long ol arapela lig long Sauten Zone i no gat sans long pilai long Sauten Zone tim ol long Kumul tim tu.

I gat planti moa tok kros i kamap tasol ol Sauten zone pilai bai kamap namel long ol tim bilong Mosbi na Nesenel Kepitel tude.



• Birua nogut bilong Kone Tigers Alphonse Umba i takelim wampela pilaia bilong Difens. Poro bilong em Andy Taiya i banisim rot.

Mosbi i mas tingim ol liklik Lig long Sauten Zone tu

Dia Edita,

Wanem taim tru bai Mosbi lig i mekim sampela gutpela samting long pilai bilong ragbi long Sauten Zone? Bikpela askim tru bilong dispela i go long Mosbi Lig na presiden bilong em.

Olgeta taim long baksait bilong tupela niuspepa, i save gat

ol ripot na piksa bilong ragbi lig bilong siti tasol. Na pes 3 bilong Ragbi Lig Nius tu i save pulap tru long ol ragbi sori na piksa bilong siti tasol.

Mi save olsem ol ripota bilong ol dispela niuspepa i save kisim fri pas long go lukim olgeta pilai bilong Mosbi Lig.

Tasol yupela i mas traim na putim sampela nius na poto bilong ol arapela lig tu long ol niuspepa bilong yupela. Mipela i pilim olsem dispela kain pasin yupela i save mekim i ken mekim man husat i save bihain dispela bikpela pilai i go longlong olgeta. Sapos dispela i no

inap, Mosbi lig aninit long Tony Huai na kodineta bilong Sauten Zone i bin lukim olsem i gutpela long mekim ol Sauten Zone kantri lig sapota long no ken lukim tim bilong ol i pilai.

Wanem samting em bai i kamap em yumi save pinis. Ol tim bilong Msobi bai i

win long bikpela namba bilong poin. Na bai gat planti ol pilaia bilong ol stap long Sauten Zone skwat. Tasol ol lain bilong Mosbi i bin soim ol yet long arapela hap.

Salim wanpela tim bilong Mosbi Lig i go pilaia long Nesenel Kapital Lig graun o Alotau o Kiunga na

bai yu sem nogut tru long lukim dispela tim bilong PRFL i kisim bikpela bagarap, Mista Huai.

Mipela i no tok olsem olgeta pilaia bilong Mosbi Lig i no save pilai gut. Mipela i askim tasol Mosbi Lig na presiden bilong em i mas givim wankain sans i

go long Kantri Lig na ol sapota bilong em.

Mista Huai, sapos yu bringim ol top pilaia bilong yu i kak daun long Kone Tigers graun long Sarere o Sande apinun bai ol i kisim taim long wanem tim i salensim ol. Gutpela Sapota, Port Moresby.

John Gul mas stap long Hailans Zone

Dia Edita,

Mi laik mekim sampela toktok i go long wanpela ragbi lig pilaia nem bilong em John Wamin Gul bilong Simbu. Gul i bin wanpela huka long sait bilong Simbu long taim bilong Hailans Zone trail long Goroka long mun Me.

Long dispela taim, planti pipel tru i bin amamas long ol kain stail na pilai bilong em. Tasol ol seketa i no bin ting olsem.

Mi no save ol lain selekta i bin yusim wanem rot long lukluk long wan wan pilaia na makim ol long stap insait long Hailans skwat. Tasol long lukuk bilong mi, Gul i bin top huka tru long dispela taim na i bin sam-

bai olgeta taim long salim ol birua i go slip long graun. Long taim bilong ron, banis i gat liklik wara long em i save bruk nating. Ol selekta i bin lukluk long wanem samting tru na ol i no makim em.

Mi yet i tok olsem ol selekta i no bin mekim gutpela wok long makim ol man long representim Hailans Zone. Ol i bin mekim olsem wanem na lusim tingting long wanpela top na gutpela pilaia husat inap stap insait long Hailans Zone skwat.

Waim Tangil,
Kundiawa.



• Wanpela gem bilong ol tim bilong Hailans zone long Goroka long mun Me

**JOHNSTON'S
PHARMACIES**



BOROKO - 25 5336
PORT MORESBY - 21 4424
GEREHU - 26 0290
KOKI - 21 7318
ARAWA - 95 1304
KIETA - 95 6250
PANGUNA - 95 8028

S&S2723

Mipela helpim long lukautim famili bilong yu



Husat bai stap namba foa na faiv long Mosbi

BIKPELA PAIT bilong ol lain husat i wok long resis nau long primiasip pilai bilong ragbi long Mosbi bai i soim sampela senis long dispela wiken.

West, Kone Tigers, Tarangau, DCA na Panthers nau i stap wantaim long namba 4 ples long lata. Bikpela pilai bilong dispela wiken taim DCA bai i traime Kone Tigers na ol lain boi bilong Panthers bai traime Tarangau bai i tokaut long husat bai i stap namba 4 na namaba 5 ples long poin lata.

DCA i luk olsem i redi tasol long pait long go antap long lata. Ol i bin soim tru olsem ol i laik mekim olsem long las wik taim ol i sutim nus bilong Wests long bikpela pilai bilong las wiken.

Tigers i bin soim samepela gutpela pilai long taim ol i pilai egensim Wests, tasol ol boi Tigers bai i hat olgeta long taim ol i traime bun bilong ol pukpuk.

Olgeta wok bilong fran bai i stap long han bilong John Ovia na bikpela strongpela masin bilong ol, Alphonse Umba.

Ol lain boi bilong Bulldogs i mas putim gut was long dispela tupela man sapos ol i tingting long holim lek bilong birua. Sapos ol i laik bikhet na pilai long laik, ol bai i kisim bikpela bagarap.

DCA bai i lukluk long Tara Gau long bringim ol i go winim pilai long fowat lain. Gau i wanpela strongpela pilaia tru husat i no save sotwin na les hariap long pilai. Sapos em i kisim inap sapot long ol poro bilong em, ples bai i paia. Em bai surikim ol Bulldogs i go daun gen long lata.

Wanpela gutpela pilaia bilong Nesenel Kepitel lig bipo, Rodney Sanaka bai i wanpela bilong ol lain em ol boi bilong Tigers i mas putim gut was long en. Sapos no gat bai ol i kisim taim.

Tasol i luk olsem tupela tim wantaim bai i lusim ol sampela gutpela pilaia bilong ol husat bai makim Sauten Zone long ol pilai bilong Nesenel Zone sempionsip long dispela wiken.

DCA bai i lusim ol gutpela han bilong Mea Morea na Tigers bai i no inap long kisim helpim bilong skipa bilong ol,

Michael Matmilo na Stanley Haro. Na ol boi Tigers bai i gat bikpela wari moa long wanem kosa bilong ol Steve Malum bai i no inap stap long givim skul na toktok long ol sampela teknikel asua em ol i mekim long namba wan hap bilong pilai.

Arapela bikpela pilai bilong mekim ol man i no kisim gut win bai i stap namel long Tarangau na Panthers. Tupela tim wantaim bai i sanap long fil long soim olsem ol win bilong ol i no bin samting nating. Ol i bin minim tru long autim ol birua bilong ol.

Panthers bai i soim tru olsem win bilong ol long taim ol i daunim Air Nuigini na long arapela taim Magani i bin trupela samting na i no long sans tasol na ol i bin winim pilai.

Win bilong ol long dispela taim i bin kamap long hatwok bilong man na i no kamap nating.

Richard Wagambie, Michael Toivita, Paul Paulo na Arnold Tivilet bai i yusim ol kain gutpela spit bilong ol long mekim ol boi Tarangau long beklain i kisim taim. Sapos Tarangau i no putim ai long

ol dispela lain man, ol ami bilong Panthers bai i pinisim gut tru win bilong ol.

Kosa bilong Panthers, Nelson Passingan i bin putim pinis sampela strongpela marasin tru i go insait long het bilong ol boi bilong em. Olsem na ol birua bai i kisim taim na i no inap wokabaut gut long taim pilai i pinis.

Tarangau i gat ol strongpela na hevi man long fowat lain bilong em olsem na ol boi bilong Panthers tu i mas was gut. Tasol long dispela palai, Panthers bai i winim pilai long wanpela trai tasol.

Long bikepela pilai bilong Sarere, Defence na Magani bai i traime bun bilong tupela gen. Tupela wantaim i bin lus long pilai bilong tupela long las wiken olsem na tupela awantaim bai i tingting long mekim sampela samting long kisim bek gutnem bilong ol. Defence i bin winim pinis Magani long namba wan raun olsem na ol bai i tingting long mekim wankain samting long dispela wiken.

Magani i luk olsem i wok long surik i go daun gen nau bihain long ol i bin lus



long lata bai i kisim taim long han bilong ol tim olsem Kone Tigers, DCA, Tarangau, Paga na Brothers.

Kosa bilong Magani, Rob Cockrane i mas senisim Robert Bulo long posisen em i stap long em nau. Em i ken toktok tu long Robert long no ken holim bal tumas na i no givim long ol arapela pilaia. Robert i mas yusim tu ol arapela poro bilong em long olgeta taim.

Planti bilong ol sapota i wok long tok olsem ol boi long blu unifom i kamap bek pinis. Ol i bin soim tru pilai bilong ol long taim ol i bin bagarapim stret ol lain long Magani. Paga i gat wanpela beklain we i gat ol man bilong kirapim das stret na long las wiken ol i bin yusim gut tru ol dis-

pela lain.

Wantaim go pas bilong yangpela senta Richard Wagambie, Michael Toivita na tupela arapela plisman long wing Paul Paulo na Arnold Tivilet, ol bikpela blupela masin i kamap pinis long painim na bagarapim ol birua. Magani i save lukluk tumas long wan wan pilaia i holim gem tasol Paga i save kamap long fil na pilai olsem wanpela tim na i no wan wan man.

Tarangau i wanpela bilong ol arapela tim husat i wok long soim gutpela na strongpela pilai nau long dispela raun. Ol tu i gat ol bikpela na hevi lain long lukautim gem bilong ol. Wantaim ol kain man olsem Paul Piru, Yer Bom, Ben Bire, Joe Madidu,

Mark Ipu na Tony Ovia, ol arapela tim bai i gat bikpela wok tru long stapim ol ron bilong ol dispela lain man.

Beklain bilong Tarangau i stap long han bilong olpela Kumul pilaia, Gesau Gebob. Gesau bai i kisim helpim i kam long poro bilong em, Clement Mou. Long ol sain nau i wok long kamap, dispela i wok long bihainim rot bilong 1983 taim Tarangau i bin stat long daunbilo bilong lata na i pait i go antap long winim pilai na kisim primia taitel bilong dispela yia.

Bikpela pilai bilong Sauten Zone rijin bai i kamap long Fonde, 2 Jun. Ol lain selekta bilong Mosbi i bin makim pinis ol lain bilong stap insait long tupela tim bilong en. Long olgeta yet, ol pilaia em ol i bin makim i bin gutpela tasol i gat ol sampela em mi gat tupela tingting long ol.

Yumi olgeta i bin gat ol klap afiliesen bilong yumi olsem na taim yumi i stap olsem ol selekta, yumi mas makim man long kain pilai bilong em na i no traime long go long wanpela sait tasol long wanem yumi save laikim em. No gat wanpela gutpela samting bai i kamap sapos yumi i makim man husat i no save pilai gut na i no inap long stap insait long rijinol tim o tim bilong Kumul.

Long arapela sait bilong stori bai i gat wanpela pilaia husat i no gat bikpela nem

long pilai tasol i save soim strongpela pilai tru na i fit tru long pilai. Na dispela man i no stap insait long sait bilong yumi long taim yumi i makim ol man bilong makim skwat long wanem em i no wanpela pilaia bilong klap em yumi i save laikim.

Mi amamas tru olsem ol selekta i bin luksave long Akuila Emil na mi save olsem dispela yangpela man bai i mas gat wanpela ples insait long skwat bilong Sauten Zone winim planti ol arapela husat planti i save laikim long en. Wok bilong faiv-et em long givim ol gutpela bal long ol poro long beklain long slip antap long trailain na Akuila i bin soim tru olsem em i ken mekim dispela wok na i no olsem ol arapela husat i fosim ol yet long mekim dispela wok. Mi laik tok olsem, Akuila, mi yet givim tru sapot bilong mi long yu na mi laik tok gutlak long yu long ol pilai bilong yu long bihain taim.


Em bai wanpela gutpela samting tru long lukim wanem rot bai ol selekta i makim ol man long stap insait long Sauten Zone skwat bilong traime ol arapela rijin long Kwin's Betde wiken. Dispela bai i gutpela long wanem Mosbi 1 bai i pilai wantaim Country 1 tasol. Long las seleksen, ol selekta i bin stap long wansait na i bin makim tasol planti bilong ol man long tim wan. Tarangau ol lain bilong tim tu i bin trai

hat nating na i no kisim wanpela gutpela samting. I gat planti ol gutpela pilaia i stap long tim tu bilong Mosbi olsem Issac Rop, Mark Ipu, Richard Wagambie, Akuila Emil na Arnold Tivilet.

Lukluk yet long ol seleksen bilong ol lain long Sauten Zone, em i no bin gutpela pasin long lukim olsem ol sampela lain bilong Country i no bin stap insait long Sauten Zone skwat. Sapos dispela ripot i stap long Nuigini Nius (Tunde Me 31) i bin tru, ol bikman bilong lukautim Sauten Zone i mas bekim K2000 mani bilong Alotau em i bin yusim long go long Popondetta.

Yumi i mas lukluk tu long ol arapela lig insait long Sauten rijin. Ating i luk olsem yumi i no save wok bung long save long wanem samting i wok long kamap long ol arapela hap. Sapos dispela i tru, em bai i kosim bikpela mani tru long stretim ol hevi bilong ol pilai.

Ating i luk olsem ol eria olsem long Alotau, Popondetta, Daru, Kerema, Kiunga, Tabubil na Berina i mas kamap wantaim wanpela tim tasol long kisim nem bilong Country long ol pilai bilong Sauten Zone. Mosbi i mas gat tupela tim na Nesenel Kepitel yet wantaim wanpela. Toktok long apim nem bilong ragbi lig na sapos yumi i no givim han long ol liklik lig, mipela i bagarapim tasol nem bilong ragbi lig.



• Ol Panthers i memeim dispela pilaia bilong Magani. Poto HENRY MORABANG

RAGBI LIG DRO

PORT MORESBY

ROUND 2 Week 11
Saturday 4th June, 1988

Lloyd Robson Oval

11.15am	RES	Hawks	v	Brothers
12.45pm	RES	Defence	v	Magani
2.15pm	A	Hawks	v	Brothers
3.45pm	A	Defence	v	Magani

PRL NO. 2 Oval

9.00am	U17	Hawks	v	Brothers
10.00am	U17	Defence	v	Magani
11.00am	U17	Wests	v	ANG
12.00pm	U17	Tarangau	v	Paga
1.00pm	U17	Kone	v	DCA

PRL NO. 3 Oval

10.00am	U19	Hawks	v	Brothers
11.00am	U19	Defence	v	Magani
12.00pm	U19	Wests	v	ANG
1.00pm	U19	Tarangau	v	Paga
2.00pm	U19	Kone	v	DCA

Sunday 5th June, 1988

Lloyd Robson Oval

11.15am	RES	Kone	v	DCA
12.45pm	A	Wests	v	ANG
2.15pm	A	Tarangau	v	Paga
3.45pm	A	Kone	v	DCA

PRL NO. 2 Oval

10.00am	RES	Wests	v	ANG
11.45am	RES	Tarangau	v	Paga
1.30pm	3RD	Hawks	v	Brothers

PRL NO. 3 Oval

10.00am	3RD	Tarangau	v	Paga
11.15am	3RD	Wests	v	ANG
12.30pm	3RD	Defence	v	Magani
1.45pm	3RD	Kone	v	DCA

NATIONAL CAPITAL

Kone Tigers Grounds

Saturday 4th June 1988

Time	Grade	Team	Ref
9:15am	U17	Hohola v Bomana	S.Guamo
10:30am	U19	Hohola v Bomana	A.Soikova
11:45pm	U17	Saraga v Boroko	T.Mala
1:00pm	U19	Saraga v Boroko	S.Dania
2:15pm	Res	Saraga v Boroko	J.Ume
4:00pm	A	Saraga v Boroko	N.Takiye

Sunday 5th June 1988

Time	Grade	Team	Ref
9:00am	Res	Hohola v Bomana	P.Kova
10:35am	A	Hohola v Bomana	S.Guamo
12:10pm	U17	Korobosea v Waigani	T.Mala
1:15pm	U19	Korobosea v Waigani	P.Biloi
2:20pm	Res	Korobosea v Waigani	A.Soikova
4:00pm	A	Korobosea v Waigani	J.Martin

BYE - Club Tokarara



• Turangau, dispela pilaia bilong Kone Taigas i kisim taim long han bilong ol pilaia bilong Difens. Tasol ol Taigas i bin winim dispela gem.

KIMBE

Saturday 4th June

9.30	C	Magani	v	Muruks
10.30	C	Royals	v	Umboli
11.30	B	Magani	v	Muruks
1.00	B	Royals	v	Umboli
2.30	B	Magani	v	Muruks
4.00	A	Royals	v	Umboli

Sunday 5th June

9.30	C	Hawks	v	Tarangau
10.30	C	Brothers	v	United
11.30	B	Hawks	v	Tarangau
1.00	B	Brothers	v	United
2.30	A	Hawks	v	Tarangau
4.00	A	Brothers	v	United

BOUGAINVILLE

Saturday 4th June

Arawa High School

11.55	U19	Souths vs Easts
13.00	U19	ANG vs Wests
14.05	B	ANG vs Wests
15.30	A	ANG vs Wests

Sunday 5th June

10.50	U19	S/Raiders vs Tarakum
11.55	B	S/Raiders vs Tarakum
13.00	B	Souths vs Easts
14.05	A	S/Raiders vs Tarakum
15.30	A	Souths vs East

RAGBI LIG POIN LATA

PORT MORESBY

Air Niugini	16
Magani	14
Defence	12
Wests	8
Kone Tigers	8
DCA	8
Paga	8
Tarangau	8
Brothers	6
Hawks	4

KIUNGA

Brothers	24
United	12
Waliwest	5
Ambang	4

NATIONAL CAPITAL

Boroko	7
Tokarara	6
Bomana	6
Hohola	5
Saraga	5
Waigani	4
Korobosea	3

KAINANTU

United	19
Magani	18
Panthers	15
Hawks	15
Tigers	14
Royal	9
Brothers	5
Tarangau	5

BOUGAINVILLE

Seagulls	8
Dolphins	8

Barbs	6
Snafu	4
Panthers	4
Muruks	0

RABAU

Muruks	8
Crusaders	7
N Raiders	6
Balanamatan	4
Brothers	3
PTC	3
Sea Eagles	1
Tarangau	0

MENDI

Brothers	14
Hawks	9
Bulldogs	8
Royals	6
Magani	3
Tarangau	2

NORTH SOLOMONS


Air Niugini	9
Souths	8
Easts	7
Sea-Raiders	6
Wests	6
Tarakum	0

MT HAGEN

Newton Jets	15
Magani	12
Brothers	11
Country	10
Tigers	10
Royals	8
Hawks	6
Tarangau	4

When only the best will do.

LIG POTO



• Namba 9 bilong Kone Taigas i kisim taim long ol lain pilaia bilong Difens long gem bilong ol las wik Sande. Kone Taigas i bin strong moa na winim ol Difens.

• Albert Wai bilong Panthers i holim pasim wanpela Magani long gem bilong ol.



• Ol lain pilaia bilong Panthers i wokabaut i go bek bihain wanpela bilong ol i bin skoim trai. Ol Panther i kukim stret Magani.

• Ol pilaia bilong Brothers i laik memeim bikpela fowat bilong Tarangau Ben Bire.



PORT MORESBY NATIONAL CAPITAL RUGBY LEAGUES



Southern Zone - Inter Trials

At Lloyd Robson Oval -

TONIGHT

Thursday, 2nd June 1988

6.30pm City 2 v Country 2

8.00pm City 1 v Country 1

Gates open at 5.30pm

Gate fees: K1.00 per adult



West's bai stapim Air Niugini

OL BIKPELA pisin bilong skai, Air Niugini bai i kisim taim long bikpela pilai bilong ol egensim West's long dispela Sarere. Ol lain bilong PX i wok long flai antap yet long holim primiasip taitel bilong ragbi lig long Not Solomons.

Dispela pilai bilong Sarere egensim West's bai i mekim ol boi bilong PX i taitim gut tru rop long su na olgeta rop long skin bilong ol long daunim ol boi bilong West's.

Sapos Air Niugini i abrus na mekim wanpela liklik asua, bai ol i kisim taim. Ol bikpela fowat bilong ol bai i pundaun olsem balus i no gat pailot long en. George Konte, Michael John, Karato Yongul, Joe Tumul wantaim olgeta lain long PX kampani bai i kamap long fil long Sarere long soim olsem Air Niugini i sempion klap bilong ragbi lig long Not Solomons.

West's bai mas beten strong long ren pundaun long dispela wik Sarere. Bikos i gat nem long bagarapim sindaun bilong ol strongpela tim long taim bilong ren. Olsem na sapos ren i pundaun liklik, Air Niugini bai kisim

taim.

Fowat bilong Ailans Zone Tom Kumins bai i go pas long ol boi bilong West's. Em bai i lukluk long tupela poro ya, Leonard Riumbia na Joe Aki long helpim long mekim nais long bun bilong ol boi PX. Tasol sapos long Sarere i gutpela de na san i lait strong tru, Air Niugini bai i mekim save stret long West's. PX bai i win long bikpela mak tru sapos san i lait antap long skai.

Long Sande, ol samting nogut bilong solwara ya, Sea-Raiders bai i kamap gen long fil long daunim pawa bilong Tarakum. Raiders bai i kamap long fil wantaim Thomas Dakoni, James Genu na spit bot bilong solwara ya, John Takakau. Dispela ol lain i bin soim pinis olsem ol i ken bringim tim bilong Raiders long salensim na autim ol arapela tim. Olsem na long dispela wik Sande ating ol boi Tarakum bai i kaikaim graun.

Tupela arapela gutpela man husat bai givim bikpela helpim i go long Raiders em huka Tom Walar na gutpela su bilong kika Joe Ataiere. Walar

bai givim bal long ol fowat bilong em long pundaun antap long trailain. Na sapos Joe i kisim wanpela liklik sans bai em i flaim i plaim ol lain bilong em i go insait long mak bilong Tarakum na winim pilai.

Tarakum i bin soim pinis sampela kain strongpela pilai bilong em na sampela tim i bin surik liklik long ol. Tasol ol i no gat inap pawa long kam antap long lata. Bob Timins na John Tenamau bai i go pas long ol boi. Na sapos tupela i no kisim inap sapot long ol poro bilong ol, tupela bai i lukim tim bilong tupela i lus gen.

Bikpela pilai bilong Sande bai i stap namel long Souths na Easts. Dispela pilai bai i tokaut long husat tru em i namba tu top tim long Not Solomons. Sapos husat tim i win, em bai i gat nem nau long stap aninit long Air Niugini. Tim husat bai i win long dispela gem bai i win long liklik poin tasol. Long wanem dispela pilai bai i strongpela tru.

Tupela sait wantaim i gat wankain stail bilong pilai, tasol Easts bai i stat wantaim sampela gutpela pilai long

bigin bilong gem.

Top pikinini bilong Souths long faivet, James Wangeva i bin lusim pinis provins na Souths bai i painim hat tru long putim wanpela man long kisim ples bilong em. Dispela bai i givim gutpela sans long Easts insait long taim bilong skram na mekim ol i papa long pilai i go inap long pinis bilong gem.

Ol kain stail bilong huka Arnold Sauta bai i winim tru ol arapela. Na dispela bai i helpim top manki long hap bek, Philip Misikaram i givim gutpela bal long ol ausait beks bilong em long slip antap long trailain.

Long dispela wiken Souths bai isoim tru olsem wanem tim i pilai kaskas wantaim ol bai kisim taim. Ol bai soim olsem ol arapela tim i mas pilai strong tru long winim ol.

Kosa bilong Souths Paul Sali bai i tokim ol boi bilong em long ol sampela kain trik bilong was long pilai bilong Easts. Sali bai i surikim Pala i go long faiv-et na stretim ol arapela long beklain long wanem Wangeva i no stap moa.

Okuk i strongim gem bilong Magani

MAGANI i bin soim strongpela pilai na i wok long surik i go antap long kisim primiasip spes long lata bilong Kainantu ragbi lig. Ol i bin soim dispela long taim ol i stapim ol boi Panthers long namba tri ples long bikpela gem bilong ol long Sande.

Tasol Magani i bin strong tru long namba wan hap long stapim ol fowat bilong Panthers long winim dispela pilai.

Longpela lek bilong Panthers long senta, Thomas Anku i bin putim namba wan trai long taim em i saitim em yet na abrusim gut ol han bilong Magani na go slip antap long trailain.

Tasol Magani i no bin amamas long dispela na i bekim dinau. Ol i salim bikpela prop, Swissy Yarari i go pundaun long trailain. Na i bin go pas long hap taim 6-4, long taim gutpela kik bilong dispela gol i bin go insait.

Long namba tu hap bilong gem, Magani i bin kam insait gen long fil na i mekim save long olgeta kona bilong fil. Dispela kain pilai

bilong ol i salim Bauo Teme long putim namba tu trai bilong en. Na Jonah Okuk i kisim Magani i go antap moa taim em i saitim gut tru su bilong em long salim bal i go insait long tupela pos bihain long wanpela opsait penalti kik.

Panthers i lukim olsem na i stretim ol asua bilong ol hariap na salim fulbek Iafa Toia long slipim wanpela trai. Na em yet i kikim tu i go insait. Tasol Magani i bin kisim gen wanpela sans we klostu long fultaim, faiv-et Karo i saitim tupela lek bilong em long putim wanpela trai na Okuk i salim i go namel long tupela gol pos.

Long ol arapela A gret gem, Hawks i bin kamap long fil wantaim olgeta longpela han bilong ol na i bagarapim tru sindaun bilong Royals 12-4, Yunaited i strong liklik na winim Tigers long wanpela trai 14-10 na Tarangau i kisim liklik sik bilong Hawks na winim Brothers 19-16.

Saraga i hamaim Hohola

LAS WIKEN yumi lukim ol biknem tim i kaikaim graun taim ol i lus insait long pilai bilong Nesanel Kapital Lig.

Long Sande, Saraga i hamaim Hohola 40-12 na lig lida tokakara i lus long Boroko 20-12. Boroko i go pas nau long 7 poin na Tokarara na Bomana i sanap long seken ples. Hohola na Saraga i sanap long namba tri ples wantaim 5 poin. Long Sarere Bomana i autim Waigani 20-12.

Tokarara i no smat. Ol i no salim gut bal olsem ol i wok long bipo. Kepten bilong Boroko, Negi Solomon na ol lain bilong em i ranawe wantaim bal na pasim olgeta rot bilong Tokarara.

Boroko i go pas long skoa taim seken-rowa Peter Umasa i skoa klostu long gol pos. Klok i soim ol i pilai 3 minit tasol taim Boroko i skoa Kepten Solomon i go pas long

ol fowad na ol i memeim Tokarara. Five-eight, Kingsley Sina i kik tru na Boroko i go pas 6-0.

Bihain long skoa ol hat tru long pilai namel long mak. Sta winga Ume Noito bilong Tokarara i bruk lus tasol Boroko i nilim em klostu long trai lain. Tasol lok, Ahi Ume i strong tru na em hamaim lain inap em i putim trai klostu long gol pos.

Senta Allan Paru i kik tru na skoa i sanap 6-6. Tsol klostu long namba wan hap i pinis Peter Umasa bilong Boroko i trikim ol pilaia bilong Tokarara gut tru na putim trai long kona. Na bihain Sina i wok olsem doza stret na putim trai klostu long pos. Em yet i kik tru na Boroko i go pas 16-6. Inap long 25 minit i pinis long seken hap i no gat skoa gen. Tupela tim wantaim i strong long difens.

Seken hap i op na tupela tim wantaim i no inap skoa. Tupela wantaim i strong long difens na ol fowat i no inap mekim wanpela samting.

Ol Blu Spider bai winim sil gen long grenfainel long UPNG

BLU Spider husat i winim pinis gren fainel tupela taim bai pilai wantaim Medics long Yuni Ragbi Lig gren fainel. Em bihain long ol i winim Lae Yunaitet long wik i go pinis.,

Ol Spider i lus long meja fainel long Fraide 27, Me olsem ol i kaskas long win na kisiim bek nem bilong ol. Ol i winim pinis Yunaitet long wan poin tasol taim sta senta na kepten bilong ol Dilu Siune i kikim fil gol.

Dispela gem wantaim Yunaitet em i wanpela hatpela pilai stet. Tupela tim wantaim i taitim bun long go insait long gren fainels. Tupela wantaim i strong na Paul Bogia, Michael Wau na Peter Waieng bilong Spiders i pasim

stret rot bilong Aromba Oumba na Fred Alu na ol i no brukim banis bilong Spiders.

Yunaitet i go pas long skoa taim Aromba i putim trai taim 30 minit long pes hap i go pinis. Kik i popaia na skoa i sanap 4-0.

Long namba tu hap Yunaitet i hat wok long pasim ol Spiders. Tasol kepten bilong Spiders, Dilu Siune, i brukim difens bilong ol na putim trai klostu long pos. Tasol Joe Ba i no makim gut kik na skoa i sanap 4-4.

Tupela tim nau i skrap tru na klostu pait i bruk. Long wanem ol i tingting bek long pait namel long Peter Waine na Aroma Oumba insait long seken hap. I gutpela tru ol sapota bilong Yunaitet i sin-



• Resev Gret tim bilong Blu Spiders husat bai stretim bun wantaim Norths long gren fainel. A gret bilong ol bai egeinsim Medics.

daun isi na i no kirapim bel bilong ol pilaia.

Maski ol Yunaitet i lus ol i no bel kaskas. Ol i save Spiders i

hatwok tru long win na ol i wetim neks yia long go insait long gren fainel.

Long Risev Gret Spiders bai pilai Norths.

I luk olsem olgeta pilai bai i smat tru na ol pilaia i redi tru long gren fainels.

Ol Medics, husat i save pilai strong

insait long ol fainals, i pasim tok pinis long tekewe sil long Spiders. Tasol long 1986 ol Spiders i winim ol 12-8 long gren painal.

Olsem ol i no wari.

Ol fowat bilong ol i hevi tru na Michael Pokup, Joe Garap na Wally Anton bai i opim rot bilong ol beklain. Ol i save ol Spiders i gat strongpela tim na bai ol i hatwok stret long winim ol. Maski ol i winim ol long meja fainel.

Alphonse Willie pilaia kosa bilong Spiders i tok olsem, "Mipela save ol Medics i gat strongpela tim. Tasol yu save. Mipela ol Spiders i holim pinis sil na mipela i no inap givim long ol Medics. Mipela bai strong olgeta long Sande".

Kikop long opim gem bai kamap long 4.30. Na risev gret gren fainel namel long Spiders na Norths bai stat long 3.00pm.

Waigani bai rausim Korobosea

LONG dispela wiken Waigani bai i kamap long fil long bekim dinau long wanem samt-ing Korobosea i bin mekim long en long pilai bilong pri-sisen. Nau em i taim bilong bekim dinau na Waigani bai i mekim save long ol lain boi bilong Sauten Hailans.

Ol gem long dispela wiken tu bai i pinisim namba wan raun bilong Nesanel Kepital Distrik lig.

Long dispela wiken, Waigani bai i stap long ful fos na toksave long ol arapela tim long no ken traime na pilai kaskas gen.

Waigani na Korobosea nau i no stap wantaim. Waigani i stap long 4 poin na Korobosea i stap long tri tasol. Paul Kova long hap bek, Vali Doloku na Ane Wesley long tupela han bilong fil long wing na Steven Karikesa na Temis Auke long senta bai i mas bung gut long mekim dinau na sutim nus bilong Korobosea.

Paul Kova i wanpela gutpela pilai tru husat i save helpim na givim bal i go long ol lain pilai long fowat. Na sapos no gat wanpela man i putim gut ai na was long em, bai ol i lukim tupela smok balus bilong em long wing, Ane Wesley na Vali Doloku i ranawe wantaim bal i go saitim long trailain.

Boi nogut ya, Steven Karikesa bai i kamap wantaim ol kainkain trik bilong em olsem na planti ai tru i mas stap long em long senta. Sapos no gat, dispela man tu i gat pit em i wankain long ol bikpela balus bilong Qantas. Na em i no save stap sapos i no gat banis i sanap long rot bilong em.

Korobosea tu i gat ol sampela smok balus beklain. Tasol ol dispela lain bilong kirapim

das long beklain bai i mas kisim bikpela helpim long ol lain long fowat aninit long gutpela na strongpela han bilong fran-roa Windon Aiwa long memeim banis bilong ol birua. Wantaim helpim bilong Ali Kauta long huk, Korobosea bai i kisim hap skel bilong ol tu long winim ol skram.

Dispela bai i bringim hap bek Thomas Pupun long poromanim five eighth Charles Elari long salim tupela winga ya, Peter Yuwi na Mex Vama long kam pundaun antap long trailain.

Long fowat lain bilong Korobosea, Sina Kubi, Kauta, Aiwa, Felix Tumura na Waripe Sumale bai i kamap wantaim sampela strongpela pilai tru. Dispela ol lain bai i ron wantaim bikpela fos bilong brukim banis bilong Waigani.

Long arapela gem long pastaim, Bomana bai i soim gen ol pilai bilong em long las sisen taim em i bin bomim ol boi long Hohola. Long las wiken, Hohola i bin kisim taim long han bilong ol lain dok nogut ya long Saraga.

Sapos Hohola i kamap gen long fil wantaim wankain stail bilong pilai olsem em i bin soim long las wiken, Thomas Kalimat, Punta La, Moses Gene na Vincent Kumasi long Bomana bai i lap long ol. Dispela ol lain long beklain bai i sambai long daunim wanem birua i laik kalapim mak.

Geba, Mase, Geoff Gibaru na Steven Bibaesi long beklain bilong Hohola bai i mas lusim dispela kain pasin bilong pilai na tromoi bal nabaut sapos ol i tingting long kisim bek nem bilong ol.

Tutuli Koleya wantaim ol boi bilong em long fowat i mas lukim olsem i no gat wanpela liklik spes i stap long givim sans long ol birua. Sapos ol i mekim olsem bai i gutpela liklik long stapim pawa bilong ol lain plisman ya.

Wewak tu laik kamap sempion

OLGETA lain pikinini Sepik i redi tasol i stap long lusim Wewak na go long Lae long stap insait long Northern Zone resis long dispela wiken. Wewak i no bin soim tumas gutpela pilai long namba wan taim ol i bin kamap pilai long Madang. Na long dispela wiken bai ol i mekim wanem.

I luk olsem ol lain boi ya bilong Sepik i redi tasol long traime gen strong bilong ol long dispela wiken. Ol i gat strongpela tingting tru long soim olsem pawa bilong Gawi i no dai olgeta.

Trena bilong Wewak skwat, Kosi Sosoro i bin givim pinis planti toktok i go long ol boi bilong em long ol bikpela asua bilong ol long las taim. Na ol dispela lain i mas stretim ol dispela asua sapos ol i tingting long mekim sampela samt-ing long soim ol yet long bikpela pilai bilong dispela wiken.

Kosa bilong tim, Alois Jerowai tu bai i mas sutim tru bel bilong ol lain manki bilong em long pilai strong. Ol lain PS ya i bin gat bikpela taim tru long redim ol yet long dispela pilai. Menesa bilong tim, Willie Wananga bai i amamas tasol long lukim ol boi bilong em i soim strongpela na gutpela pilai long kisim sampela ples insait long Noten Zone skwat.

Tupela man husat i gat bikpela sans long stap insait pinis long skwat em Peter Niaga na Aloysius Mindipi. Sapos dispela tupela man i laikim ol selekta i mas lukluk long tupela na givim ful sapot long tupela long stap insait long Noten Zone skwat, tupela wantaim i mas pilai olsem wanpela tim na soim klinpela pilai.

Niaga long Wewak i save gat kain nem bilong mekim ol sampela takel long ragbi we i no gutpela. Sapos em i laik stap tru long skwat, em i mas senisim stail bilong em. Ol arapela lain husat bai i go long Lae long makim Wewak em Charles Ofoi, Alex Anis, Robert Kuat, Paul Labu, Luke Gukain, Puipui P, Linus S, na Ian Laho.

Wewak tim bai i pilai wantaim Lae long Sarere long apinun tru na long Sande bai em i traime bun wantaim ol wanktok ya long Wau-Bululo.

Seketeri bilong Wewak Ragbi Lig Edward Meata i tok olsem em i no inap long mekim wanpela toktok long wanem samt-ing bai i kamap. Em i tok tasol olsem sapos ol i win em i orait na sapos ol i lus no gat wanpela samt-ing i rong long dispela.



KRAAA..... KRAA.....

Gude -- Mi LAKI na mi gat sampela toksave i go long yupela ol gutpela pipel bilong PNG.

LAIKIM PNG RESIS NAMBA 3

PNG em i wanpela naispela ples tru olsem mipela laik painimaut hamas manmeri bilong PNG i save gut long kantri bilong ol. Olsem na mipela wokim gen "Laikim PNG Resis" we yu ken winim k25, K50 o K100 sapos yu win long resis.

Em isi tru long go insait long resis.

Yu mas baim wanpela (o planti sapos yu laik) Laki Lottery Tiket. Na sapos yu no winim wanpela prais liklik orait yu ken go insait long dispela Laikim PNG Resis Namba 3.

- 1) Yu mas raitim nem na adres bilong yu long baksait long olgeta tiket i no win.
- 2) Putim insait long wanpela skinpas wantaim ANSA bilong kwesten long baksait bilong skinpas.
- 3) Salim pas i kam long "Laikim PNG Resis" Box 1939, Boroko, NCD.

Mipela kisim ol wina long ol dispela pas gat stretpela ansa long en. Sapos long wanpela mun i no gat man i salim stretpela ansa bai mipela bungim ol prais inap wanpela man i win.

Ol wokman bilong LMS Pty Ltd na famili bilong ol i no inap go insait long resis. Ol plis bai was taim mipela pulim ol nem bilong ol wina. Na tu nem bilong ol man i win bai go insait long ol niuspepa i save putim ol dispela resis.

Tingim Gut: Ol tiket i lus tasol i ken go insait long resis. Na tu yu ken salim planti lus tiket insait long wanpela pas.



WINNERS OF COMPETITION N°2 ARE:


1st K100 - Stephen Turlom
2nd K 50 - Michael Penny
3rd K 25 - John Manembi

Please contact Lottery Management Services to collect your prize.

ASKIM: Dispela haiwe i stap long wanem Provins? Kolim nem bilong dispela haiwe.

Ol pas i mas kamap long mipela bipo long Jun 27, 1988.


Bai i gat 3-pela wina:
Namba wan K100
Namba tu K50
Namba tri K25






GOOD YEAR

The Choice of Champions



TIMBER KING
 LOGGING & HAULING TRUCK TYRE




G291
 UNISTEEL HIGHWAY RADIAL TRUCK TYRE



G186
 UNISTEEL ON/OFF ROAD RADIAL TRUCK TYRE



HI-MILER
 G8 HIGHWAY TYRE



G100
 ON/OFF ROAD TRUCK TYRE

COLOR USED

REBO

OL PLUS I BIHAINIM OL NA BLINGM PORO BILONG REBO KRAI I STAP...

MAMA!... SOB!! LEK BILONG MI I BRUK YA!

YU KRAI LONG MAMA BILONG WANEM!

OL KARIM PORO BILONG REBO I GO LONG PLUS KA...

REBO I KALAP LONG WANPELA PMV NA LAIK GO LONG NARAPELA PLES...

TASOL OL PLUS I ROT BLOK... HEY! OL PLUS I ROT BLOK!!

PORO, YU GAT LAHSENS O NOSAT? MI PRET YA!!

HARIAP TRU REBO I KALAP GO DAUN NA RON I GO INSAIT LONG BUS NA GO LONG NAMBIS...

HEY! YU NO PEIM PMV!!

SORI TRU!! MI GO OL PLUS I ROT BLOK!!

EM STILIM WANPELA KANU NA SAIL I GO AUT...

PAPA!! WANPELA MANG STILIM KANU I BILONG MIPELA!


WANPELA LIKUK MANGI LUKIM REBO I SAIL I GO AUT NA EM SINGAIT.

HARIAP TRU OL MAN LONG PLES I KALAP LONG OL NARAPELA KANU NA BIHAINIM REBO...


YU KAM BEK HIA! Gx!!

IGO MOA NEKS WIK!!


See the complete line of over-the-road truck tyres by Goodyear.




WRANGLER THE ALL PURPOSE 4WD RADIAL TYRE



GRAND PRIXS 70



G800 GRAND RALLY



FABRIC BELTED RADIAL

NCT

BOROKO MOTORS

•PORT MORESBY PH 25 5255 •LAE PH 42 1144 •RABAUL PH 92 2777 •MT HAGEN PH 52 1433 •MADANG - PH 82 2433 •TABUBI PH 58 1111 •ARAWA MOTORS PH 95 1566 •HIGATURU MOTORS PH 29 7175

PINIKI

PINIKI I TOKIM JOHN OLSEM EM GAT WANPELA MERI LONG TAUN...

WANPELA MAN I TOK YU GAT MERI I STAP LONG TAUN! SOB!

6x!!

JOHN I BELHAT NOGUT TRU...

HOSATI TOKIM YU OLSEM?!!

JOHN I BELHAT NOGUT TRU NA GO HATIM MAN I JELES LONG EM...

YU!! BRARY SAMTING NOGUT!! YU JELES A? 6x!?!?

TARANGU PINIKI KRAI NA REDIM OL KAGO BILONG EM NA LAIK GO LONG HALIS...

MI GO BEK LONG MANA PAPA!

SOB!!

PINIKI NOKEN GO! BAI MI GO LONG TAUN NA TOKIM MERI OLSEM MI MARIT!

TASOL JOHN I PASIM EM...

NAU JOHN I GO LONG TAUN...

MARY!! YU WE FASTAIM!

JOHN!! (LEWA) WANEM TAIM YU KAM LONG LAE?

EM BUNGIM OLPELA GELPREN BILONG EM...

OLPELA GELPREN I GIAMANIM JOHN...

MARY... MI KAM LONG TOKSAVE OLSEM MI BAI LISIM YU OLGETA NA MI?

SAPOS YU LISIM MI OLGETA BAI MI KILIM MI YET!!

JOHN I HARIM OLSEM NA EM WARI NOGUT TRU...

NAU EM RAITIM PAS I GO LONG PINIKI...

DIA LEWA, BAI MI STAP LONG TAUN LIKLIK LONG WANEM SAMPELA BIRCI I KAMAP. LUKIM YU BIHAIN! GUT NAIT JOHN

IGO MOA NEKS WIK!!

GOODYEAR

The Choice of Champions

CALL FOR THE BEST PRICES WITH BEST SERVICE AND HAVE A GOOD YEAR WITH GOODYEAR.

GOROKA Ph: 72 1848 Al's Auto Repairs Pty. Ltd.	MADANG Ph: 82 2433	LAE Ph: 42 1144	RABAU Ph: 92 2757 92 2777
MT HAGEN Ph: 52 1715	POPONDETTA Ph: 29 7175	PORT MORESBY Ph: 25 5255	ARAWA Ph: 95 1566 95 1516
			ALOTAU Ph: 61 1167 Milne Bay Enterprises

BOROKO MOTORS

• PORT MORESBY PH 25 5255 • LAE PH 42 1144 • RABAU PH 92 2777 • MT HAGEN PH 52 1715 • MADANG PH 82 2433 • ARAWA PH 95 1566 • ARAWA MOTORS PH 95 1566 • HIGATIRU MOTORS PH 29 7175

I GAT 48
KALA TV
OLGETA LONG
WINIM

I GAT 112
KAIN KAIN
MASIN BILONG
HAUS LONG
WINIM

YU INAP WINIM WANPELA KALA TV



**I gat 48 kala TV na
112 kain kain masin bilong
mekim wok insait long haus.
Olgeta wik bai mipela
i givim 20 prais.**

Nau yu inap winim wanpela long ol 48 National kala TV na 112 kain kain National masin bilong mekim wok insait long haus Shell i laik tilim.

Long olgeta wik bai mipela givim 20 prais.

I gat 6-pela kala TV na 14 masin bilong mekim wok insait long haus mipela bai tilim long olgeta wik inap 8-pela wik i pinis.

Yu laik go insait long resis yu mas baim petrol o disel o kero o wel inap long K5 long wanpela Shell stesin long Mosbi o Lae.

Yu baim pinis orait yu kism tom na pulampim na givim i go bek long Shell stesin. Em tasol.

Yu wokim pinis orait yu insait pinis long resis na yu inap win insait long Super Shell kala TV resis.

Wokim tude. Baim samting long

Shell na go insait long resis.

Resis op long 9 Me
na pas long 3 Juli

48 BIKPELA PRAIS

National 14" kala TV

Piksa i klia na lait tru. I gat han swis long TV na sapos TV i bagarap insait long tupela yia bai mipela stretim bek na yu no mas baim.

I GAT 112 MOA PRAIS

National Blenders

Blender ya i holim 1 litre na yu ken miksim ol kain kain samting bilong drink insait.

National Deluxe Iron

Ain va i no inap pas wantaim klos. I gat wara sprai na steam kontrol.

National Coffee Maker

Em holim 8-pela kap kopi na i gat swis we yu ken wokim kopi long laik bilong yu vei.

National Rice Cooker

Em isi tru long kukim rais long dispela masin. Rais bai swit moa na i tuhat inap long 5-pela aua.



EM ISI TRU
NA BAI YU
AMAMAS LONG
GO INSAIT
LONG RESIS

YU KEN WINIM
LONG SHELL
SEVIS STESIN
TASOL

Long Mosbi
na Lae tasol.

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.